

如前所說資糧於恒伽沙等量大切
中出家眾及在家眾菩薩乘者多時
滿願得成正覺

繫彼資糧頌為菩提思惟資糧義光闡
能如在彼頌我今釋彼頌於義或增減
善解頌義等賢智當忍之釋彼資糧頌
我所作福善為流轉衆生當得正遍覺
聖者龍樹所作菩提資糧論竟我比
丘自在解釋竟

菩提資糧論卷第六

癸卯歲高麗國大藏都監奉
勅彫造

大乘莊嚴經論卷第一

太子石闍子生王身王言奉勅序

父

臣聞天帝受無上之法景福會昌輪
王致正真之道神祇合德是則聖人
執契玄化潛通至誠所感冥功斯應
皇情西顧法海東流如開洪範之圖
似得圓光之夢持綫妙典發金口而
秘論言書兼舊章自觀宮而外麟閣
昔迦維耶世大啓法門懸明鏡於無
象運虛舟於彼岸空有兼謝生滅俱
忘絕智希夷之表遺形動寂之外然
隨緣利見應跡生知震大地而萃人
天放神光而掩日月百億須弥俱霑
聲教三千世界盡入隄封慈三毒之
羶鎖矜五蔭之纏蓋惜飛霞於浮生
歎熱藤於逝水八關玄關開慧識於
幽塗三乘方軌運慈心於朽宅龍興
霧集神動天隨大道為心壁法雲而
遐舉聞聲悟道漸初地而依仁遵捨
苑之喬枝入祇園之陝室酌智水之
餘潤承慈日之末光既而稅駕蓮河歸
真雙樹聖靈逾遠傳教浸微大義或

乘斯文將墜穿鑿異端分析多緒是
末非古殊塗別派天親初學之輩尚
致西河之疑龍樹究竟之傳弥深東
晉之歎仰惟法寶蓋諦無為故經丈
去佛以法為師佛從法生佛依法住
豈止研幾盡性妙物窮神出入無間
苞含元氣而已若夫惟天為大寒暑
運其功謂地蓋厚山澤通其氣是以
姬文以大聖之姿幽贊易道丘明懷
同耻之德祖述微言諸經著論俯同
斯旨大乘莊嚴論者無著菩薩著焉
菩薩以如來滅度之後含章秀發三
十二相具體而微八千億結承風俱
解知通正法莊飾經王明真如功德
之宗顯大士位行之地破小乘執著
成大乘經紀其菩提一品寂為微妙
轉八識以成四智求四智以具三身
詳諸經論所未曾有可謂聞所未聞
見所未見
聖上受飛行之寶命慈步驟於前王
屈天師之尊智問万物應人皇之運
道照三明慈惠外宣神機內湛端宸
而後百靈垂拱而朝万国祚綸造化

大衆莊嚴論卷第三

之初含吐陰陽之際切成作樂既章

韶備治定制禮言動翠華金輪所王

封壇之固惟遠芥戒雖滿龜鼎之祚

無窮光闡大猷開導群品凡諸內典

盡今翻譯摩伽陀國三藏法師波羅

頗蜜多羅唐言明友即中天竺剎利

王之種姓也以

大唐貞觀元年

十二月入京法師戒行精勤才識明

敏至德隣于初果多能亞夫將聖繼

澄什之清塵未儀上國標生遠之逸

氣高步玄門

帝心簡在

皇儲禮敬其情聞強記探幽洞徹京

城大德莫不推許粵以貞觀四年恭承

明詔又

勅尚書左僕射邦國公房玄齡散騎

常侍行太子左庶子杜正倫銓定義

學法師慧乘慧朗法常智解墨藏智

首道岳慧明僧辯僧珙法琳靈佳慧

續慧淨玄著僧伽等於勝光寺共成

勝業又

勅太府卿蘭陵男蕭瑒

大衆莊嚴論卷第四

淨法師聰敏博識受百經文玄譽法

師善達方言又兼義解至心譯語一

無紕謬以七年獻春之始撰定斯畢

勒成十有三卷二十四品勅太子右

庶子安平男李百藥序之云尔

大衆莊嚴經論卷第一

無著菩薩造

大唐三藏法師玄奘譯

緣起品第一偈曰

教智作諸義言句皆無垢

救濟苦眾生

慈悲為性故巧說方便法

所謂取上乘

為發大心者略以五義現

釋曰莊嚴大衆經論誰能在嚴答義

智能在嚴問義智云何在嚴答開作

諸義問以何開作答以言及句問以

何等言以何等句答以無垢言以無

垢句無垢言者謂能至涅槃城無垢

句者謂字句相應若離無垢言句則

於諸義不能開曉問以何義故在嚴

答為救濟苦眾生故問眾生自苦何

因救濟答為苦薩者大悲為體生憐

大衆莊嚴論卷第五

所謂取上乘問為誰故莊嚴答為發

大衆心者問以幾義莊嚴答略以五

義亦現問何者五義偈曰

譬如金成器

譬如花正數

譬如食美饌

譬如解文字

譬如開寶篋

是各得歡喜

五義法莊嚴歡喜亦如是

釋曰此中五譬即譬彼五義莊嚴如

其次第能令發大心者信向故受教

故思惟故修習故證得故問其義云

何答金成器為令信向轉彼心故華

數譬為令受教開亦彼故食美饌譬

為令思惟得法味故解文譬為令修習

更不思故開寶譬為令證得真實善

提分寶自覺證故由此五義分別大

乘能令彼人得生愛樂問若彼法自

性功德具足何義更須莊嚴為答此

問偈曰

譬如莊嚴寶臨鏡生勝喜妙法莊嚴已

得喜更第一

莊嚴強欲令他恭敬信受耶偈曰

辟如飲藥苦 病差則為樂 住文及解義

苦樂亦如是 辟如難事王 因事得威力

如是難解義 因解得法財 辟如見生寶

不別則不愛 如是聞妙法 不覺亦不喜

釋曰此三偈次第顯示妙法有三切

德一顯斷障因功德二顯自在因功

德三顯妙喜因功德問此義云何答

如飲苦藥初時則苦以難服故後時

則樂以病差故此法亦亦住文時苦

味難得故解義時樂障病破故如事

嚴王初時則苦難得意故後時則樂

與威力故此法亦亦思惟時苦深難

解故思度時樂長聖財故如見生寶

未別時則不愛謂無用故識別時則

深重知有用故此法亦亦修行時則

不喜謂空無用故修度時則深悅知

有大用故緣起品究竟

大乘莊嚴經論成宗品第二

釋曰有人疑此大乘非佛所說云何

有此功德可得我今決彼疑網成立

大乘真是佛說偈曰

不記亦同行 不行亦成就 體非體能治

文異八因成

大乘莊嚴論第一卷 第十卷 文

釋曰成立大乘略有八因一者不記

二者同行三者不行四者成就五者

體六者非體七者能治八者文異第

一不記者先法已盡後佛正出若此

大乘非是正法何故世尊初不記耶

辟如未來有異世尊即記此不記故

知是佛說第二同行者聲聞乘與大

乘非先非後一時同行汝云何知此

大乘獨非佛說第三不行者大乘深

廣非忖度人之所能信况復能行外

道制諸論彼種不可得是故不行由

彼不行故是佛說第四成就者若汝

言餘得菩提者說有大乘非是今佛

說有大乘若作此執則反成我義彼

得菩提亦即是佛如是說故第五體

者若汝言餘佛有大乘體此佛無大

乘體若作此執亦成我義大乘元異

體是一故第六非體者若汝言此佛

元大乘體則聲聞乘亦無體若汝言

聲聞乘是佛說故有體大乘非佛說

故無體若作此執有大過失若無佛

乘而有佛出說聲聞乘者理不應汝

第七能治者由依此法修行得無分

別智由無分別智能破諸煩惱由此

因故不得言無大乘第八文異者大

乘甚深非如文義不應一向隨文取

義言非佛語復次若汝言初不記者

由佛無功用心捨故若作此執是義

不然偈曰

諸佛三因緣 現見亦護法 如來智无導

捨者不應尔

釋曰若此大乘非佛說者是為大障

諸佛有三因緣何故不記一無功用

智恒起是眼恒見二恒作正勤守護

正法三如來智力無有障礙由此三因

汝言捨而不記者不應道理復次若

汝言有體者即聲聞乘是大乘體何

以故即以此乘得大菩提故若作此

執是義不然偈曰

非全非不違 非行非教授 是故聲聞乘

非即是大乘

釋曰有四因緣非即以聲聞乘為大

乘體非全故非不違故非行故非教

授故非全者聲聞乘無有利他教授

但為自厭難欲解脫而教授故非不

大乘在藏論集卷第九

大乘在藏論集卷第九

大乘在藏論集卷第九

違者若言聲聞乘以自方便而教授他即是利教授是義不然何以故雖以自利安他彼亦自求涅槃勤行方便不可以此得大菩提故非行者若汝言若能久行聲聞乘行則得大菩提果是義不然非方便故聲聞乘非大菩提方便不以久行非方便能得大乘果譬如搗角求乳不可得故非教授者如大乘教授聲聞乘無是故聲聞乘不得即是大乘復次今更亦汝相違義偈曰

發心與教授方便及住持時節下上乘五事一切異

釋曰聲聞乘與大乘有五種相違一發心異二教授異三方便異四住持異五時節異聲聞乘若發心若教授若勤方便皆為自得涅槃故住持亦少福智聚小故時節亦少乃至三生得解脫故大乘不介發心教授勤方便皆為利他故住持亦多福智聚大故時節亦多經三大阿僧祇劫故如是一切相違是故不應以小乘行而得大乘果復次若汝言佛語有三相

一者入修多羅二者顯亦毗尼三者不違法空汝以一切法無自性而為教授違此三相故非佛語若作此執是義不然偈曰

入自大乘經現自煩惱滅廣大甚深義不違自法空

釋曰今此大乘亦不違三相入自大乘修多羅故現自煩惱毗尼故由菩薩以分別為煩惱故廣大甚深即是菩薩法空不違此空得大菩提故是故此乘與三相不相違復次前說不行者我今更示此義令汝信受偈曰有依及不定緣俗亦不普退屈忖度人寧解大乘義

釋曰由有五因微忖度者不能得入大乘境界彼智有依故不定故緣俗故不普故退屈故彼有依者智依教生非證智故不定者有時更有異智生故緣俗者忖度世諦不及第一義諦故不普者雖緣世諦但得少解不解一切故退屈者諍論辯窮即默然故大乘者即無所依乃至終不退屈不退屈者无量經中有百千偈說大乘

法由得此法辯才無盡是故大乘非忖度人境問汝說聲聞乘非佛菩提方便若尔何者是耶偈曰

廣大及甚深成熟無分別說此二方便即是無上乘

釋曰廣大者謂諸神通由極勤方便令他信解故甚深者謂無分別智由難行故如其次第一為成熟衆生二為成熟佛法即說此二為無上乘提方便此二方便即是無上乘體問若尔有人於中怖畏過失云何偈曰不應怖而怖由怖被燒然怖引非福故長時過患起

釋曰若人非怖畏虞妄生怖畏是人即墮極熱惡道而被燒然何以故由此怖畏引大非福聚生由此罪故能令是人經無量劫受大熱惱問彼人復有何因生此怖畏偈曰

非性非法明少慧少因力怖此深妙法退失大菩提

釋曰若人生怖由四因緣一非種性離菩薩性故二非法明離善知識故三少慧力未解大乘法空故四少因

力先世不種諸波羅蜜自性善根故
由此因緣於甚深妙法橫生怖想由
此想故於大菩提福智二聚應得不
得是名為退汝今應知此退過患最
極深重已說怖過及怖因次說不應
怖畏因偈曰

無異即乎無有異即險處無辟種種說
續說多門說非有如文義諸佛甚深體
聰慧正觀人應知不應怖

釋曰無異即乎無者若汝言聲聞乘
即是大乘無異大乘體若如是者即
聲聞辟支佛乘復無有體何以故由
得佛故如是一切皆是佛乘何因怖
耶有異即險處者若汝許有異大乘
體此體即是一切智道最為第一險
處由難度故此應仰信何因怖耶無
辟者於一時中無二大乘並出可以
相比何因怖一不怖二耶種種說者
今此大乘非獨說空亦說大福智聚
應解此意何因獨怖空耶續說者一
切時中決定相續說空汝非乍聞何
因怖耶多門說者彼彼經中多門異
說顯大要用破諸分別得無分別智

若異此說無大用者如來但應言空
不說如法性實際等既說有多門何
因獨怖空耶非有如文義者大乘甚
深不如文義何因隨文取義而怖空
耶諸佛甚深體者佛性甚深辛難覺
識應求了別何因怖耶由如是等因
緣故聰慧正觀人於此大乘不應怖
畏已說不應怖畏因次說能行此法
智偈曰

隨次聞思修得法及得慧此智行此法
未得勿非毀

釋曰若人寧初依善知識能起正聞
次於正義能起正憶次於真實境界
得生正智次從彼彼得證法果次從
彼後起解脫智是人此智隨深入遠
能行此法汝若自無此智不應決定言
非佛語已說能行此法智次遮怖畏
此法句偈曰

不解解不深深非思慮解解深得解脫
諸怖不應念

釋曰不解者若汝言如是深法非我
所解如是起怖畏者不應念解不深
者若汝言佛解亦不深如其解深何

故說深如是起怖畏者不應念深非
思慮解者若汝言何故此深非思量
境界如是起怖畏者不應念解深得
解脫者若汝言何故獨解深義能得
解脫非思量人能得解脫如是起怖
畏者不應念如是已遮怖畏此法句
次以不信成立大乘偈曰

由小信界伴不解深大法由沒不解故
成我無上乘

釋曰小信者狹劣信解故小界者阿
梨耶識中薰習小種子故小伴者相
似信界為眷屬故此三若小則不信
別有大乘由此不信則成我所立是
無上法已說成立大乘次遮謗毀大
乘偈曰

隨聞而得覺未聞慎勿毀无量餘未聞
謗者成癡業

釋曰汝隨少聞得有覺悟不應隨聞
復生謗毀汝於未聞無信可奈何以
故不積善故未聞者多慎勿謗毀汝
無簡別若生謗毀更增癡業壞前聞
故已遮謗毀次遮邪思偈曰
如文取義時師心退真慧謗說及輕法

緣此大過生

大乘在嚴論第卷 第十五張父

歌

釋曰師心者謂自見取非智者邊求義故退真慧者如實真解未得退故謗說者毀善說故輕法者嫉所聞故緣此非福次身受大苦報是名大過起已遮邪思次遮惡意偈曰

惡意自性惡不善不應起况移於善處應捨大過故

釋曰惡意者是憎嫉心自性惡者此心是自性罪尚不可於過失法中起何況於非過法中起是故急應須捨大過患故成宗品究竟

大乘莊嚴經論歸依品第三

釋曰如此已成立大乘次依大乘攝勝歸依偈曰

若人歸三寶大乘歸第一一切遍勇猛得果不及故

釋曰一切歸依三寶中應知大乘歸依軍為第一何以故由四種大義自性勝故何者四義一者一切遍義二者勇猛義三者得果義四者不及義此義後當說由此四義多有留難諸歸依者或能不能者為勝已說歸

依勝次勸勝歸依偈曰

大乘莊嚴論第卷 第十六張父

歌

難起亦難成應須大志意為成自他利當作勝歸依

釋曰難起者所謂勝願由和捨故難成者所謂勝行由經元量劫故由如此難應須發大志意何以故為欲成就他利與自利故他利者所謂願行由願行是名聞因故自利者所謂大義由大義是自體果故前說四義今當先說一切遍義偈曰

衆生遍乘遍智遍寂滅遍是名智慧者四種一切遍

釋曰大乘歸依者有四種一切遍一者衆生一切遍欲度一切衆生故二者乘一切遍善解三乘故三者智一切遍通達二無我故四者寂滅一切遍生死涅槃體是一味過惡功德不分別故已說一切遍義次說勇猛義偈曰

怖望佛菩提不退難行行諸佛平等覺勇猛勝有三

釋曰大乘歸依有三種勝勇猛一願勝勇猛歸依佛時求大菩提多生歡

大乘莊嚴論第卷 第十七張父

歌

喜知勝功德故二者行勝勇猛起修行時不退不屈難行行故三者果勝勇猛至成佛時與一切諸佛平等覺故復次由此勇猛彼諸佛子恒得善生偈曰

發心與智度聚滿亦大慈種子及生母胎藏乳母勝

釋曰菩薩善生有四義一者種子勝以菩提心為種子故二者生母勝以般若波羅蜜為生母故三者胎藏勝以福智二聚住持為胎藏故四者乳母勝以大悲長養為乳母故復次善生者由勇猛故恒得勝身偈曰

妙相成生力大樂大方便如此四成就

是名為勝身

釋曰菩薩身勝有四種一者色勝得妙相嚴身勝轉輪王等相故二者力勝得成熟衆生自在力故三者樂勝得寂滅上品佛地無邊樂故四者智勝得救一切衆生大巧方便故此四成就是名佛子善生所謂色成就力成就樂成就智成就復次由此勇猛得與王子相似偈曰

光授法自在巧說善治攝由此四因故佛種則不斷

釋曰由四因緣王種不斷一者入位受職二者增上無違三者善能決判四者分明賞罰善生佛子亦尔一者蒙光授謂一切諸佛與大光明令受職故二者法自在謂於一切法中智慧自在他無違故三者能巧說謂對佛衆中善說法故四者善治罰謂於學戒者過惡能治功德能攝故復次由此勇猛得與大臣相似偈曰
入度見覺分持密利衆生由此四因故得似於大目

釋曰有四種因是大臣功德一者入王禁宮二者見王妙寶三者秘王密語四者自在賞賜勇猛菩薩亦尔一者常得善入諸波羅蜜二者常見慶慶經中大菩提分寶由不忘法故三者常持如來身口意密四者常能利益無邊衆生已說勇猛義次說得果義偈曰
福德及尊重有樂亦苦滅證樂證法陰習盡有滅捨

釋曰大乘歸依者得此八果一者信解時得大福德聚二者發心時得三有尊重三者故意受生時得三有中樂四者解自他平等時得大苦聚滅亦得滅一切衆生苦力五者入無生忍時覺證寂上樂六者得菩提時證大法陰法陰者所謂法身如此法身名為大名為勝名為常名為善聚是无邊修多羅等法藏故名大一切法中取上故名勝永無有盡故名常為力無畏等善法積聚故名善聚七者得薰習聚盡永滅無餘八者得有滅捨有捨者不住生死滅捨者不住涅槃已說得果義次說不及義偈曰
大體及大義无邊及無盡由善世出世成熱神通故

釋曰大乘歸依者所有善根由四因故一切聲聞辟支佛所不能及一者大體二者大義三者無邊四者无盡問此云何答大體者謂世間善根已得超過二乘故大義者謂出世善根二乘出世但自利故无邊者謂成熟善根能成熟无邊衆生故無盡者謂

神通善根至無餘涅槃亦無盡故已說歸依勝義次說歸依差別偈曰
憐望及大悲種智亦不退三出及二得差別有六種

釋曰歸依差別有六種一自性二因三果四業五相應六品類憐望為自性至心求佛體故大悲為因為一切衆生故種智為果得無上菩提故不退為業行利他難行行不退不屈故三出為相應具足三乘出離行故二得為品類世俗得法性得鹿細差別故已說功德差別次說行差別偈曰
歸依有大義功德聚增長意悲遍世間廣流大聖法

釋曰大義謂自他利行自利行者謂功德增長復有多種若思度若數數若時節皆無有量由不可思度故不可數知故畢竟恒行時無分齊故他利行者作意及悲遍一切衆生故廣勤方便流大聖法故大聖法者大乘法故歸依品究竟

大乘莊嚴經論種性品第四
釋曰已訖歸依義次說種性差別

有勝性相類 金聲與寶聲 過惡及功德 金聲與寶聲

九種各四種

釋曰種性有九種差別一有體二取勝三自性四相貌五品類六過惡七功德八金聲九寶聲如是九義一各有四種差別此偈惣舉餘偈別釋此中先分別有體偈曰

由界及由信 由行及由果 由此四差別 應知有性體

釋曰種性有體由四種差別一由界

差別二由信差別三由行差別四由

果差別由界差別者衆生有種種界

无量差別如多界修多羅說由界差

別故應知三乘種性有差別由信差

別者衆生有種種信可得或有因力

起或有緣力起能於三乘隨信一乘

非信一切若無性差別則亦無信差

別由行差別者衆生行行或有能進

或有不能進若無性差別則亦無行

差別由果差別者衆生菩提有下中

上子果相似故若無性差別則亦無

果差別由此四差別是故應知種性

有體已說種性有體次說種性寂勝

偈曰

明淨及普攝 大義亦無盡 由善有四勝

種性得第一

釋曰菩薩種性由四種因緣得為寂

勝一由善根明淨二由善根普攝三

由善根大義四由善根無盡何以故

非諸聲聞等善根如是明淨故非一

切人善根攝力無畏等故餘人善根

無他利故餘人善根涅槃時盡故菩

薩善根不介由此為因種性寂勝已

說種性寂勝次說種性自性偈曰

性種及習種 所依及能依 應知有非有

功德度義故

釋曰菩薩種性有四種自性一性種

自性二習種自性三所依自性四能

依自性彼如其次第復次彼有者因

體有故非有者果體非有故問若介

云何名性答功德度義故度者出生

功德義由此道理是故名性已說種

性自性次說種性相類偈曰

大悲及大信 大智及大行 若有如此相

是名菩薩性

釋曰菩薩種性有四種相貌一大悲

為相哀愍一切苦衆生故二大信為

相愛樂一切大乘法故三大忍為相

能耐一切難行行故四大行為相遍

行諸波羅蜜自性善根故已說種性

相類次說種性品類偈曰

決定及不定 不退或退墮 遇緣如次第

品類有四種

釋曰菩薩種性品類略說有四種一

者決定二者不定三者不退四者退

墮如其次第決定者遇緣不退不定

者遇緣退墮已說種性品類次說種

性過失偈曰

應知菩薩性 略說有四失 習惑與惡友

貧窮屬他故

釋曰菩薩種性過失略說有四種一

者習惑功德不行煩惱多行故二者

惡友雜善知識狎弊人故三者貧窮

所須衆具皆乏少故四者屬他繫屬

於人不自在故已說種性過失次說

種性功德偈曰

功德亦四種 雖墮於惡道 遲入復速出

苦薄及悲深

釋曰菩薩種性雖有如前過失若墮

惡道應知於中復有四種功德一者遲入不數隨故二者速出不久住故三者苦薄逼惱輕故四者悲深哀愍衆生亦成就故已說種性功德次說種性金屑偈曰

辟如勝金性 出生有四種 諸善及諸智 諸淨諸通故

釋曰勝金性者所出有四義一者極多二者光明三者無垢四者調柔菩薩種性亦一者為無量善根依止二者為無量智慧依止三者為一切煩惱障智障得清淨依止四者為一切神通變化依止已說種性金性辟次說種性寶性辟偈曰

辟如妙寶性 四種成就因 大果及大智 大定大義故

釋曰妙寶性者四種成就依止一者真成就依止二者色成就依止三者形成就依止四者量成就依止菩薩種性亦一者為大菩提因二者為大智因三者為大定因定者由心住故四者為大義因成就無邊衆生故已廣分別性位次分別無性位偈曰

一向行惡行 普斷諸白法 無有解脫分 善少亦無因

釋曰無般涅槃法者是無性位此略有二種一者時邊般涅槃法二者畢竟無涅槃法時邊般涅槃法者有四種人一者一向行惡行二者普斷諸善法三者無解脫分善根四者善根不具足畢竟無涅槃法者無因故彼無般涅槃性此謂但求生死不樂涅槃人已說無性次說今入偈曰

廣演深大法 令信令極忍 究竟大菩提 二知二性勝

釋曰廣演深大法者為利他故謂無智者令得大信已大信者令成就極忍能行不退已極忍者令究竟成就無上菩提二知者謂諸凡夫及諸聲聞若得如是彼諸二人則知自性性德圓滿性寂為殊勝問云何勝偈曰增長菩提樹生樂及滅苦 自他利為果此勝如吉根

釋曰如是種性能增長極廣功德大菩提樹能得大樂能滅大苦能得自他利樂以為大果是故此性寂為第

一辟如吉祥樹根菩薩種性亦一性品究竟

大乘莊嚴論卷第一

癸卯歲高麗國大藏都監奉 勅彫造

大乘莊嚴經論卷第二

父

無著菩薩造

大唐天竺三藏波羅頗蜜多羅譯

發心品第五

釋曰如是已分別菩薩種性次分別菩薩發菩提心相偈曰

勇猛及方便利益及出離 四大三功德

二義故心起

釋曰菩薩發心有四種大一勇猛大謂引捨精進甚深難作長時隨順故二方便大謂被引捨鉅已恒時方便勤精進故三利益大謂一切時作自他利故四出離大謂為求无上菩提故復次此四種大顯亦三種功德第一第二大顯亦作丈夫所作功德第三大顯亦作大義功德第四大顯亦受果功德此三功德以二義為緣所謂無上菩提及一切衆生由此思故發菩提心已說發心相次說發心差別偈曰

信行與淨依 報得及無障 發心依諸地 差別有四種

釋曰菩薩發心依諸地有四種差別

一信行發心謂信行地二淨依發心

謂前七地三報得發心謂後三地四

無障發心謂如未地已說差別次當

廣釋問如此發心以何為根何所依

止何所信何所緣何所乘何所住何

等而難何等功德何等自性何所出

離何處究竟偈曰

大悲與利物 大法將種智 勝欲亦大護

受障及增善 福智與修處 及以地地滿

初根至後竟 隨次解應知

釋曰菩薩發心以大悲為根以利物

為依止以大乘法為所信以種智為

所緣為求彼故以勝欲為所乘欲無

上乘故以大護為所住住菩薩戒故

以受障為難起異無心故以增善為

功德以福智為自性以習諸度為出

離以地滿為究竟由地地勤方便與

彼彼相應故如此已廣分別次說受

世俗發心偈曰

友力及因力 根力亦聞力 四力惣二發

不堅及以堅 釋曰若徒他說得而發心是名受

大乘莊嚴經論卷第二

世俗發心此發心由四力一者友力

發心或得善知識隨順故二者因力

發心或過去曾發心為性故三者根

力發心或過去曾行諸善根所圓滿故

四者聞力發心或處處說法時元量

衆生發菩提心故又習善根者或現

在如法常聞受持等故復次彼四力

發心惣為二種一者不堅發謂友力

發心故二者堅發謂因等三力發心故

已說世俗發心次說第一義發心偈曰

親近正遍知 善集福智聚 於法無分別

取上真智生

釋曰第一義發心顯有三種勝一教

授勝親近正遍知故二隨順勝善集

福智聚故三得果勝生無分別智故

此發心名歡喜地由歡喜勝故問此

勝以何為因偈曰

諸法及衆生 所作及佛體 於此四平等

故得歡喜勝

釋曰四平等者一法平等由通達法

無我故二衆生平等由至得自他平

等故三所作平等由令他盡苦如自

盡苦故四佛體平等由法界與我無

別決定能通達故已說勝因次說勝

差別偈曰

生位及願位 亦猛亦淨依 餘巧及餘出 六勝復如是

釋曰第一義發心復有六勝一生位

勝二願位勝三勇猛勝四淨依勝五 餘巧勝六餘出勝問此六云何勝 偈曰

生勝由四義 願大有十種 勇猛恒不退 淨依二利生 巧便進餘地 出離善思惟 如此六道理 次第成六勝

釋曰生勝由四義者一種子勝信大 乘法為種子故二生母勝般若波羅 蜜為生母故三胎藏勝大禪定樂為 胎藏故四乳母勝大悲長養為乳母 故願大有十種者十大願如十地經 說發此願勝故勇猛恒不退者能行 難行永不退故淨依二利生者一知 自近菩提二知利他方便故巧便進 餘地者得趣上地方便故出離善思 惟者思惟住諸地中所建立法故問 云何思惟答如所建立分齊分別知 故以是分別亦知無分別故已說發

心次說譬喻顯此發心偈曰

如地如淨金 如月如增火 如藏如寶篋

如海如金剛 如山如藥王 如友如如意

如日如美樂 如王如庫倉 如道如車乘

如泉如喜聲 如流亦如雲 發心譬如是

釋曰如此發心與諸譬喻何義相似

答譬如大地軍初發心亦如是一切

佛法能生持故譬如淨金依相應發

心亦如是利益安樂不退壞故譬如

新月勤相應發心亦如是一切善法

漸漸增故譬如增火極依相應發心

亦如是益薪火熾積行依極故譬如

大藏檀波羅蜜相應發心亦如是以

財周給亦無盡故譬如寶篋尸波羅

蜜相應發心亦如是功德法寶從彼

生故譬如大海羣提波羅蜜相應發

心亦如是諸來達道心不動故譬如

金剛毗梨耶波羅蜜相應發心亦如

是勇猛堅牢不可壞故譬如山王禪

波羅蜜相應發心亦如是物無能動

以不亂故譬如藥王般若波羅蜜相

應發心亦如是或智二病此能破故

切時中不捨衆生故譬如如意珠神 通相應發心亦如是隨所欲現能成 就故譬如威日攝相應發心亦如是 如日熱穀成熟衆生故譬如美樂辯 相應發心亦如是說法教化攝衆生 故譬如國王量相應發心亦如是能 為正道不壞因故譬如倉庫聚相應 發心亦如是福智法財之所聚故譬 如王路覺分相應發心亦如是大聖 先行餘隨行故譬如車乘止觀相應 發心亦如是二輪具足安樂去故譬 如涌泉慧持相應發心亦如是聞者 雖多法無盡故譬如喜聲法印相應 發心亦如是求解脫者所樂聞故譬 如河流自性相應發心亦如是無生 忍道自然而流不作意故譬如大雲 能成世界方便相應發心亦如是亦 現八相成道化衆生故如此等及二 十二譬譬彼發心如聖者元盡慧經 廣說應知已說發心譬喻次說不發 心過失偈曰

思利及得方 解義亦證實 如是四時樂 趣寂則便捨

釋曰菩薩有種種樂一忍利樂謂忍

大華嚴經疏卷第二

惟利益他時二得方樂謂至得巧方

便時三解義樂謂解了六乘意時四

證實樂謂證人法無我時若人棄捨

衆生趣向寂滅應知是人不得菩薩

如是四樂已呵不發心發心者應讚

歎偈曰

寂初發大心善護無邊惡善增悲增故

樂喜苦亦喜

釋曰若菩薩初發大菩提心平時依

無邊衆生即得善護不作諸惡為此

故是人遠離退墮惡道畏復次由有

善及增故於樂常喜由有悲及增故

於苦常喜為此故是人遠離退失菩

道畏已讚發心次說因此發心得不

作護偈曰

愛他過自愛忘已利衆生不為自憎他

豈作不善業

釋曰若略亦彼義菩薩愛他過於自

愛由此故忘自身命而利於他不為

自利而損於彼由此故能於衆生絕

諸惡業已說得不作護次說得不退

觀法如知幻觀生如入苑若成若不成

大華嚴經疏卷第二

或苦皆無怖

釋曰菩薩觀一切諸法如似知幻若

成就時於煩惱不生怖菩薩觀自生

處如入園苑若不成就時於苦惱亦

不生怖若如是者更有何意而退菩

提心耶復次偈曰

自嚴及自食園地與戲喜如有四事

悲者非餘衆

釋曰菩薩以自功德而為自嚴以利

他歡喜而為自食以作意生處而為

園地以神通變化而為戲喜如此四

事唯菩薩有於二乘無菩薩既有此

四事云何當退菩提心已說不退心

次遮畏苦心偈曰

極勤利衆生大悲為性故無間如樂處

豈怖諸有苦

釋曰菩薩以大悲為體是故極勤利

他雖入阿鼻地獄如遊樂處菩薩如

是於餘苦中豈生怖畏因此怖畏而

退心耶偈曰

大悲恒在意他苦為自苦自然作所作

釋曰諸菩薩大悲開裂常在心中若

大華嚴經疏卷第二

見衆生受苦即自生苦由此道理自

然作所應作若待善友勸發深生極

重慙著偈曰

荷負衆生擔解怠醜非勝為解自他縛

精進應百倍

釋曰菩薩發心荷負衆生重擔若去

餘緩此是醜事非為第一端正衆生

苦應應思若自若他有種種急縛謂

彼聲聞作所應作發心品究竟

大華嚴經論二利品第六

釋曰已說發心次說依此發心隨順

修行自他利行偈曰

大依及大行大果次第說大取及大忍

大義三事成

釋曰大依者依止大菩提而發心故

大行者為利自他而發行故大果者

令得無上菩提故如其次第大取者

發心時攝一切衆生故大忍者發行

時忍一切大苦故大義者得果時廣

利一切衆生業成就故已說次第次

說自他無差別偈曰

他自心平等 愛則於彼勝 如有勝
二利何差別

釋曰菩薩得他自心平等或由信得
謂世俗發心時或由智得謂第一義
發心時菩薩雖有此心然愛他身則
勝自身於他既有如此勝想則不復
分別何者為自利何者為他利俱無
別故已說無差別次說他利勝偈曰
於世無怨業 利彼恒自苦 悲性自然起
是故利他勝

釋曰菩薩於諸世間久絕怨業是故
恒為成就他利自身受諸勤苦由大
悲為體自然起故由此道理則利他
為勝問如是利他云何隨順偈曰
善說令歸向 令入亦令調 今成亦令住
令覺令解脫 集德及生家 得記并受職
至成如來智 以是利羣生

釋曰三種衆生謂住下中上性菩薩
如其所住而攝取之以十三種隨順
利益一者善說由隨教及記心故二
者令歸向由神通力故三者令入由
向已能令信受正教故四者令調由
入已斷其疑故五者令成由成熟善

根故六者令住由教授令心住故七
者令覺由得智慧故八者令解脫由
得神通等諸勝功德故九者集德由
適集福智故十者生家由生佛家故
十一者得記由八地受記故十二者
受職由十地受職故十三者得如來
智由入佛地故問如此隨順云何成
立偈曰

不倒及不高 無者亦通達 能忍及調順
三亦無盡 應知此八義 成就彼十三
釋曰不倒者若人已住於性菩薩隨
機而為說法不妄授故不高者彼歸
向時不恃神通而自高故无著者彼
入正法時不滌衆生故通達者斷彼
疑網故能忍者善成執彼故調順者
隨順教授非不調教授故遠去者隨
順生家等非不遠去今他能作故無
盡者菩薩利益衆生一切時願无盡
故是名成就應知問此隨順云何勝
豈別偈曰
習欲大可畏 有愛動而倒 樂滅斷煩惱
大悲求佛法
釋曰習欲者諍習界人大可畏者身

心苦多及向惡趣故有愛者謂色無
色界人動而倒者彼樂无常故動行
苦故倒樂滅者謂自利人斷煩惱者
由煩惱所持則苦不斷為難苦故自
斷煩惱而求寂滅大悲者謂利他人
求佛法者此人常求一切佛法擬利
一切衆生故偈曰
世間求自樂 不樂恒極苦 菩薩勤樂他
二利成上樂

釋曰世間愚癡常求自樂而不得樂
及得極苦菩薩不尔常勤樂他而二
利成就更得第一大涅槃樂此是菩
薩勝隨順差別已說利他隨順次以
此行迴向衆生偈曰
異根於異處 異作有異行 凡是諸所作
迴以利衆生
釋曰菩薩迴向隨眼等諸振行種種
處作種種威儀業行利益衆生凡是
諸行若事相應及以相似彼皆迴向
一切衆生如行清淨經中廣說已說
迴向心次遽不忍心偈曰
衆生不自在 常作諸惡業 忍彼增悲故
無惱亦無違

金剛經疏卷第十

佛正

釋曰衆生為煩惱所惱心不自在是故作諸惡業菩薩智慧於彼常起大忍增長大悲是故於彼不起惱心亦不欲作不隨順事已遮不忍心次顯隨順大偈曰

勝出與寂靜功德及利物次第依四義說大有四種

釋曰諸菩薩有四種隨順大一者勝出大於三有五趣中而勝出故如般若波羅蜜經說須菩提若色有法非無法者是摩訶衍不能勝出一切世間天人阿修羅故二者寂靜大隨向無住處涅槃故三者功德大福智二聚增長故四者利物大常依大悲不捨衆生故二利品究竟

大乘莊嚴經論真實品第七

釋曰已說隨順修行次說第一義相偈曰

非有亦非無非如亦非異非生亦非滅非增亦非減非淨非不淨此五無二相是名第一義行者應當知

釋曰無二義是第一義五種亦現非有者分別依他二相無故非無者真

金剛經疏卷第十

佛正

實相有故非如者分別依他二相無一實體故非異者彼二種如無異體故非生非滅者無為故非增非減者淨染二分起時滅時法界正如是住故非淨者自性無染不須淨故非不淨者客塵去故如是五種無二相是第一義相應知已說第一義次遮於彼起顛倒偈曰

我見非見我無相非無緣異二無我故解脫唯迷盡

釋曰我見非見我者無我相故何以故由我相但是分別故非無緣者煩惱習氣所起緣五受陰故異二無我故者二謂我見及五受陰亦非異此二種而有我相如是我見但是迷謬實無我相可得故解脫唯迷盡者若緣自身起解脫亦唯迷盡無別有我名解脫者故已遮妄見次詞顛倒偈曰云何依我見不見苦自性迷苦及苦者法性與無性

釋曰云何依我見不見苦自性者咄我世間云何依止我見起種種迷不能了達諸行是苦自性而常隨逐邪

金剛經疏卷第十

佛正

迷苦及苦者法性與無性者苦謂受彼苦觸苦者謂苦不斷非我與苦相應名為苦者迷苦謂不解苦自性迷苦者謂不解無我法性者唯法由人元我故無性者非法由法无我故偈曰云何緣起體現見生異見聞故不見有亦復不有見

釋曰云何緣起體現見生異見者咄我世間云何現見諸行各從緣起而依此體橫生異見謂眼等諸根體非緣起邪聞故不見有亦復不有見者白無明故緣起之法是有而不見有我體不有而復有見問若云何得涅槃偈曰

生死與涅槃無二無少異善住無我故生盡得涅槃

釋曰生死涅槃無有二乃至無有少異何以故無我平等故若人善住無我而修善業則生死便盡而得涅槃如是已遮顛倒次應說彼對治偈曰福智元邊際生長慈圓滿思法決定已通達義類性

釋曰此偈顯第一集大聚位福智無

邊際者由差別無數及時節無邊故

生長悲圓滿者菩薩集此大聚到彼

岸故思法決定已者依止定心而思

惟故通達義類性者解所思諸法義

類志以意言為自性故偈曰

已知義類性善住唯心光現見法界故

解脫於二相

釋曰此偈顯第二通達分位由解一

切諸義唯是意言為性則了一切諸

義悉是心光菩薩今時名善住唯識

從彼後現見法界了達所有二相即

解脫能執所執偈曰

心外無有物物無心亦無以解二無故

善住真法界

釋曰此偈顯第三見道位如彼現見

法界故解心外無有所取物所取物

無故亦無能取心由離所取能取二

相故應知善住法界自性偈曰

無分別智力恒平等遍行為壞過聚體

如藥能除毒

釋曰此偈顯第四修道位菩薩入第

一義智轉依已以無分別智恒平等

行及遍處行何以故為壞依止依他

性豈習稠林過聚相故問此智力六

何答譬如阿伽陀大藥能除一切眾

毒彼力如此偈曰

緣佛善成法心根安法界解念唯分別

連窮功德海

釋曰此偈顯第五究竟位緣佛善成

法者諸菩薩於佛善成立一切妙法

中作般若緣故問云何惣聚緣答心

根安法界此明入第一義智故由此

慧安住法界是故此心名根問此後

復云何答解念唯分別謂此後起觀

如前觀事慶慶念轉解知諸念唯是

分別非實有故問如此知已得進何

位答連窮功德海謂如是知已佛果

功德海能連窮彼岸故真實品究竟

大乘莊嚴經論神通品第八

釋曰說真實義已次顯菩薩神通相

偈曰

起滅及言音心行亦先住向彼令出離

六智自在通

釋曰起滅者謂生死智境知諸眾生

生死故言音者謂天耳智境隨彼所

起言語悲聞知故心行者謂他心智

境能知他人言行差別故先住者謂

宿命智境知彼先住善惡所集故向

彼者謂如意智境隨彼慶慶往教化

故出離者謂漏盡智境知彼眾生出

離應不應故如此六智於諸世界六

義差別遍知無礙勇猛自在是名菩

薩神通自性已說自性次說修習偈曰

第四極淨禪無分別智攝如所立方

依此淨諸通

釋曰如所依禪如所攝智如所立方

便菩薩作意修習則得最上神通已

說修通次說得果偈曰

三住住無比所住善供養今彼得清淨

是說神通果

釋曰神通有三種果一勝住果此住

有三種一聖住二梵住三天住所得

無比无上故二善供養果隨所住處

世間眾生大供養故三令他清淨果

能令供養者得清淨故問神通有六

種業一自業二他業三光業四戲業

五化業六淨業此云何偈曰

世生成壞事見彼猶如幻種種他所欲

自在隨意成

釋曰此偈上半顯亦自業見諸世界

大乘莊嚴論第三卷 第十九章

及諸衆生若成若壞猶如幻故下半顯亦他業謂動地放光等事隨他所欲自在現故十種自在如十地經說偈曰

神光照惡趣 令信生善道 威力震天宮 動殿令魔怖

釋曰此偈顯亦光業光業二種一救苦二怖魔上半偈明救苦謂下照惡道衆生令發信心得生善道故下半偈明怖魔謂上照天宮動魔宮殿令魔驚怖故偈曰

遊戲諸三昧 僧中或第一 恒現三種化 以是利衆生

釋曰此偈上半顯亦戲業於佛衆中遊戲諸定寂得自在下半顯亦化業化有三種一業化工巧業處自在化故二隨化隨他所欲自在化故三上化住兜率天等勝上化故以是三化恒為利益偈曰

智力普自在 刹土隨欲現 無佛令聞佛 懸擲有佛境

釋曰此偈顯亦淨業淨業二種一為

刹土二淨衆生上半偈明淨刹土由智自在隨彼所欲能現水精琉璃等清淨世界故下半偈明淨衆生於元佛世界能令聞佛起淨信心生有佛處故已說業用次說相應偈曰

大乘莊嚴論第三卷 第三十章

成熟衆生力 諸佛所稱譽 發語元不信 如是說相應

釋曰神通相應有三種一成生相應辟如鳥翅初得成就二稱譽相應常得諸佛之所讚歎三信受相應凡所言說人皆信受已說相應次說住神通具偈曰

六智及三明 八解八勝處 十遍諸三昧 勇猛資神通

釋曰菩薩住神通具有六種差別一六智二三明三八解脫四八勝處五十遍入六諸三昧如是六義是分別神通具差別已說住神通具次說神通大偈曰

能安不自在 常勤於利物 行有無怖畏 勇猛如師子

釋曰菩薩神通有三種大一自在大衆生由煩惱故不得自在菩薩智力

能自在安置故二歡樂大由常勤利益衆生一向樂故三無畏大行三有中得極勇猛如師子故神通品究竟大乘莊嚴經論成熟品第九

大乘莊嚴論第三卷 第三十章

釋曰已說諸菩薩神通諸菩薩云何自成熱偈曰

欲信捨非急 念力堅支具 應知自成熟 此九皆上品

釋曰菩薩有九種自成熟一者欲成熟由歸求大法故二者信成熟由淨心說者故三者捨成熟由滅離煩惱故四者悲成熟由憐愍衆生故五者忍成熟由能行難行故六者念成熟由一切受持故七者力成熟由皆能通達故八者堅成熟由惡魔外道不能奪故九者支成熟由善分圓滿故如此九種窮取上位是名成熟相此九成熟一一有因有體有業今當說偈曰

近友聞亦思 勝勇勝究竟攝法及受法 說欲成熟相

釋曰親近善友聽聞正法如法思惟此三能起大欲是名欲因上大精進

此三能起大欲是名欲因上大精進

一切不思議處究竟無疑是名欲體
於大乘法有夾橫處則能守護菩薩
所說信心領受是名欲業偈曰

如來福智聚淨心不可壞速受定智果
說信成熟相

釋曰婆伽婆如是廣說是名信因得
不壞淨是名信體得定智果是名信
業偈曰

善護於六根離惡起對治樂修諸善法
說捨成熟相

釋曰以念倚等善護六根是名捨因
離不善覺起無間道是名捨體一切
善法恒樂修習是名捨業偈曰

見諸眾生苦哀憐離小心受身世間勝
說悲成熟相

釋曰菩薩見眾生苦是名悲因起極
憐愍速離小乘心是名悲體得一切
世間勝諸地不退是名悲業偈曰

持性數修習極苦能安忍善根恒樂進
說忍成熟相

釋曰持耐忍謂名門數習成性是名
忍因能受極風寒等苦是名忍體隨
勝生處恒修善法是名忍業偈曰

報淨善隨順極入善惡說能起大般若
說念成熟相

釋曰得清淨器是名念因隨所聞說
善惡二義聞思修已深了不忘是名
念體能生出世般若是名念業偈曰

二聚界圓滿果起依寂上世間得第一
說力成熟相

釋曰福智二聚種子充滿是名力因
能得寂上依止是名力體世間第一
隨意成熟是名力業偈曰

深觀妙法理諸魔不可奪能與異部過
說堅成熟相

釋曰妙法道理作心觀察是名堅因
惡魔疲旬不能障礙是名堅體能與
他部而作過失是名堅業偈曰

所有善根聚依勤能發起離惡及修善
說支成熟相

釋曰彼成熟善根聚是名支因依此
因能發起上精進是名支體離諸不
善樂修勝善是名支業偈曰

如此九種物自熟亦熟他增善增法身
如世極親者

釋曰然等九物能自成熟亦成熟他

常增長一切善根及增長法身由此
二種增故如似世間第一親者已說
菩薩自得成熟次說菩薩成熟眾生
偈曰

癡熱則堪治食熟則堪取眾生熟亦亦
二分捨用故

釋曰二分者一障分二治分障熟須
捨如癡熱須漬治熟須用如食熟須
取是名成熟依止已說成熟依止次
說成熟差別偈曰

捨普勝隨善得常漸為入如此諸成熟
是說差別種

釋曰成熟他相有八種一者捨成熟
令滅煩惱故二者普成熟化以三乘
故三者勝成熟過外道法故四者隨
成熟應機說故五者善成熟心恭敬
故六者得成熟令不倒解故七者常
成熟令永不退故八者漸成熟令次
第增長故已說成熟差別次說成熟
心勝偈曰

利子及利親利已三利勝菩薩利一切
過彼勝無比

釋曰譬如世人安樂自子安樂自親

大華嚴經論第三卷 第三十五頌

安樂自身此心寂勝菩薩普欲成熟一切衆生過彼三心不可為比是故菩薩成熟衆生其心寂勝問此勝云何成立偈曰

世間不自愛何況能愛他菩薩自愛捨但為愛他故

釋曰世人雖欲自愛尚不能自安利處况能愛他安他利處菩薩不捨捨於自愛但為愛他是故成熟衆生勝過於彼問用此心勝云何成熟偈曰身財一切捨平等及無厭所乏令充足安立於善根

釋曰此偈顯示極波羅蜜成熟衆生檀有三種一資生檀內外身財一切捨故二平等檀於諸施田雖高下故三無厭檀勇猛恒施不疲倦故以是三檀二世隨攝於現在世皆令充足於未來世安立善根偈曰

常與性及滿自樂不放逸引入於戒足二果常無盡

釋曰此偈顯示尸波羅蜜成熟衆生菩薩有五種尸羅一者常尸羅生生常有故二者自性尸羅無功用心住

大華嚴經論第三卷 第三十六頌

真實體故三者圓滿尸羅十善業道皆具足故如十地經說四者自樂尸羅恒自愛樂故五者不放逸尸羅念念無犯故以是五種尸羅二世隨攝於現在世安立戒品於未來世令依報二果切德無絕偈曰

不益得益想極忍解方便今彼起隨順及種諸善根

釋曰此偈顯示羈提波羅蜜成熟衆生若他以不饒益事來向菩薩菩薩於彼得饒益解起極忍辱何以故由彼隨順令我忍波羅蜜得增長故亦以是忍二世隨攝於現在世令起歸向於未來世令種善根偈曰

久劫行上勤利物心無退令生一念善况欲善無量

釋曰此偈顯示毗梨耶波羅蜜成熟衆生菩薩於億百千劫行最上精進為成熟無邊衆生心無退轉以是精進二世隨攝於現在世但令得生一念善心况於未來令無量善根皆得增益偈曰

第一日在禪難染及見湯現在令轉向

大華嚴經論第三卷 第三十七頌

未來善法增釋曰此偈顯示禪波羅蜜成熟衆生菩薩所得禪定遠離愛見慢等故自在寂上以是禪定二世隨攝於現在世今歸向第一妙法於未來世令增長一切善根偈曰

知真及知意能斷一切疑於法令恭敬自他功德滿

釋曰此偈顯示般若波羅蜜成熟衆生知真者解法不顛倒故知意者了達衆生心行斷彼疑故以是般若二世隨攝於現在世今向大法深生恭敬於未來世令彼自身功德及他身功德皆得圓滿偈曰

善趣及三乘大悲有三品盡於未來際如是熟衆生

釋曰此偈顯示大成熟相有三種一者位大謂第四位安立善道及以三乘二者品大悲極三品下者信行地中者初地至七地上者八九十地三者時大時節無邊盡未來際菩薩如是利益衆生是名大成熟相成熟品究竟

大華嚴經論第三卷 第三十八頌

癸卯歲高麗國大藏都監奉勅彫造

大乘莊嚴經論卷第三

無著菩薩造

父

大唐天竺三藏波羅頗蜜多羅譯

菩提品第十

釋曰已說菩薩成熟衆生次說菩薩得一切種智偈曰

一切難已行一切善已集一切時已度一切障已斷

釋曰此偈顯一切種智因圓滿一切難已行者由具足行无量百千種難行行未曾疲倦故一切善已集者由具足聚集諸波羅蜜自性善根故一切時已度者由具足經長時大劫阿僧祇故一切障已斷者由具足斷一切大乘障謂諸地所有微細障故偈曰

成就一切種此即為佛身 譬如大篋開衆寶無不現

釋曰此偈顯一切種智果圓滿有三義分別一至得二自性三譬喻成就一切種者謂至得分別從此已後成就一切種智故此即為佛身者謂自

大乘莊嚴經論卷第三 第三頌 父
性分別即說一切種智為佛身體故譬如大篋開衆寶無不現者謂譬喻分別不可思議菩提分寶皆現前故已說一切種智為佛身次說此身無二相偈曰

白法為佛身非無亦非有佛為法寶曰法則善根因

釋曰白法為佛身者轉六波羅蜜等一切善法為佛體故非無亦非有者此體非無何以故真如无別故亦復非有何以故自性不成故是名無二相佛為法寶因者佛說一切法故及以神通力故法則善根因者衆生為曰善根為穀如是法寶於所化衆生曰生長善根穀故偈曰

具法亦離法如藏亦如雲生法雨法雨故成如是譬

釋曰此偈重顯前義具法亦離法者諸佛具足一切善法故遠離一切不善法故如藏亦如雲者佛寶如藏法寶如雲問此以何義答生法雨法雨故成如是譬佛寶能出生法寶與大藏相似法寶能生長一切衆生善

根與大雲相似已說佛身無二相次說是無上歸依偈曰

諸佛常救護衆生三塗汙諸惑諸惡行及以生老死

釋曰此偈略顯救護義諸佛常救護者由畢竟救護故問救護何法答衆生三塗汙謂煩惱塗汙業塗汙生塗汙諸惑者即煩惱塗汙諸惡行者即業塗汙及以生老死者即生塗汙問云何救護答於此三種衆生一切時救護不捨即是畢竟義偈曰

大乘莊嚴經論卷第三 第三頌 父
根與大雲相似已說佛身無二相次說是無上歸依偈曰

諸佛常救護衆生三塗汙諸惑諸惡行及以生老死

釋曰此偈略顯救護義諸佛常救護者由畢竟救護故問救護何法答衆生三塗汙謂煩惱塗汙業塗汙生塗汙諸惑者即煩惱塗汙諸惡行者即業塗汙及以生老死者即生塗汙問云何救護答於此三種衆生一切時救護不捨即是畢竟義偈曰

諸災及惡趣身見亦小乘如是諸衆生一切皆救護

釋曰此偈廣顯救護義諸災者謂盲瞽瘖瘂狂亂形殘等衆生由佛力故盲者得視瞽者得聽瘂者能言狂者得正亂者得定形殘者得具足如是救護惡趣者謂地獄等衆生放光照觸今得離苦不復更入如是救護身見者謂著我衆生令得人無我解入二乘涅槃如是救護小乘者謂二乘性不定衆生方便引入大乘如是救護偈曰

護偈曰

大乘莊嚴經論卷第三 第三頌 父

性不定衆生方便引入大乘如是救護偈曰

大乘莊嚴論卷第三 菩薩戒

佛為勝歸處無比故無上如前種種畏無不令脫者

釋曰此偈顯歸依勝由佛無辟喻故為無上是故如前所說三種涂汙眾生及餘災等眾生一切皆能救護偈曰諸佛善滿身一切世間勝妙法化眾生以度悲海故

釋曰此偈顯歸依勝因諸佛善滿身一切世間勝者此由自利究竟由力無畏等諸善功德自性滿故妙法化眾生以度悲海故者善解教化眾生方便及度大悲海岸究竟故偈曰盡於未來際普及一切生恒時利益彼是說歸依大

釋曰此偈顯歸依太大有三義一者時太窮一切眾生生死際故二者境大以一切眾生為境故三者事大恒時作利益救脫其苦今出緣故已說無上歸依次說如來轉相依偈曰二障種恒隨彼滅極廣斷白法圓滿故依轉二道成

釋曰此偈顯示轉依有離有得二障種恒隨彼滅極廣斷者此明所治遠

大乘莊嚴論卷第三 菩薩戒

離謂煩惱障智障二種種子元始已來恒時隨逐今得永滅極者一切地廣者一切種此皆斷故白法圓滿故依轉二道成者此明能治成就謂佛體與取上圓滿白法相應亦時依轉得二道成就一得極清淨出世智道二得無邊所識境界智道是名轉依偈曰

彼處如來住不動如山王尚悲樂滅人況者諸有者

釋曰此偈顯示如來轉依諸轉中勝何以故如來轉依住無漏界處如山王鎮地安住不動如此轉已見於聲聞緣覺樂寂滅人尚生憐愍何況遠邊下賤著有苦惱眾生偈曰

他利及無上不轉及不生廣大與無二無住亦平等殊勝與過授是說如來轉顯示十功德差別義應知

釋曰此二偈顯示如來轉依有十種功德差別何等為一者他義轉謂轉依已為利他故二者无上轉謂轉依已一切法中而得自在過二乘轉故三者不轉轉謂轉依已塗汙諸因

大乘莊嚴論卷第三 菩薩戒

不能轉此依彼依轉故四者不生轉謂轉依已一切塗汙法畢竟不起故五者廣大轉謂轉依已示現得大菩提及般涅槃故六者無二轉謂轉依已生死涅槃無有二故七者不住轉謂轉依已有為無為俱不住故八者平等轉謂轉依已與聲聞緣覺同解脫煩惱障故九者殊勝轉謂轉依已力無畏等一切佛法無與等故十者遍授轉謂轉依已恒以一切乘而教授故偈曰

如空遍一切佛亦一切遍虛空遍諸色諸佛遍眾生

釋曰此偈顯示佛體一切遍與虛空相似初二句直說後二句釋說譬如虛空遍一切色聚佛體亦遍一切眾生聚若以眾生現非佛故言佛體不過者是義不然未成就故偈曰譬如水器壞月像不現前如是眾生過佛像亦不現

釋曰此偈顯示佛體雖遍而眾生不見譬如水器破壞不見月像如是眾生過失不見佛像此義得成偈曰

辟如火聚性 或然或滅盡如是諸佛化
或出或涅槃

釋曰此偈顯示諸佛教化有出有沒
譬如火性有時熾然有時滅盡諸佛
教化亦復如是有時示現出世有時
示現涅槃如是已說如來轉依次說
如來事業恒無功用偈曰

意珠及天鼓 自然成自事 佛化及佛說
無思亦如是

釋曰此偈顯示佛事無功用辟如如
意寶珠雖復無心自然能作種種變
現如來亦亦雖復無功用心自然能
起種種變化辟如天鼓雖復無心自
然能出種種音聲如來亦亦雖復無
功用心自然能說種種妙法偈曰
依空業無間 而業有增減 依界事不斷
而事有生滅

釋曰此偈顯示佛事無間辟如世間
依空所作無時斷絕諸佛亦亦依無
漏界而作佛事亦無斷絕辟如世間
依空所作有增有減諸佛亦亦依無
漏界而作佛事亦有生滅已說無功
用心不捨佛事次說無漏法界甚深

偈曰

如前後亦亦 及離一切障 非淨非不淨
佛說名為如

釋曰此偈顯示法界清淨相如前後
亦亦者所謂非淨由自性不染故及
離一切障者所謂非不淨由後時客
塵離故非淨非不淨佛說名為如者
是故佛說是如非淨非不淨是名法
界清淨相偈曰

清淨空無我 佛說第一我 諸佛我淨故
故佛名大我

釋曰此偈顯示法界大我相清淨空無
我者此無漏界由第一無我為自性
故佛說第一我者第一無我謂清淨
如彼清淨如即是諸佛我自性諸佛
我淨故故佛名大我者由佛此我取
得清淨是故號佛以為大我由此義
意諸佛於元漏界建立第一我是名
法界大我相偈曰

非體非非體 如是說佛體 是故作是論
定是無記法

釋曰此偈顯示法界無記相非體者
人法二相不可說故非非體者如相

實有故如是說佛體者由此因緣故
說佛體非體非非體是故作是論定
是無記法者無記謂死後有如來死
後無如來死後亦有如來亦無如來
死後非有如來非無如來如是四句
不可記故是故法界是無記相偈曰
辟如鐵熱息 辟如眼瞤降 心智慧亦亦
不說有無體

釋曰此偈顯示法界解脫相辟如鐵
熱息辟如眼瞤降者如是二物熱息
瞤除可說非體非非體何以故非體
者由熱瞤無相故非非體者由息相
有體故心智慧亦亦不說有無體者
諸佛心智以貪為熱以無明為瞤彼
二若息亦說非體非非體何以故非
體者由貪及無明息故非非體者由
心慧解脫有故是名法界解脫相已
說相甚深次說慶甚深偈曰
諸佛無漏界 非一亦非多 前身隨順故
非身空故

釋曰此偈顯示法界慶甚深諸佛無
漏法界非一亦非多何以故非一者
由前身隨順故非多者由非身故問

大華嚴經疏卷 第五 父

云何非身若如虛空故是名法界處甚深已說處甚深次說業甚深偈曰
譬如大寶藏衆寶之所依淨界亦如是佛法之依止

釋曰此偈顯亦法界依止業由清淨法界為力無畏等諸菩提分寶所依止故偈曰

譬如雲雲布灑雨成百穀淨界亦如是流等熟衆生

釋曰此偈顯亦法界成熟衆生業由從清淨法界流諸善根成熟衆生故偈曰

譬如日月盈皎淨輪圓滿淨界亦如是善淨聚圓滿

釋曰此偈顯亦法界到究竟業聚謂福智由清淨法界如此二聚得圓滿故偈曰

譬如日輪出派光照一切淨界亦如是派說化群生

釋曰此偈顯亦法界說正法業偈曰譬如日光合同事照世間淨界亦如是

佛合同業化

釋曰此偈顯亦法界化所作業譬如

大華嚴經疏卷 第五 父

多日多光一時和合同作一事謂乾熟等如是多佛多智一時和合同作一業謂變化等偈曰

譬如日光照無限亦一時淨界佛光照二事亦如是

釋曰此偈顯亦法界无分別業譬如日光普照無有分限亦復一時如是佛光普照无限一時亦復如是偈曰譬如諸日光說有雲等譬淨界諸佛智說有衆生障

釋曰此偈顯亦法界不作業譬如日光雲等為譬是故不照如是佛光衆生過失為障五濁多故是故不有所作偈曰

譬如滋灰力塗衣種種色淨界行願力解脫種種智

釋曰此偈顯亦法界解脫智業譬如別衣由滋灰力有處得種種色有處不得種種色三乘淨界亦由行願力諸佛解脫得種種智二乘解脫不得種種智偈曰

無漏界甚深相處業三種諸佛如是說譬如塗盡空

大華嚴經疏卷 第五 父

釋曰此偈重顯前甚深義無漏界甚深相處業三種者此無漏界世尊略說三種甚深一者相甚深二者處甚深三者業甚深相甚深有四種一清淨相二大我相三無記相四解脫相如其次第由前四偈所顯處甚深一種謂一多不住故由第五偈所顯業甚深有八種一寶依止業二成熟衆生業三到究竟業四說正法業五化所作業六無分別業七智不作業八解脫智業如其次第由後八偈所顯諸佛如是說譬如塗盡空者此无漏界無有戲論譬如虛空是故甚深如是甚深差別說者譬如塗於虛空盡於虛空是義應知偈曰

一切無別故得如清淨故故說諸衆生名為如來藏

釋曰此偈顯亦法界是如來藏一切無別故者一切衆生一切諸佛等無差別故名為如得如清淨故者得清淨如以為自性故名如來以是義故可說一切衆生名為如來藏已說無漏界甚深次說諸佛變化偈曰

聲聞及緣覺菩薩與如來初化退世間至佛退菩薩

釋曰此偈顯亦增上變化一切世間變化聲聞變化能退一切聲聞變化緣覺變化能退一切緣覺變化菩薩變化能退一切菩薩變化諸佛變化能退無有一人變化能退諸佛變化是故如來變化寂得增上偈曰如是佛變化元量不思議隨人隨世界隨時種種現

釋曰此偈顯亦甚深變化此甚深有二種一者無量二者不思議問此事云何答隨何根人隨何世界隨何時節如其差別者多若少種種變化如是無量亦不思議是故如來變化寂為甚深自下次說別轉變變化偈曰如是五根轉變變化得增上諸義遍所作功德千二百

釋曰此偈顯亦轉五根變化此變化得二種增上一者得諸義遍所作謂一二根皆能享用一切境界故二者得功德千二百謂一根各得千二百功德故偈曰

如如意根轉變變化得增上極淨无分別恒隨變化行

釋曰此偈顯亦轉意根變化意根謂捺汙識由此轉故得極淨無分別智恒與一切變化隨行共所作故偈曰如是教受轉變變化得增上淨土如欲受用皆現前

釋曰此偈顯亦轉義受變化義謂五塵受謂五識由此二轉刹土清淨所欲現前隨意受用偈曰如是分別轉變變化得增上諸智所作業恒時無礙行

釋曰此偈顯亦轉分別變化分別謂意識由此轉故諸智所作一切時變化無有障碍偈曰如是安立轉變變化得增上住佛不動句不住於涅槃

釋曰此偈顯亦轉安立變化安立謂器世界由此轉故住佛不動無漏法界得不般涅槃恒起增上變化偈曰如是欲捺轉變化得增上住佛無上樂亦現妻無染

釋曰此偈顯亦轉欲捺變化由此轉

故得二種變化一者得無上樂住二者得於妻無染偈曰

如是空想轉變變化得增上隨欲一切得所去皆無擁

釋曰此偈顯亦轉空想變化由此轉故得二種變化一者所欲皆得得虛空藏故二者所去無擁得虛空解故偈曰

如是元量轉如是無量化不思議所作諸佛依無垢

釋曰此偈惣結前義由元量轉故得无量變化如是諸佛不思議業一切皆依無漏法界是義應知已說諸佛變化次說諸佛成熟衆生偈曰

令集亦令長令熟亦令既熟熟不無餘世間無盡故

釋曰此偈顯亦次第成熟因未集善根者令聚集已集善根者令增長已長善根者令成熟已熟善根者令解脫使得寂極清淨如是十方諸佛各各善說熟已復熟不般涅槃何以故由諸世間無有盡故偈曰難得已具得慶慶為物歸希有非希有

由得善方便

大智度論卷第八

將

釋曰此偈顯示已熟菩薩行非希有相難得已具得慶慶為物歸者無上菩提取上功德此未曾有今已具足相應由此相應故能恒於十方世界為物歸慶希有非希有者如是慶慶成熟衆生是為希有如此希有亦非希有何以故由得善方便故善方便者謂隨機道即是清淨行偈曰轉法及法沒得道亦涅槃慶慶方便起不動真法界

釋曰此偈顯示普遍成熟因轉法及法沒得道亦涅槃者謂於一剎那中有慶亦現轉無量法輪有慶亦現正法滅盡有慶亦現得大菩提有慶亦現入於涅槃此由衆生行不同故慶慶方便起不動真法界者若衆生應可成熟如來隨彼住慶慶教化然於无漏法界亦復不動偈曰不起分別意成熟去來今慶慶化衆生三門常示現

釋曰此偈顯示自然成熟因不起分別意成熟去來今者一切諸佛不作

是念我曾成熟衆生我當成熟衆生

大智度論卷第八

我今成熟衆生何以故由無分別故慶慶化衆生三門常示現者雖無切用而一切時以諸善根於十方世界遍以三門成熟衆生三門者謂三乘教門故偈曰

如日自然光照闇成百穀法日光亦亦滅滅熟衆生

釋曰此偈辟顯自然義辟如日輪無勤方便自然放光慶慶破闇成熟百穀諸佛亦亦雖無切用以法日光慶慶滅滅成熟衆生偈曰

一燈燃衆燈極聚明無盡一熟化多熟無盡化亦然

釋曰此偈顯示展轉成熟因辟如一燈傳然衆燈極大燈聚无量無數而一燈無盡諸佛亦亦一佛成熟化多成熟極大衆生聚无量無數然其化力亦復無盡偈曰

巨海納衆流無厭復無溢佛界攝衆善不滿亦不增

釋曰此偈顯示無厭成熟因辟如巨海廣納百川無有厭足亦無盈溢為

客受故佛界亦亦常攝无量清淨善根而不滿足亦不增長由希有故已說諸佛成熟衆生次說諸佛法界清淨偈曰

大智度論卷第八

二障已永除法如得清淨諸物及緣智自在亦無盡

釋曰此偈顯示法界性義二障已永除法如得清淨者謂清淨相由煩惱障及智障患永盡故諸物及緣智自在亦無盡者謂自在相由於諸物及緣彼智二種自在永無盡故偈曰一切種如智修淨法界因利樂化衆生此果亦無盡

釋曰此偈顯示法界因義一切種如智修淨法界因者謂為清淨法界於一切時修一切種如門智以為因故利樂化衆生此果亦無盡者謂為教化衆生於一切時與一切衆生利樂二果恒無盡故偈曰

發起身心三業恒時化二門及二聚方便悉圓滿

釋曰此偈顯示法界義發起身心三業恒時化者謂起身業口業心

業一切時教化衆生故二門及二聚方便慈圓滿者謂具足二門二聚為方便故二門謂三昧門陀羅尼門二聚謂福德聚智慧聚偈曰

自性及法食變化位差別此由法界淨諸佛之所說

釋曰此偈顯示法界位義自性及法食變化位差別者謂自性身食身化身位差別故此由法界淨諸佛之所說者若法界不清淨此位不成故已說諸佛法界清淨次說諸佛三身偈曰性身及食身化身合三身應知第一身餘二之依止

釋曰一切諸佛有三種身一者自性身由轉依相故二者食身由於大集衆中作法食故三者化身由作所化衆生利益故此中應知自性身為食身化身依止由是本故偈曰

食身於諸界受用有差別衆生若身業一切皆異故

釋曰食身於一切世界中諸徒衆諸刹土諸名号諸身諸業如此諸受用事悉皆不同偈曰

平等微細身受用身相合應知受用身得是化身因

釋曰平等謂自性身一切諸佛等無別故微細者由此身難知故受用身謂食身此身與平等身合由依起故應知受用身復是化身因者由所欲受用一切亦現故偈曰

化佛无量化是故名化身二身二利成一切種建立

釋曰由化身諸佛於一切時化作無量差別佛由此化故名為化身二身者謂食身化身二利者謂自利他利食身以自利成就為相化身以他利成就為相如此二利一切種成就故次第建立食身及化身偈曰

工巧及出生得道般涅槃亦此大方便令他得解脫

釋曰復次化身者於一切時教化衆生或現工巧或現出生或現得菩提或現般涅槃如是種種亦大方便皆令衆生而得解脫此是他利成就相偈曰

應知佛三身是佛身皆攝自他利依止

亦現悲三身

釋曰應知此三身攝一切諸佛身亦現一切自利他利依止故偈曰

由依心業故三佛俱平等自性無間續三佛俱常住

釋曰彼三種身如其次第一切諸佛悲皆平等由依故一切諸佛自性身平等法界無別故由心故一切諸佛食身平等佛心無別故由業故一切諸佛化身平等同一所作故復次一切諸佛悲同常住由自性常故一切諸佛自性身常住畢竟無漏故由無間常故一切諸佛食身常住說法無斷絕故由相續常故一切諸佛化身常住雖於此滅復彼現故已說諸佛身次說諸佛智偈曰

四智鏡不動三智之所依八七六五識次第轉得故

釋曰四智鏡不動三智之所依者一切諸佛有四種智一者鏡智二者平等智三者觀智四者作事智彼鏡智以不動為相恒為餘三智之所依止何以故三智動故八七六五識次第

大衆在般闍第三卷 第五十四

轉得故者轉第八識得鏡智轉第七識得平等智轉第六識得觀智轉前五識得作事智是義應知偈曰
鏡智緣無分相續恒不斷不愚諸所識諸相不現前

釋曰此偈顯亦轉第八識得鏡智鏡智緣無分者於一切境界不作分段緣故相續恒不斷者於一切時常行不斷絕故不愚諸所識者知一切境界障永盡故諸相不現前者於諸境界離行相緣無分別故偈曰
鏡智諸智因說是大智藏餘身及餘智像現從此起

釋曰此偈顯亦鏡智用鏡智諸智因說是大智藏者彼平等智等諸智一切種皆以鏡智為因是故此智譬如大藏由是諸智藏故餘身及餘智像現從此起者餘身謂受用身等餘智謂平等智等由彼身像及彼智像一切皆從此智出生是故佛說此智以為鏡智偈曰
衆生平等智修淨證菩提不住於涅槃以無究竟故

大衆在般闍第三卷 第五十四

釋曰此偈顯亦轉第七識得平等智衆生平等智修淨證菩提者若諸菩薩證法現前時即得一切衆生平等智若修習此智取極清淨即得无上菩提不住於涅槃以無究竟故者由衆生無盡故无究竟無究竟故不住涅槃由此義故說為平等智偈曰
大慈與大悲是二恒無絕衆生若有信佛像即現前

釋曰此偈顯亦平等智用大慈與大悲是二恒無絕者諸佛如來於一切時隨逐衆生何以故大慈大悲無斷絕故衆生若有信佛像即現前者如其所信隨彼現故是故或有衆生見如來青色或有衆生見如來黃色如是一切此前二智即是法身偈曰
觀智識所識恒時無有尋此智如大藏惣持三昧依
釋曰此偈顯亦轉第六識得觀智觀智於所識一切境界恒無障尋譬如大藏與一切陀羅尼門一切三昧門而為依止何以故如是二門皆從此智生故偈曰

大衆在般闍第三卷 第五十四

恒在大衆中種種皆示現能斷諸疑網雨大法雨故

釋曰此偈顯亦觀智用義如偈說此觀智即是食身偈曰

事智於諸界種種化事起無量不思議為利群生故

釋曰此偈顯亦轉前五識得作事智彼作事智於一切世界中作種種變化事無量無邊不可思議如此等業皆為利益一切衆生故此作事智即是化身偈曰

攝持及等心開法亦作事如是依四義次第四智起

釋曰攝持者謂聞法攝持故等心者謂於一切衆生得自他平等故開法者謂演說正法故作事者謂起種種化業故依第一義鏡智起依第二義平等智起依第三義觀智起依第四義作事智起偈曰

性別及不虛一切亦無始無別故不一依同故不多

釋曰此偈顯亦諸佛不一不多不一者由性別故不虛故一切故无始故

無別故性別者由无邊諸佛性別若

言唯有一佛而有當得菩提者是義

不然故佛不一不虛者若福智聚虛

則應餘菩薩不得菩提由二聚不虛

故是義不然故佛不一一切者若言

唯有一佛則應是佛不利益一切衆

生由佛建立一切衆生作佛故是義

不然故佛不一無始者若言唯有初

初一佛是佛應無福智二聚而得成

佛是義不然故佛不一無別者若言

有別佛無福智二聚是義不然故佛

不一不多者由依同故一切諸佛法

身由依無漏界故已說諸佛智次說

入佛方便偈曰

分別若恒有真實則永無分別若永無

真實則恒有

釋曰若分別自性是恒有則真實自

性是永無由不可得故若分別自性

是永無則真實自性是恒有由可得

故偈曰

欲修取上修不見一切修欲得取上得

不見一切得

釋曰彼如是取上修彼修不可得彼

如是取上得彼得不可得偈曰

尊重及長時觀佛希有法緣此速得佛

去佛菩提速

釋曰若有菩薩於佛世尊極生尊重

及長時正勤觀佛未曾有法緣此觀

心及長時精進而謂我當速得無上

菩提應知如是菩薩去佛菩提則為

甚遠何以故彼有慢故偈曰

觀法唯分別此義如前知菩薩無分別

說彼速成佛

釋曰若菩薩觀一切諸法唯是分別

觀彼分別亦無分別即得入彼無生

忍位由如此義說得菩提已說入佛

方便次說諸佛同事偈曰

應知諸河水別依亦別事水少至用少

未入大海故一切入大海一依亦一事

水大至用大亦復常無盡如是諸別解

別意亦別業解少利益少未入佛體故

一切入佛體一解亦一意解大利益大

極聚亦元盡

釋曰別水譬諸菩薩別解別依譬諸

菩薩別意一水譬諸如來一解一依

譬諸如來一意由諸河水別故水事

業亦別由水少故水至受用亦少何

以故未得同入大海故諸菩薩亦余

由解別故作業亦別由解少故利益

衆生亦少何以故未得同入佛體故

諸水若入大海即同一依即同一體

由水一故事業亦一由水大故水至

受用亦大若諸菩薩同入佛體即同

一意即同一解由解一故作業亦一

由解大故利益亦大極一切衆生聚

亦無有盡如是已說諸佛體用次說

一偈勸進希求偈曰

無比圓白法衆生利樂因樂住元盡藏

智者應求發

釋曰無比圓白法者由佛自利成就

故衆生利樂因者由佛利他成就故

樂住元盡藏者由佛善根無過無上

是無盡樂藏故智者應求發者有智

之人應求如此取勝樂住而發大菩

提心故菩提品究竟

大乘莊嚴經論卷第三

癸卯歲高麗國大藏都監奉

勅彫造

大乘莊嚴經論卷第四

父

無著菩薩造

大唐天竺三藏波羅頗蜜多羅譯

明信品第十一

釋曰已說無上菩提隨順菩提者所謂信此信相今當說偈曰

已生及未生 正受及似受 他力亦自力 有迷亦不迷 現前不現前 聽法及求義 觀察等十三 分別於信相

釋曰信相差別有十三種一者已生信謂過去現在信二者未生信謂未來信三者正受信謂內信四者似受信謂外信五者他力信謂廣信由善友力生故六者自力信謂細信由自力生故七者有迷信謂惡信由顛倒故八者不迷信謂好信由無倒故九者現前信謂近信由無障故十者不現前信謂遠信由有障故十一者聽法信謂聞信由聞生故十二者求義信謂思信由思生故十三者觀察信謂修信由修生故已說信相差別次說信種差別偈曰

可及聞元間 有多亦有少 有覆及無覆 相應不相應 有聚亦無聚 極入亦速入 復此十三義 分別於信種

釋曰信種差別亦有十三一者可奪信謂下品信二者有間信謂中品信三者無間信謂上品信四者多信謂大乘信五者少信謂小乘信六者有覆信謂有障信由不能勝進故七者無覆信謂無障信由能勝進故八者相應信謂熟修信由恒行及恭敬行故九者不相應信謂不熟修信由離前二行故十者有聚信謂有果信由能得大菩提故十一者無聚信謂無果信由不能得大菩提故十二者極入信謂功用信從初地至七地故十三者速入信謂極淨信從八地至佛地故已說信種次說信障難偈曰

多忘亦懈怠 行迷并惡友 善羸及邪憶 放逸復少聞 聞喜及思喜 因定增上慢 應知此等過 障導於信相

釋曰障者相連義多忘者於已生信為障懈怠者於未生信為障行迷者於正受似受信為障先所受能受

執著故惡友者於他力信為障以倒法今受故善羸者於自力信為障邪憶者於不迷信為障放逸者於現前信為障少聞者於聽法信為障不聽了義故聞喜者於求義信為障少思惟故思喜及定慢者於觀察信為障少修及不細觀察故問何障障信種偈曰

不欺及不習 有欺亦有覆 無應及无聚 應知障信種

釋曰不習者於可奪信有聞信為障不欺者於小信為障不欺生死故有欺者於大信為障欺生死故有覆者於無覆信為障无應者於相應信為障無聚者於有聚信為障已顯亦信障難次讚歎信功德偈曰

信有大福德 不悔及大喜 不壞將堅固 進位并得法 自利與他利 亦復速諸通 以此諸功德 讚歎信利益

釋曰大福德者讚現在信不悔者讚過去信不退變故大喜者讚正受信及似受信定相應故不壞者讚友力信正道不壞故堅固者讚自力信不

退捨故進位者讚不迷信現前信聽
法信求義信觀察信有間信得法者
讚無間信自利者讚少信他利者讚
多信速通者讚諸自分信謂无覆信
相應信有聚信極入信速入信偈曰
狗龜奴王辭 次第辭四信 習欲習諸定
自利利他人

釋曰辭如餓狗求食無厭諸習欲人
信亦復如是於一切時種種信故辭
如盲龜水中藏六諸習外定人信亦
復如是唯知修習世間定故辭如賊
奴畏主勤作諸自利人信亦復如是
為怖生死勤方便故辭如大王自在
詔勅諸利他人信亦復如是增上教
化無休息故菩薩自解諸信復廣分
別今他得解如是勸諸眾生大承
信已讚信功德次遮下劣心偈曰
人身及方處時節皆无限 三因菩提得
勿起下劣心
釋曰人身及方處時節皆无限者得
無上菩提有三因无限一者人身無
限由人道眾生得无限故二者方處
無限由十方世界得无限故三者時

節無限由盡未來際剎剎剎得無
限故三因菩提得勿起下劣心者由
此三因无限是故諸菩薩於无上菩
提不應退屈起下劣心已遮下劣心
次顯福德勝偈曰
得福由施彼 非由自受用 依他說大乘
不依自義法

釋曰得福由施彼非由自受用者辭
如以食施彼則得大福由利他故非
自受用能得大福由自利故問若尔
菩薩云何得福答依他說大乘不依
自義法諸菩薩如是依他說大乘經
得大福德不依自利說小乘經得大
福德已說勝福次說得果偈曰
大法起大信 大信果有三 信增及福增
得佛功德體

釋曰大法起大信大信果有三者謂
有智人於大乘聖法而生大信由此
大信得三種果問得何等果答信增
及福增得佛功德體此明一得大信
果信增長故二得大福果福增長故
三得大菩提果功德无等及佛體大
故明信品究竟

大乘莊嚴經論述求品第十二之一

釋曰如是已說種種信次說以信求
諸法偈曰
三藏或二攝 成三有九因 由是覺通故
解脫生死事

釋曰三藏或二攝者三藏謂修多羅
藏毗尼藏阿毗曇藏或二謂此三由
下上乘差別故復次為聲聞藏及菩
薩藏問彼三及二云何名藏答由攝故
謂攝一切所應知義問云何成三答
成三有九因立修多羅者為對治疑
惑若人於義處處起疑為令彼人得
決定故立毗尼者為對治受用二邊
為離樂行邊邊有過受用為離苦行
邊聽無過受用立阿毗曇者為對治
自心見取不倒法相此能示故復次
立修多羅者為說三學立毗尼者為
成戒學心學由持戒故不悔由不悔
故隨次得定立阿毗曇者為成慧學
不顛倒義此能擇故復次立修多羅
者為正說法及義立毗尼者謂成就
法及義由勤方便煩惱滅故立阿毗
曇者為通達法及義由種種簡擇此

大華嚴論卷第一 華嚴文

為方便故由此九因故立三藏問別用如此通用云何答覺寂通故解脫生死事此明解脫生死是其通用由聞故薰由思故覺由止故寂由觀故通由此四義生死諸事永得解脫偈曰

經律阿毗曇是各有四義具解成種智一偈得漏盡

釋曰若略說三藏一一各有四義若菩薩能了此義則成就一切種智若聲聞能了一偈則得諸漏永盡問云何一一四種義偈曰

依故及相故法故及義故如是四種義是說多羅義

釋曰修多羅有此四義一依二相三法四義依者是處是人是用謂隨是何國土隨是何諸佛隨是何衆生如來依此三種說修多羅相者謂世諦相及第一義諦相法者謂陰界入緣生諦食等法義者謂釋所以偈曰對故及數故伏故及解故如是四種義是說毗曇義

釋曰阿毗曇有此四義一對二數三

大華嚴論卷第一 華嚴文

伏四解對者是向涅槃法諦菩提分解脫門等說故數者是相續法於一法色非色可見不可見等差別无量說故伏者是勝上法於諍論衆中決判法義退彼說故解者是釋義法由阿毗曇修多羅義易可解故偈曰罪起淨出故人制解判故四義復四義是說毗曇義

釋曰毗曇有二種四義初四義者一罪二起三淨四出罪者罪自性謂五聚罪起者罪緣起此有四種一無知二放逸三煩惱疾利四無恭敬心淨者罪還淨由善心不由治罰出者罪出離此有七種一者悔過謂永遮相續二者順教謂與學羯磨治罰三者開許謂先時已制後時更開四者更捨謂僧和合與學者捨是時先犯還得清淨五者轉依謂比丘比丘尼男女轉根出不共罪六者實觀謂法憂陀那由勝觀察七者性得謂見諦時細罪無體由證法空法介所得復四義者一人二制三解四判人者謂犯罪人制者謂依彼犯人大師集衆說

大華嚴論卷第一 華嚴文

彼過失制立學足解者謂如所制更廣分別判者謂云何得罪云何不得罪如是應持已說求法次說求緣偈曰佛說所緣法應知內外俱得二無二義二亦不可得

釋曰佛說所緣法應知內外俱者佛說一切所緣法有三種一內二外三俱彼能取自性身等為內所取自性身等為外合二自性為俱得二無二義二亦不可得者於此內外二緣如其次第得無二義問云何得答若所取義與能取義無別觀若能取義與所取義無別觀復次合二為一由於內外二緣得如故如是彼二無有二義則此二緣亦不可得問已說得緣云何得智偈曰三緣得三智淨持意言境了別義光已安心唯有名釋曰三緣謂如前說內外俱三境三智謂聞思修三慧由依三緣能得三慧問云何得答若於三緣淨持意言境即得聞慧意言者分別也淨者信決定持者擇彼種由此得聞慧若於

三緣了別義光已即得思慧謂知義及光不異意言由此得思慧若於三緣安心唯有名即得修慧謂知義及光但唯是名由此得修慧如先所說一緣不可得是故應知彼三緣者是聞思修三慧依止已說求緣次說求作意偈曰

取初謂種性 所作及依止 信安及欲生 依定亦依智 別緣種種緣 通達及修種 自性與功力 領受及方便 自在小大等 如是有十八 盡攝諸作意 行者應勤修 釋曰十八種作意者一種性作意二所作作意三依止作意四信安作意五欲生作意六依定作意七依智作意八別緣作意九種種緣作意十通達作意十一修種作意十二自性作意十三功力作意十四領受作意十五方便作意十六自在作意十七小作意十八大作意種性作意者由聲聞等三乘性定故所作作意者由福智二聚圓滿故依止作意者由在家出家迫近不迫近差別故信安作意者念佛相應故欲生作意者隨念佛

時信心相應故依定作意者有覺有觀等三三昧相應故依智作意者從聞思修方便次第生故別緣作意者此有五種於修多羅憂陀鄰伽陀阿波陀鄰一受二持三讀四思五說故種種緣作意者此有七種名緣句緣字緣人無我緣法無我緣色緣無色緣色緣謂身緣无色緣謂受心法緣通達作意者此有四種一通達物謂知苦體二通達義謂知苦無常空無我義三通達果謂知解脫四通達覺謂知解脫智修種作意者此有四種修及三十七種修四種修者謂人無我種修法無我種修見種修智種修三十七種修者謂不淨苦無常无我四種修是名四念處種修復次得習斷對治四種修是名四正勤種修復次為對治知足亂疑掉動沉沒四障故欲進念慧四種修是名四神足種修復次住心者為成就出世間故起信勤不忘心住簡擇五種修是名五根種修復次如是五修能治五障即名為力七名五力種修復次於菩提

正憶簡擇勇猛慶悅調柔心住平等七種修是名七覺分種修復次得決定故成淨持地業思惟分別故聖所受三戒能持故先所得道勤習故法住相不忘故無想心住轉依故如是八種修是名八道分種修自性作意者此有二種一奢摩他二毗鉢舍那此二是道自性故功力作意者力有二種一拔除羣習二拔除相見領受作意者諸佛菩薩教授所有法派忠受持故方便作意者於定所行處方便有五解數方便於名句字數念通達故二解具方便具有二種一分量具所謂諸字二非分量具所謂名句等三解分別方便分別二種一依名分別義二依義分別名非分別者字也四解次第方便謂先取名後轉取義五解通達方便通達有十一種一通達客塵二通達境光三通達義不可得四通達不可得不可得五通達法界六通達人無我七通達法無我八通達下劣心九通達高大心十通達所得法十一通達所立法自在

大華嚴論第四卷 第十三經文

作意者自在三種一惑障極清淨二
惑智二障極清淨三功德極清淨小
作意者謂初清淨大作意者謂後二
清淨已說求作意次說求真實義偈曰
離二及迷依無說死戲論三應及二淨
二淨三辟顯

釋曰離二及迷依無說無戲論者此
中應知三性俱是真實離二者謂分
別性真實由能取所取畢竟無故迷
依者謂依他性真實由此起諸分別
故無說無戲論者謂真實性真實由
自性無戲論不可說故三應及二淨
二淨三辟顯者三應謂初真實應知
第二真實應斷第三真實應淨二淨
謂一者自性清淨由本來清淨故二
者無垢清淨由離客塵故此二清淨
由三種辟顯可得顯現謂空金水如
此三辟一則俱辟自性清淨由空等非
不自性清淨故二則俱辟无垢清淨
由空等非不離客塵清淨故偈曰
法界與世間未曾有少異眾生癡惑故
著無而棄有
釋曰法界與世間未曾有少異者非

大華嚴論第四卷 第十四經文

法界與世間而有少異何以故法性
與諸法無差別故眾生癡惑故著無
而棄有者由眾生愚癡熾盛於世間無
法不應著而起著於如如有法不應
捨而棄捨已說求真實次說求真實
辟喻偈曰

如彼起幻師辟說虛分別如彼諸幻事
辟說二種迷

釋曰如彼起幻師辟說虛分別者辟
如幻師依呪術力變木石等以為迷
因如是虛分別依他性亦亦起種種
分別為顛倒因如彼諸幻事辟說二
種迷者辟如幻像金等種種相貌顯
現如是所起分別性亦亦能取所取
二迷恒時顯現偈曰
如彼無體故得入第一義如彼可得故
通達世諦實

釋曰如彼無體故得入第一義者如
彼謂幻者幻事無有實體此辟依他
分別二相亦無實體由此道理即得
通達第一義諦如彼可得故通達世
諦實者可得謂幻者幻事體亦可得
此辟虛妄分別亦亦由此道理即得

大華嚴論第四卷 第十五經文

通達世諦之實偈曰
彼事無體故即得真實境如是轉依故
即得真實義

釋曰彼事無體故即得真實境者若
人了彼幻事無體即得本等實境如
是轉依故即得真實義者若諸菩薩
了彼二迷無體得轉依時即得真實
性義偈曰

迷因無體故無迷自在行倒因无體故
無倒自在轉

釋曰迷因無體故無迷自在行者世
間木石等雖復無體而為迷因若得
無迷行則自在不依於他倒因無體
故無倒自在轉者如是依未轉時雖
復無體而為倒因若得轉時由無倒
故聖人亦得自在依自在行偈曰
是事彼處有彼有體亦無有體無有故
是故說是幻

釋曰是事彼處有彼有體亦無者此
顯幻事有而非有何以故有者是幻
像事彼處顯現故非有者彼實體不
可得故有體無有故是故說是幻者
如有體與无體無二由此義故說

彼是幻偈曰

無體非無體 非無體即體 無體體無二 是故說是幻

釋曰無體非無體非無體即體者此顯幻事非有而有句以故非有者彼幻事無體由元實體故而有者彼幻事非無體由像顯現故元體體無二

由此義故說彼是幻偈曰

說有二體光而無二光體 是故說色等有體即無體

釋曰說有二體光而無二光體者此顯虛妄分別有而非有何以故有者彼二光顯現故非有者彼實體不可得故是故說色等有體即無體者由此義故說色等有體即是元體偈曰無體非無體 非無體即體 是故說色等元體體無二

釋曰無體非無體非無體即體者此顯虛妄分別有而有何以故非有者彼二光無體由無實體故而有者彼二光非無體由光顯現故是故說色等元體體無二者由此義故說

色等無體與體而元有二問體與無體何不一向定說而今彼二无差別耶偈曰

有邊為遠立 无邊為遠謗 退大趣小滅 退彼亦如是

釋曰如其次第第一為遠有邊二為遠无邊三為遠趣小乘寂滅是故不得一向定說問云何遠有邊答有邊為遠立此明由於無體知無體故不應安立有問云何遠无邊答无邊為遠謗此明由於有體知世諦故不應非謗無問云何遠趣小乘寂滅答退大趣小滅退彼亦如是此明由彼二無別故不應厭體入小涅槃偈曰

色識為迷因 識識為迷體 色識因無故 識識體亦無

釋曰色識為迷因識識為迷體者彼所迷境名色識彼能迷體名非色識色識無體故識識體亦無者色識無故非色識亦無何以故由因無故彼果亦無偈曰 幻像及取幻 迷故說有二如是無彼二而有二可得

釋曰幻像及取幻迷故說有二迷者人於幻像及取幻由迷故說有能取所取二事如是無彼二而有二可得者彼二雖無而二可得由迷顯現故問此辭欲何所顯偈曰

骨像及取骨 觀故亦說二無二而說二可得亦如是

釋曰骨像及取骨觀故亦說二者觀行人於骨像及取骨由觀故說有能觀所觀二事無二而說二可得亦如是者彼二雖無而二亦可得由觀顯現故問如是觀已何法為所治何法為能治偈曰

應知所治體 謂彼法迷相 如是體無體 有非有如幻

釋曰應知所治體謂彼法迷相者此中應知所治體即是法迷相法迷相者謂如是如是體故如是體無體有非有如幻者如是體說有者由虛妄分別故說非有者由能取所取二體與非體無別故如有有亦如幻無亦如幻說此相如幻偈曰 應知能治體 念處等諸法 如是體無相

如幻亦如是

大業莊嚴論卷第四 第三十九

五

釋曰應知能治體念處等諸法者此中應知能治體即是諸法諸法者謂佛所說念處等法如是如是體故如是體無相如幻亦如是者彼體亦如幻何以故如諸凡夫所取如是如是有體故如諸佛所說如是如是無體故如是體無相而佛世尊亦現入胎出生踰城出家成正覺如是無相而光顯現是故如幻問若諸法同如幻以何義故一為能治一為所治偈曰辟如強幻王令餘幻王退如是清淨法能令染法盡

釋曰辟如強幻王令餘幻王退者彼能治淨法亦如幻王由能對治染法得增上故彼所治染法亦如幻王由於境界得增上故如是清淨法能令染法盡者如彼強力幻王能令餘幻王退菩薩亦亦知法如幻能以淨法對治染法是故無憊問世尊慶慶說如幻如夢如焰如像如影如響如水月如化如此八辟各何所顯偈曰如幻至如化次第辟諸行二六二二六

一一一有三

大業莊嚴論卷第四 第三十九

六

釋曰如幻至如化次第辟諸行者幻辟內六入無有我等體但光顯現故夢辟外六入所受用塵體無有故焰辟心及心數二法由起迷故像復辟內六入由是宿業像故影復辟外六入由是內入影內入增上起故響辟所說法法如響故水月辟依定法定則如水法則如月由彼澄靜法顯現故化辟菩薩故意受生不添一切所作事故二六二二六一一有三者初二六謂內六入外六入彼幻夢二辟所顯二謂心及心數彼炎辟所顯復二六謂內六入外六入彼像影二辟所顯一一謂說法三昧受生彼響月化三辟所顯已說真實義次求能知智偈曰

不真及似真 真及似不真 如是四種智 能知一切境

釋曰不真及似真真及似不真者不真謂不真分別智由不隨順出世智分別故似真謂非真非不真分別智從初極通達分由隨順出世智故真

謂出世無分別智證真如故似不真謂非分別非不分別智即出世後得世智故如是四種智能知一切境者由此四智具足知一切境界已說求智次說求淨及清淨偈曰

大業莊嚴論卷第四 第三十九

七

自界及二光 癡共諸惑起 如是諸分別 二實應遠離

釋曰自界及二光癡共諸惑起者自界謂自阿黎耶識種子二光謂能取光所取光此等分別由共無明及諸餘惑故得生起如是諸分別二實應遠離者二實謂所取實及能取實如是二實染汙應求遠離偈曰得彼三緣已 自界應學 如是二光滅 辟如調箭皮

釋曰得彼三緣已自界應學學者三緣謂內外俱如前說自界謂諸分別應如是解處謂名處此名處應安心應學謂修止觀二道如是二光滅辟如調箭皮者謂分別二種光息辟如柔皮熟鞣令軟亦如調箭端曲令直轉依亦亦若止若觀一一須脩得心慧二脫則二光不起如是清淨應求

至得

大乘莊嚴論第四卷

第二十五

三

大乘莊嚴經論卷第四

癸卯歲高麗國大藏都監奉
勅彫造

大乘莊嚴經論卷第五

父

無著菩薩造

大唐天竺三藏波羅頗婆多譯

述求品之二

釋曰已說求淨淨次說求唯識偈曰
能取及所取 此二唯心光 貪光及信光
二光無二法

釋曰能取及所取此二唯心光者求
唯識人應知能取所取此之二種唯
是心光貪光及信光二光無二法者
如是貪等煩惱光及信等善法光如
是二光亦無染淨二法何以故不離
心光別有貪等信等染淨法故是故
二光亦無二相偈曰

種種心光起 如是種種相 光體非體故
不得彼法實

釋曰種種心光起如是種種相者種
種心光即是種種事相或異時起或
同時起異時起者謂貪光瞋光等同
時起者謂信光進光等光體非體故
不得彼法實者如是染位心數淨位
心數唯有光相而無光體是故世尊

不說彼為真實之法已說求唯識次
說求諸相偈曰

所相及能相如是相差別為攝利眾生
諸佛開示現

釋曰相有二種一者所相二者能相
此偈惣舉餘偈別釋偈曰

共及心及見及位及不轉 略說所相五
廣說則無量

釋曰共及心及見及位及不轉者所
相有五者色法二者心法三者心
數法四者不相應法五者無為法彼
共者謂色法心者謂識法見者謂心
數法位者謂不相應法不轉者謂虛
空等無為法略說所相五廣說則無
量者彼識常起如是五相此五所相
是世尊略說若廣說者則有無量差
別已說所相諸相次說能相諸相偈曰
意言與習光名義等光起 非真分別故
是名分別相

釋曰能相略說有三種謂分別相依
他相真實相此偈顯示分別相此相
復有三種一有覺分別相二無覺分
別相三相因分別相意言者謂義想

大聖賢論第五卷 第四段 父

義即想境想即心數由此想於義能如是如是起意言解此是有覺分別相習光者習謂意言種子光謂從彼種子直起義光未能如是如是起意言解此是無覺分別相名義于光起者謂依名起義光依義起名光境界非真唯是分別世間所謂若名若義此是相因分別相如此三種相悉是非真分別是名分別相偈曰

所取及能取二相各三光不真分別故是說依他相

釋曰此偈顯亦依他相此相中自有所取相及能取相所取相有三光謂句光義光身光能取相有三光謂意光受光分別光意謂一切時添汙識受謂五識身分別謂意識彼所取相三光及能取相三光如此諸光皆是不真分別故是依他相偈曰
無體體無二非寂靜寂靜以無分別故是說真實相

釋曰此偈顯亦真實相真實謂如也此相有三種一自相二添淨相三無分別相無體體無二者是真實自相

大聖賢論第五卷 第四段 父

無體者一切諸法但分別故體者以無體為體故無二者體無體無別故非寂靜寂靜者是真實添淨相非寂靜者由客塵煩惱故寂靜者由自性清淨故以無分別故者是真實無分別相由分別不行境界無戲論故已說三種能相復次偈曰

應知五學境正法及正憶心界有非有第五說轉依

釋曰彼能相復有五種學境一能持二所持三鏡像四明悟五轉依能持者謂佛所說正法由此法持彼能緣故所持者即正憶念由正法所持故鏡像者謂心界由得定故安心法界如先所說皆見是名定心為鏡法界為像故明悟者出世間慧彼有如實見有非有如實見非有有謂法無我非有謂能取所取於此明見故轉依者偈曰

聖性證平等解脫事亦一勝則有五義不減亦不增

釋曰聖性證平等解脫事亦一者聖性謂無漏界證平等者諸聖同得故

大聖賢論第五卷 第五段 父

解脫事亦一者諸佛聖性與聲聞緣覺平等由解脫同故勝則有五義不減亦不增者雖復聖性平等然諸佛取勝自有五義一者清淨勝由漏習俱盡故二者普遍勝由剎土通淨故三者身勝由法身故四者受用勝由轉法輪受用不斷故五者業勝由住兜率天等現諸化事利益衆生故不減者謂添分減時不增者謂淨分增時此是五種學地解相似彼解脫所相法及三種能相法故已說所相能相次說求解脫偈曰
如是種子轉句義身光轉是名無漏界三乘同所依

釋曰如是種子轉者阿梨耶識轉故句義身光轉者謂餘識轉故是名無漏界者由解脫故三乘同所依者聲聞緣覺與佛同依止故偈曰
意受分別轉四種自在得次第無分別剎土智業故

釋曰意受分別轉四種自在得者若意若受若分別如此三光若轉即得四種自在問何者為四答次第無分

別剎土智業故一得無分別自在二得剎土自在三得智自在四得業自在偈曰

應知後三地說有四自在不動地有二餘地各餘一

釋曰應知後三地說有四自在者謂不動地善慧地法雲地成就彼四種自在不動地有二餘地各餘一者不動地有第一無分別自在第二剎土自在由無功用無分別故由剎土清淨故善慧地有第三智自在由得四辯善巧勝故法雲地有第四業自在由諸通業無障得故偈曰

三有二無我了入真唯識亦無唯識光得離名解脫

釋曰復有別解脫門三有二無我了入真唯識者由知二無我為方便故菩薩於三有中分別人法皆無有體是故無我如是知已亦非一向都無有體取一切諸法真實唯識故亦無唯識光得離名解脫者菩薩於時安心唯識識光亦無即得解脫何以故由人法不可得離有所得故偈曰

能持所持聚觀故唯有名觀名不見名無名得解脫

釋曰復有別解脫門能持所持聚者能持謂所聞法所持謂止憶念聚謂福智滿由先聚力故而有所持觀故唯有名者但有言說元有義故復次唯名者唯識故復次唯名者非色四陰故觀名不見名無名得解脫者復次觀所觀名復不見名由義無體故又不見識故又不見非色四陰故如是名亦不可得離有所得故故名解脫偈曰

我見熏習心流轉於諸趣安心住於內迴流說解脫

釋曰復有別解脫門我見熏習心流轉於諸趣者有土種我見滋灰故言熏習由此熏習為因是故流轉生死安心住於內迴流說解脫者若知所緣不可得置心於內攝令不散即迴彼流說名解脫已說求解脫次求無自體偈曰

自無及體無及以體不住如執無體故法成無自體

釋曰自無及體無及以體不住者自無謂諸法自然無由不自起故不起者屬因緣故體無謂諸法已滅者不復起故及以體不住者現在諸法剎剎剎不住故此三種無自體遍一切有為相是義應知如執無體故法成無自體者如所執著實元自體由自體無體故如諸凡夫於自體執著常樂我淨如是異分別相亦復無體是故一切諸法成無自體偈曰

無自體故成前為後依止無生復元滅本靜性涅槃

釋曰無自體故成前為後依止者由前無性故次第成立後無生等問此云何答無生復無滅本靜性涅槃若無性則無生若無生則無滅若無滅則本來寂靜若本來寂靜則自性涅槃如是前前次第為後後依止此義得成已說求無自性次說求無生忍偈曰

本來及真實異相及自相自然及無異

涂汙差別八

釋曰有八種無起法名無生法忍一

大乘莊嚴論卷第九

法

者本來無起由生死非有本起故二者真實無起由法無先後異先起法無故三者異相無起由非舊種更得起故四者自相無起由分別性畢竟不起故五者自然無起由依他性自性不起故六者无異無起由真實性非有異體起故七者捺汗無起由盡智時捺汗諸見不復起故八者差別無起由諸佛法身非有差別起故此八無起法說名無生法忍已說求無生忍次說求一乘偈曰
法無我解脫 同故性別故得二意變化究竟說一乘

釋曰此中八意佛說一乘一者法同故謂聲聞等人無別法界由所趣同故故說一乘二者無我同故謂聲聞等人同無我體由趣者同故故說一乘三者解脫同故謂聲聞等人同滅惑障由出離同故故說一乘四者性別故謂不定三乘性人引入大乘故說一乘五者諸佛得同自意故謂諸佛得如此意如我所得一切衆生亦同我得由此意故故說一乘六者聲聞

大乘莊嚴論卷第十

法

得作佛意故謂諸聲聞昔行大菩提聚時有定作佛性彼時佛加故勝攝故得自知作佛意由此人前後相續無別故說一乘七者變化故謂佛示現聲聞而般涅槃為教化故如佛自說我無量無數以聲聞乘示現涅槃由難此方便更無方便化小根人入大乘故理實唯一故說一乘八者究竟故謂至佛體無復去處故說一乘如是處處經中以此八意佛說一乘而亦不無三乘問若介復有何義以彼彼意而說一乘偈曰
引接諸聲聞 攝住諸菩薩 於此二不定

諸佛說一乘

釋曰彼彼意有二義一為引接諸聲聞故二為攝住諸菩薩故若諸聲聞於自乘性不定佛為引接彼人令入大乘故說一乘若諸菩薩於自乘性不定佛為攝住彼人令不退大乘故說一乘偈曰
聲聞二不定 見義不見義 見義不斷愛 斷愛俱契根

釋曰聲聞不定復有二種一者見義

大乘莊嚴論卷第十一

法

乘彼見諦發大乘故二者不見義乘彼不見諦發大乘故見義復有二種一者斷愛彼已離欲界欲故二者不斷愛彼未離欲界欲故此中見義二人應知俱是聖品由根鈍故偈曰
二得聖道人 迴向於諸有 迴向不思議 二生相應故

釋曰如是見義得聖道二人能以聖道迴向諸有如是迴向名不思議生由以聖道迴向生故如此二人與二生相應問何者二生偈曰
願力及化力 隨欲而受生 願力不斷愛 化住阿那舍

釋曰二生者一願自在生二化自在生初是未離欲人後是阿那舍人問如此二人云何要品偈曰
由二樂涅槃 數數自厭故 二俱說鈍道 久久得菩提

釋曰

由此二人先有樂滅心故恒起自厭心故是故彼道說為鈍道由不能速得無上菩提故偈曰
所作未辦人 生在無佛世 修禪為化故 漸得大菩提

漸得大菩提

釋曰所作未辦人者謂見諦未斷受

未得阿羅漢果人此人生在無佛世界生已自能勤修諸禪為變化故此人依止此化漸漸更得無上菩提如此三位如佛勝鬘經說如是聲聞次得緣覺後得作佛如大辟中說一者先見諦位二者佛空時生自能修禪捨於生身而受化身三者當得無上菩提已說求一乘次說求明慶偈曰菩薩習五明慙為求種智解伏信治攝為五五別求

釋曰菩薩習五明慙為求種智者明慶有五一內明二因明三聲明四醫明五巧明菩薩學此五明慙意為求一切種智若不勤習五明不得一切種智故問別意云何答解伏信治攝為五五別求如其次第學內明為求自解學因明為伏外執學聲明為令他信學醫明為所治方學巧明為攝一切眾生已說求明慶次說求長養善根所謂作意滿足諸波羅蜜此作意有四十四種初謂知因作意乃至寂後謂知我勝作意此等作意今當顯

說偈曰

知因及念依 共果與信解 四意隨次第 修習諸善根

釋曰此偈有四種作意一知因作意二念依作意三共果作意四信解作意菩薩取初住性而作是念我今自見波羅蜜性知可增長是名知因作意次作是念我今已發大心諸波羅蜜決定當得圓滿何以故以此大心為依止故是名念依作意次作是念我已發心為利自他勤修諸波羅蜜此果若共即願受之若不共他即願不受是名共果作意次作是念我今勤行自他利時應通達涅槃真實方便所謂不淨三輪如過去諸佛曾解未來諸佛當解現在諸佛今解我皆正信是名信解作意如是後後作意應知次第亦亦偈曰
得喜有四種 二惡不能退 應知隨修意 此復有四種
釋曰此偈有三種作意一得喜作意二不退作意三隨修作意菩薩次作是念我今信解諸波羅蜜得四種喜

謂障斷喜聚滿喜攝自他二利喜與

依報二果喜是名得喜作意次作是念我今為成就自他佛法修行諸波羅蜜時雖遇惡人違逆惡事逼惱終無退心是名不退作意次作是念我今為得無上菩提於諸波羅蜜應起四種隨修所謂應懺悔六波羅蜜諸障應隨喜六波羅蜜諸行應勸請六波羅蜜法義應以六波羅蜜迴向無上菩提是名隨修作意偈曰
淨信及領受 樂說與被卸 起願亦攝望 方便復七種

釋曰此偈有七種作意一淨信作意二領受作意三樂說作意四被卸作意五起願作意六攝望作意七方便作意菩薩次作是念我今應於諸波羅蜜法義起深信力持是名淨信作意次作是念我今於諸波羅蜜法義應一向起求不生誹謗是名領受作意次作是念我今應以諸波羅蜜法義開示他人是名樂說作意次作是念我今應令諸波羅蜜滿足起大勇猛是名被卸作意次作是念我今為

滿足諸波羅蜜願值滿足諸緣是名

大華嚴經疏卷第五十五

起願作意次作是念我今求正成就緣是名憍望作意次作是念我今思惟諸波羅蜜業伴方便是名方便作意此中被鉅作意起願作意憍望作意教授中當分別偈曰

勇猛及憍望如是二作意應和二差別二有四種

釋曰此偈有二種作意一勇猛作意二憍望作意此二各有四種差別菩薩思惟方便已次作是念我今應起四種勇猛為堅牢故為成熟故為供養故為親近故為堅牢者六六波羅蜜修所謂六施乃至六智六施謂施施乃至施智戒等六種亦復如是為成熟者以諸波羅蜜為攝物方便成熟眾生為供養者以檀為利益供養以戒等為修行供養為親近者親近不倒教授諸波羅蜜人是名勇猛作意次作是念我今應起四無量心諸波羅蜜現前時應起慈心慍等現前時應起悲心他人諸波羅蜜現前時應起喜心他人信諸波羅蜜時應起

無染心是名憍望作意偈曰

大華嚴經疏卷第五十六

有善亦有樂及以無屈心修治與稱說此復為五種

釋曰此偈有五種作意一有善作意

二有樂作意三無屈作意四修治作意五稱說作意菩薩次作是念若我於諸波羅蜜懈怠不作及以邪作應起深慍愧等應轉檀等不轉是名有善作意次作是念我今於所緣諸波羅蜜境界應持心不乱是名有樂作意次作是念我今於退諸波羅蜜方便作怨家想是名無屈作意次作是念我今於諸波羅蜜相應諸論應善集修治是名修治作意次作是念我今為生他解應如其根器應讚揚諸波羅蜜法義是名稱說作意偈曰依度得菩提非隨自在等過惡及功德此二亦應知

釋曰此偈有二作意一依度作意二應知作意菩薩如前稱揚已次作是念我今依止諸波羅蜜得大菩提非依自在天等是名依度作意次作是念我今應知障諸波羅蜜過惡及諸

大華嚴經疏卷第五十七

波羅蜜功德是名應知作意偈曰

喜集及見義樂求求四種平等無分別現持當緣故

釋曰此偈有三種作意一喜集作意

二見義作意三樂求作意菩薩知已次作是念我應歡喜聚集福智二聚是名喜集作意次作是念我今見諸波羅蜜自性能得無上菩提利益是名見義作意次作是念今見是利應起四求一求平等止觀變修故二求無分別三輪清淨故三求現持求持能成諸度法義故四求當緣求未來成就諸度緣故是名樂求作意偈曰七非有取見四種希有想翻此非希有此想亦有四

釋曰此偈有三種作意一見非有取

作意二希有想作意三非希有想作意菩薩樂求已次作是念七種非有

取我今應見一非有為有非有取二

過失非失非有取三功德非德非有

取四非常為常非有取五非樂為樂

非有取六非我為我非有取七寂滅

非滅非有取如來為對治此七非有

取次第說空等三三昧及說四種法優陀那名見非有取作意次作是念我今於諸波羅蜜應起四種希有想所謂大想廣想不求報恩想不期果報想希有想希有想作意次作是念翻此希有於諸波羅蜜亦有四種非希有想所謂由諸波羅蜜廣大故能得無上菩提能住自他平等能不求一切世間供養能不求過諸世間勝身勝財是名非希有想作意偈曰
離障眾生邊 大義及轉施 究竟與無間 如是復五種

釋曰此偈有五種作意一離邊作意二大義作意三轉施作意四究竟作意五無間作意菩薩次作是念我今應以諸波羅蜜於一切眾生轉是名離邊作意次作是念我今應以諸波羅蜜廣饒益一切眾生是名大義作意次作是念我今所有諸波羅蜜功德願施一切眾生是名轉施作意次作是念願一切眾生所有諸波羅蜜三處究竟謂菩薩地究竟如來地究竟利益眾生究竟是名究竟作意次

作是念我應修習諸波羅蜜於一切時無有間斷是名無間作意偈曰
方便恒隨攝 心住不顛倒 於退則不喜 進則歡喜生

釋曰此偈有三種作意一隨攝作意二不喜作意三歡喜作意菩薩次作是念我今應住不顛倒心於佛所知應以諸波羅蜜恒時隨攝是名隨攝作意次作是念我今於退屈諸波羅蜜者不應生悅是名不喜作意次作是念我今於增進諸波羅蜜者應生慶悅是名歡喜作意偈曰
相似不欲修 真實欲修習 不隨及欲得 欲得有二種

釋曰此偈有四種作意一不欲修作意二欲修作意三不隨作意四欲得作意菩薩次作是念我今於相似諸波羅蜜不應修習是名不欲修作意次作是念我今於真實諸波羅蜜應勤修習是名欲修作意次作是念我今於諸波羅蜜障尋作意應斷是名不隨作意次作是念我今欲得授記位諸波羅蜜欲得決定地諸波羅蜜

是名欲得作意偈曰
定作未來行 常觀他行滿 信解自第一 知體無上故

釋曰此偈有三種作意一定作作意二觀他作意三我勝作意菩薩次作是念我見當未諸趣以智方便一切波羅蜜決定當行是名定作作意次作是念我今應觀十方諸大菩薩諸波羅蜜得滿足時願我亦得滿足同一事故是名觀他作意次作是念我今自信所行諸波羅蜜於諸行中取為第一何以故我觀此體更無上故是名我勝作意偈曰
以此諸作意 修習於諸度 菩薩一切時 善根得圓滿

釋曰此偈總結前義應知已說求長養善根次說求法差別偈曰
求法謂增長 上意及廣大 有障亦無障 及以諸神通 無身亦有身 得身及滿身 多慢及少慢 及以無慢故
釋曰求法有十三種差別一者增長求謂以正聞增長信故二者上意求謂在佛邊受法流故三者廣大求謂

六華莊嚴論第五卷 第三張 父

得神通菩薩具足遠聞諸佛法故四
者有障求謂初增長信者故五者無
障求謂上意求者故六者神通求謂
廣大求者故七者無身求謂聞思慧
無法身故八者有身求謂修慧有多
聞薰習種子身故九者得身求謂初
地至七地十者滿身求謂八九十地
十一者多慢求謂信行地十二者少
慢求謂初七地十三者無慢求謂後
三地已說求法差別次說求法因緣
偈曰
為色為非色為通為正法相好及病愈
自在無盡因
釋曰求法有四因緣一為色二為非
色三為神通四為正法為色者相好
因故為非色者滅煩惱病因故為神
通者自在因故為正法者元盡因故
如梵天王問經說菩薩求法具足四
想一者如妙寶想難得義故二者如
良藥想除病義故三者如財物想不
散義故四者如涅槃想苦滅義故由
法是相好在嚴因故如妙寶想由法
是滅煩惱病因故如良藥想由法是

大華莊嚴論第五卷 第三張 父

神通自在因故如財物想由法是正
法無盡因故如涅槃想已說求法因
緣次說求法遠離分別偈曰

無體體增減一異自別相如名如義者
分別有十種

釋曰有十種分別一者無體分別二
者有體分別三者增減分別四者損
減分別五者一相分別六者異相分
別七者自相分別八者別相分別九
者如名起義分別十者如義起名分
別般若波羅蜜經中為令諸菩薩遠
離此十種分別故說十種對治為對
治無體分別故經言有菩薩若為
對治有體分別故經言不見菩薩等
為對治增減分別故經言舍利弗色
自性空為對治損減分別故經言非
色滅空為對治一相分別故經言若
色空非色為對治異相分別故經言
空不異色色不異空空即是色為對
治自相分別故經言此色唯名為對
治別相分別故經言色不生不滅非
染非淨等為對治如名起義分別故
經言名者作客故如名義不應著為

六華莊嚴論第五卷 第三張 父

對治如義起名分別故經言一切名
不可見不可見故如義名不應著已
說求法遠離分別次說求法大偈曰
菩薩勝勇猛二求得真實隨順諸世間
功德如海滿

釋曰求法有三種大一者方便大由
取上精進末世諦第一義諦真實不
顛倒故二者他利大由作世間依怙
以第一義安置故三者自利大由一
切功德如海滿足故述求品究竟
大華莊嚴論卷第五

癸卯歲高麗國大藏都監奉
勅彫造

大乘莊嚴經論卷第六

父

無著菩薩造

大摩訶三藏波羅蜜多經譯

引法品第十三

釋曰已說求法次應以法為人演說偈曰

難得復不堅 慙苦恒喜施 况以法利世 增長亦無盡

釋曰此偈先遮法慙難得復不堅者謂身命財慙苦恒喜施者菩薩尚能於一切時捨此三種不堅之法施諸苦厄衆生由慈悲故况以法利世增長亦無盡者何况大法得之不難而生慙慙是故菩薩應以此法廣利世間何以故法得增長亦無盡故已遮法慙次說利益偈曰

自證不可說引物說法性 法身寂滅口

悲流如蜂吸

釋曰自證不可說引物說法性者世尊不說自證法由不可說故為引接衆生復以方便而說法性問云何方便答法身寂滅口悲流如蜂吸諸

大乘莊嚴經論卷第六 第三經

無著

佛以法性為身寂滅為口極廣清淨離二障故以大慈悲流出教網引接衆生譬如大蜂張口吐涎吸引諸物一切諸佛身口悲同引接亦令大悲無盡由畢竟故偈曰

彼修得果故 修說非無義 但聞及不聞 修說則無理

釋曰彼修得果故修說非無義者諸佛以方便說自證引接世間由能行者修力自在而得果故是故彼修及佛所說得非無義但聞及不聞修說則無理者若但聞法得見真義彼修則無利益若不聞法得入於修彼說則無利益已說說法利益次說說法差別偈曰

阿含說證說謂口謂通力 通力謂相好 餘色及虛空

釋曰諸菩薩說法有二種差別一者阿含說謂以口力而說二者證說謂以通力而說通力說復有多種或相好說或樹林說或樂器說或空中說已說說法差別次說說法成就就偈曰無畏及斷疑 令信亦顯實 如此諸菩薩

大乘莊嚴經論卷第六 第三經

說成就應知

釋曰諸菩薩說法成就由四種義一者無畏二者斷疑三者令信四者顯實如梵天王問經說菩薩四法具足則能開闢廣大法施何等為四一者攝治妙法二者自慧明淨三者作善丈夫業四者顯亦淨此中第一多聞故得無畏第二大慧故能斷疑第三不依名利故令他信受第四由通達世諦第一義諦故能顯二種真實謂染相真實淨相真實偈曰

美語及離醉 無退無不盡 種種及相應 令解非求利 及以遍教授 復次成就說 釋曰美語者他瞋罵時不惡報故離醉者醉有二種一他稱讚時醉二自醉成就時醉謂家色財等成就生愛喜故離者如此二醉於心滅故無退者不懈怠故無不盡者難於法慙一切不違說故種種者不重說故相應者不違現比量故令解者字句可解故非求利者不為財利令彼信故遍教授者被三乘故已說說法成就次說語成就就偈曰

大衆經論第六卷 第五段 又

不細及調和善巧亦明了應機亦離求分量與無盡

釋曰不細者遍徒衆故調和者悅可意故善巧者開示字句分明故明了者令易解故應機者隨宜說故離求者不依名利說故分量者樂聞無歇故無盡者不可窮故已說語成就次說字成就偈曰

舉名及釋義隨乘亦柔更易解而應機出離隨順故

釋曰舉名者相應諸字句不違驗故釋義者釋言諸字句不違理故隨乘者隨乘諸字句不違三乘故柔更者離難諸字句不違於聲故易解者聚集諸字句得義易故應機者應物諸字句逗機宜故出離者不在諸字句向涅槃故隨順者正行諸字句隨順八支聖道故偈曰

菩薩字成就如前義應知聲有六十種是說如來事

釋曰如來有六十種不可思議音聲如佛秘密經中說寂靜慧如來具足六十種聲語所謂潤澤柔更可意意

大衆經論第六卷 第五段 又

樂清淨如是廣說此中潤澤聲者衆生善根能持攝故柔更聲者現前聞法得樂觸故可意聲者由善義故意樂聲者由善字故清淨聲者無上出世後得故無垢聲者諸惑習氣不相應故明亮聲者字句易解故善力聲者具足功德破諸外道惡邪見故樂聞聲者信順出離故不絕聲者一切外道無能斷故調伏聲者貪等煩惱能對治故無刺聲者制戒樂方便故不誑聲者令犯戒人得正出故善調聲者教化教授故悅耳聲者亂心對治故身倚聲者能引三摩提故心了聲者能引毗鉢舍那故心喜聲者善斷疑故喜樂生聲者決定拔邪故無熱惱聲者信受不悔故能持智聲者成就聞因智依止故能持解聲者成就思因智依止故不隱覆聲者不慳法而說故可愛聲者令得自利果故渴仰聲者已得果人深願樂故教勅聲者不思議法正說故令解聲者思議法正說故相應聲者不違驗故有益聲者如其所應教示導故離重聲

大衆經論第六卷 第六段 又

者不虛說故師子聲者怖外道故爲聲者振大故雷聲者深遠故龍聲者令信受故緊鄰羅聲者歌音美故迦陵頻伽聲者韻清亮故梵聲者出速去故命鳥聲者初得吉祥一切事成故天王聲者無敢違故天鼓聲者破魔初故離慢聲者讚毀不高故入一切聲者入毗伽羅論一切種相故離不正聲者憶不忘故應時聲者教化事一切時起故無善聲者不依利養故不怖聲者離漸善故歡喜聲者聞無厭故隨捨聲者一切明慶善巧入故善友聲者一切衆生利成就故常流聲者相續不斷故嚴飾聲者種種顯現故滿足聲者一音無量聲說法故衆生根喜聲者一語無量義顯現故不毀世聲者如所立義信順故不增減聲者應時量說故不躁惡聲者不疾疾說故遍一切聲者遠近徒衆同依止故一切種成就聲者世間法義皆辭喻令解故已說字成就次說說法大偈曰

開演及施設建立并惣舉別說與斷疑

略廣皆令解

大乘莊嚴論第六卷 第七疏 又見

釋曰開演者謂言說也施設者謂諸句也建立者謂善相應也如是分別開示如其次第總舉別說斷疑使義淺近易解令聽受者於所說法得決定故略者一說彼利根人速得解故廣者重說彼鈍根人遲得解故偈曰說者及所說受者三輪淨復離八種過說者淨應知

釋曰說者及所說受者三輪淨者何等三輪一是說者謂諸佛菩薩二是所說謂總說名字等諸種三是受者謂前略說得解人廣說得解人復離八種過說者淨應知者說者清淨應知復離八種過失問何者八耶偈曰懈怠及不解 拒請不開義 及以不斷疑 斷疑不堅固 厭退及有怪 如是八種過諸佛無彼體 故成無上說

釋曰八種過者一懈怠二不解義三拒請四不開義五不斷疑六斷疑不決定七心有厭退不一切時說故八有怪不盡開示故一切諸佛如是八過悉皆遠離是故得成無上說法已

說說法大次說義成就偈曰

大乘莊嚴論第六卷 第八疏 又

此法隨時善 生信喜覺因 義正及語巧 能開四梵行

釋曰此法隨時善生信喜覺因者隨時善謂初中後善如其次第聞思修時為信因故為喜因故為覺因故為覺因者定心觀察此法道理得如實智故義正及語巧能開四梵行者義正謂善義及妙義與世諦第一義諦相應故語巧謂易受及易解由文顯義現故由此故能開示四種梵行問何者四耶偈曰

不共他相應 具斷三界惑 自性及無垢 是行為四種

釋曰四梵行者一者獨二者滿三者清四者白不共他相應者是獨義由此行不共外道同行故具斷三界惑者是滿義由此行具斷三界煩惱故自性者是清義由此行是無漏自性淨故無垢者是白義由此行在漏盡身種類得無垢淨故已說說法義成就次說說法節偈曰

所謂令入節 相節對治節 及以秘密節

是名為四節

大乘莊嚴論第六卷 第九疏 又

釋曰諸佛說法不離四節一者令入節二者相節三者對治節四者秘密節問此四節依何義偈曰

聲聞及自性 漸過亦語深 次第依四義 說節有四種

釋曰令入節者應知教諸聲聞入於法義令得不怖說色等是有故相節者應知於分別等三種自性無體無起自性清淨說一切法故對治節者應知依斷諸過對治八種障故如大乘中說受持二偈得入所功德皆為對治故說此對治後當解秘密節者應知依諸深語由迴語方得義故如大乘經偈說不堅堅固解善住於顛倒為煩惱所惱速得大菩提此節中不堅堅固解者不堅謂諸眾生其心不亂於此不亂作堅固解此解取勝能得菩提者心馳堅著不能至得菩提故此是第一句義善住於顛倒者顛倒謂常樂我淨執若人能於顛倒中解無常無樂無我無淨善住不退即能速得菩提不尔不得故此是第

大華嚴論第六卷 第十頌 又

二句義為煩惱所惱者長時勤修難行苦行由極疲倦能得菩提不介不得故此是第三句義已說說法即次說說法意偈曰

平等及別義別時及別欲依此四種意諸佛說應知

釋曰諸佛說法不離四意一平等意二別義意三別時意四別欲意平等意者如佛說往昔毗婆尸佛即我身是由法身無差別故如是等說是名平等意別義意者如佛說一切諸法無自性故無生故如是等說是名別義意別時意者如佛說若人願見阿彌陀佛一切皆得往生此由別時得生故如是說如是等說是名別時意別欲意者彼人有如是善根如來或時讚歎或時毀訾由得少善根便為足故如是等說是名別欲意已說說法意次說受持大乘功德偈曰
輕佛及輕法慳怠少知足貪行及慢行悔行不定等如是八種障大乘說對治如是諸障斷是人入正法
釋曰此二偈顯亦大乘斷障功德障

大華嚴論第六卷 第二頌 又

有八種一者輕佛障二者輕法障三者慳怠障四者少知足障五者貪行障六者悔行障七者悔行障八者不定障為對治輕佛障故大乘經說往昔毗婆尸佛即我身是為對治輕法障故大乘經說於元量恒河沙佛所修行大乘乃得生解為對治慳怠障故大乘經說若有眾生願生安樂國土一切當得往生稱念無垢月光佛名決定當得作佛為對治少知足障故大乘經說有處讚歎檀等行有處毀訾檀等行為對治貪行障故大乘經說諸佛國土極妙樂事為對治慢行障故大乘經說或有佛土寂勝成就為對治悔行障故大乘經說或有眾生於佛菩薩起不饒益事得生善道為對治不定障故大乘經說諸佛授記聲聞當得作佛及說一乘是名受持大乘得離八障偈曰

若文及若義二偈勤受持功德數有十是名勝慧者善種得圓滿死時歡喜勝受生隨所欲念生智亦成生生恒值佛聞法得信慧速離於二障速成無上道

大華嚴論第六卷 第三頌 又

釋曰此三偈顯亦受持大乘集得功德此功德有十種一者成就一切善根種子圓滿依止二者臨命終時得無上喜悅三者於一切處得隨願受生四者於一切生處得自性念生智五者所生之處恒得值佛六者恒在佛邊聞大乘法七者成就增上信根八者成就增上慧根九者得遠離惑智二障十者速得成就無上菩提若人於一切大乘經典若文若義乃至一句正勤受持則得如是十種功德此中應知於現在世得初二種功德於未來世得餘八種功德漸漸增勝已說持法功德次說說法功德偈曰
慧善及不退大悲名稱速巧便說諸法如日朗世間

釋曰若諸菩薩具足五因名善說法一者不倒說由慧善故二者恒時說由不退故三者離求說由大悲故四者令信說由名稱速故五者隨機說由巧便故由此五因能善說法導引眾生多生恭敬譬如日出照朗世間弘法品究竟

釋曰已說菩薩知法次說菩薩隨法修行此中隨修有知義有知法有隨法有同得有隨行今當次第顯示偈曰於二知無我於三離邪正菩薩如是解是名知義人

釋曰此偈明菩薩知義於二知無我者謂於人法二種而知無我由知能取所取無有體故於三離邪正者三謂三昧三昧即空無相無願由空三昧知無有體解分別性故由無相無願三昧知無自體由解依他真實性故離邪正者此三三昧引出世智故不邪是世間故不正菩薩如是解是名知義人者菩薩若知人法二種無我能知三種三昧離邪離正如此則名知義偈曰

如是知義已 知法猶如戒 聞法不應喜 捨法名知法

釋曰此偈明菩薩知法初學菩薩得知義已次應知法謂能知修多羅等經法猶如戒喻不得但聞而生歡喜何以故是法應捨譬如戒故是名知

凡夫有二智 即通二無我 為成彼智故 如說隨法行

釋曰此偈明菩薩隨法凡夫有二智者謂知義智知法智即通二無我者由此二智故亦能通達人法二種無我為成彼智故如說隨法行者菩薩為成就彼二種智應如所說法隨順修行是名隨法偈曰

成就彼智時 出世間無上 凡住初地者 所得皆同得

釋曰此偈明菩薩同得成就彼智時出世間無上者由彼智體取勝故初地謂歡喜地一切住歡喜地菩薩所得功德彼初入地人亦皆同得故偈曰見道所滅滅應知一切盡隨次修餘地為斷智障故應知諸地中無分別建立次第無間起如是說隨行

釋曰此二偈明菩薩隨行此中見道所滅煩惱入初地時一切志盡是故修習餘地但為斷於智障然於諸地各有二智一無分別智一地建立智菩薩若在正觀於剎剎剎剎得介所

法而不分別名無分別智菩薩出觀後分別觀中所得法如是如是分數是名地建立智如此二智不得並起及聞餘法起恒無間行是名菩薩隨行菩薩能如是隨行有四種不放逸輪一者勝土輪二者善人輪三者自正輪四者先福輪如此四輪今當次第說偈曰

易求及善護 善地亦善伴 善寂此勝土 菩薩則往生

釋曰此偈明勝土輪土勝有五因緣一者易求謂四事供身不難得故二者善護謂國王如法惡人盜賊不得住故三者善地處所調和無疫癘故四者善伴謂同戒同見為伴侶故五者善寂謂晝日無喧夜絕聲故偈曰多聞及見諦 巧說亦憐愍 不退此丈夫 菩薩勝依止

釋曰此偈明善人輪善人亦具五因緣一者多聞成就阿含故二者見諦得聖果故三者巧說能分別法故四者憐愍不貪利故五者不退無疲憊故偈曰

大乘莊嚴論第六卷 第十六張 父
善緣及善聚 善修及善說 善出此五種

是名自正勝

釋曰此偈明自正輪自正亦具五因

緣一者善緣妙法為緣故二者善聚

福智具足故三者善修止觀諸相應

時修故四者善說無求利故五者善

出所有上法恭敬修故偈曰

可樂及無難 無病與寂靜 觀察此五種

宿植善根故

釋曰此偈明先福輪先福亦具五因

緣一者可樂二者無難三者無病四

者三昧五者智慧第一事由住勝土

為因第二事由值善人為因後三事

由自正成就為因已說四種不放逸

輪次說煩惱出煩惱偈曰

遠離於法界 無別有貪法 是故諸佛說

貪出貪餘亦

釋曰如佛先說我不說有異貪之法

能出於貪瞋癡亦由離法界則別

無體故是故貪等法性得貪等名此

說貪等法性能出貪等此義是經旨

趣偈曰

由離法性外 無別有諸法 是故如是說

煩惱即菩提 大乘莊嚴論第六卷 第十七張 父

釋曰如經中說無明與菩提同一此

謂無明法性施設菩提名此義是經

旨趣偈曰

於貪起正思 於貪得解脫 故說貪出貪

瞋癡出亦尔

釋曰若人於貪起正思觀察如是知

已於貪即得解脫故說以貪出離於

貪出離瞋癡亦復如是已說煩惱出

煩惱次說遠離二乘心偈曰

菩薩處地獄 為物不辭苦 捨有發小心

此苦則為劇

釋曰菩薩慈悲為諸眾生入大地獄

不辭大苦若減三有功德起小乘心

菩薩以此為苦寂為深重問此義云

何偈曰

雖恒處地獄 不障大菩提 若起自利心

是大菩提障

釋曰菩薩雖為眾生長時入大地獄

不以為苦何以故於廣淨菩提不為

障故若起異乘樂涅槃心即為大苦

何以故於大乘樂住而為障故此偈

顯前偈義應知已說遮二乘心次說

遮怖畏心偈曰 大乘莊嚴論第六卷 第十八張 父

無體及可得 此事猶如幻 性淨與無垢

此事則如空

釋曰無體及可得此事猶如幻者一

切諸法無有自性故曰無體而復見

有相貌顯現故曰可得諸凡夫人於

此二處于生怖畏此不應尔何以故

幻相似故辟如幻等實無有體而顯

現可見諸法無體可得亦尔是故於

此二處不應怖畏性淨與無垢此事

則如空者法界本來清淨故曰性淨

後時離塵清淨故曰無垢諸凡夫人

於此二處于生怖畏此不應尔何以

故空相似故辟如虛空本性清淨後

時亦說離塵清淨法界性淨及以無

垢亦復如是是故於此二處不應怖

畏復次更有似畫辟喻能遮前二怖

畏偈曰

辟如工畫師 畫平起凹凸如是虛分別

於無見能所

釋曰辟如善巧畫師能畫平壁起凹

凸相實無高下而見高下不真分別

亦復如是於平等法界無二相處而

常見有能所二相是故不應怖畏此
中復有似水譬喻能遮後二怖畏偈曰
辟如清水濁穢除還本清自心淨亦
唯離客塵故

釋曰辟如清水垢來則濁後時若清
唯除垢耳清非外來本性清故心方
便淨亦復如是心性本淨客塵故染
後時清淨除客塵耳淨非外來本性
淨故是故不應怖畏偈曰

已說心性淨而為客塵染不離心真如
別有心性淨

釋曰辟如水性自清而為客垢所濁
如是心性自淨而為客塵所染此義
已成由是義故不離心之真如別有
異心謂依他相說為自性清淨此中
應知說心真如名之為心即說此心
為自性清淨此心即是阿摩羅識已

遮怖畏次遮貪罪偈曰

菩薩念眾生愛之徹骨髓恒時欲利益
猶如一子故

釋曰諸菩薩愛諸眾生此名為貪餘
如偈說偈曰

由利群生意起貪不得罪瞋則與彼違

恒欲損他故

釋曰若謂菩薩愛諸眾生起貪名罪
者此義不然何以故此貪恒作利益
眾生因故偈曰

如鴿於自子普覆生極愛如是有悲人
於生愛亦尔

釋曰辟如鴿鳥多貪愛念諸子取得
增上如是菩薩多悲愛諸眾生增上
亦尔偈曰

慈與瞋心違息苦苦心反利則違無利
無畏違畏心

釋曰菩薩於諸眾生由得慈心故與
瞋心相違由得息苦心故與作苦心
相違由得利益心故與無利心相違
由得無畏心故與作畏心相違是故
菩薩起如是貪不得名罪已遮貪罪
次說修行差別偈曰

善行於生死如病服苦藥善行於眾生
如醫近病者善行於自心如調未成奴
善行於欲塵如商善販賣善行於三業
如人善浣衣善行不惱他如父於愛子
善行於修習如鎖火不息善行於三昧
如財與信人善行於般若如幻師知幻

是大名諸菩薩善行諸境界

釋曰諸菩薩修行有九種差別一者
善行生死辟如病人服苦澁藥但為
差病不生貪染菩薩亦尔親近生死
但為思惟策勵非為染著二者善行
眾生辟如良醫親近病者菩薩亦尔
由大悲故不捨煩惱病苦眾生三者
善行自心辟如有智之主善能調伏
未成就奴菩薩亦尔善能調伏未調
伏心四者善行欲塵辟如商人善於
販賣菩薩亦尔於檀等諸度增長資
財五者善行三業辟如善浣衣師能
除穢垢菩薩亦尔修治三業能令清
淨六者善行不惱眾生辟如慈父愛
於小兒雖穢不惡菩薩亦尔眾生加
損未嘗瞋惱七者善行修習辟如鎖
火未熱不息菩薩亦尔修習善法曾
無間心八者善行三昧辟如出財得
保信人日日滋益菩薩亦尔修習諸
定不乱不味功德增長九者善行般
若辟如幻師知幻非實菩薩亦尔於
所觀法得不顛倒是名菩薩修行差
別已說修行差別次說三輪清淨偈曰

大華嚴經論卷第六 弟子度父

常勤大精進 熟二令清淨 淨覺無分別

漸漸得菩提

釋曰常勤大精進熟二令清淨者菩薩以大精進力勤行自他二利是故衆生及自並得成熟是名清淨淨覺無分別漸漸得菩提者淨覺謂法無我智此智不分別三輪謂修者所修正修故得清淨由此淨故漸漸得成無上菩提隨修品究竟

大乘莊嚴經論卷第六

癸卯歲高麗國大藏都監奉勅彫造

大乘莊嚴經論卷第七

無著菩薩造

大唐天竺三藏波羅頗蜜多羅譯

教授品第十五

釋曰已說菩薩隨修次說如來教授偈曰

行盡一僧祇 長信令增上 衆善隨信集 亦具如海滿

釋曰行盡一僧祇長信令增上者若諸菩薩行行盡一阿僧祇劫余時長

養於信方至上品問獨信增耶答衆善隨信集亦具如海滿謂於信增時

一切衆善隨信聚集亦得具足如大海水湛然圓滿偈曰

聚集福德已 佛子寂初淨 極智及軟心 勤修諸正行

釋曰聚集福德已者如前所說聚集故佛子寂初淨者令護清淨故及於

大乘作正直見不顛倒受義故極智者得多聞故軟心者離諸障故勤修

諸正行者有堪能故偈曰

自後蒙諸佛 法流而教授 增益寂靜智

進趣廣大乘

大華嚴經論卷第七 第三 又

釋曰自後蒙諸佛法流而教授者此諸菩薩從此已後蒙諸佛如來以修

多羅等法而為說之譬如為說十地經增益寂靜智進趣廣大乘者此菩

薩若得教授則增益奢摩他智於廣大乘而能進修如是得教授已次起

六種心偈曰

想名及了句 思義亦義知 法惣及義求 六心次第起

釋曰六心者一根本心二隨行心三觀察心四實解心五惣聚心六悌陞

心想名者謂根本心初於修多羅等法觀察無有二義唯想名聚故了句

者謂隨行心次隨諸句決了差別及次第故思義者謂觀察心次於彼義

內正思惟故義知者謂實解心於彼思義如實知故法惣者謂惣聚心更

聚前法復惣觀故義求者謂悌陞心於彼義趣求得意故如是起六心已

次起十一種作意偈曰

有求亦有觀 一味將止道 觀道及二俱 拔沉并抑掉 正住與無間 於中亦尊重

大乘莊嚴論卷第二 第四段 又

置心一切緣作意有十一
釋曰十一種作意者一有覺有觀作意二無覺有觀作意三無覺無觀作意四奢摩他作意五毗鉢舍那作意六二相應作意七起相作意八攝相作意九捨相作意十恒修作意十一恭敬作意有求者謂有覺有觀作意此作意以意言相續觀察諸法有觀者謂無覺有觀作意此作意雖難於覺亦以意言相續觀察諸法一味者謂無覺無觀作意此作意雖難於意言而相續觀察諸法止道者謂奢摩他作意此作意但緣諸法名觀道者謂毗鉢舍那作意此作意但緣諸法義二俱者謂二相應作意此作意能一時緣名義拔沉者謂起相作意此作意若緣名心沉即能策起抑掉者謂攝相作意此作意若緣義心散即能攝持正住者謂捨相作意此作意若心平等能住捨心無間者謂恒修作意此作意能依正住修習無廢尊重者謂恭敬作意能於習時尊重名義如是起十一種作意已復應修習九

大乘莊嚴論卷第二 第四段 又

種住心偈曰

繫緣將速攝 內略及樂住 調歇與息亂 或起滅亦亦 所作心自派 今時得無作 菩薩復應習 如此九住心

釋曰九種住心者一安住心二攝住心三解住心四轉住心五伏住心六息住心七滅住心八性住心九持住心此九住教授方便應知繫緣者謂安住心安心所緣不令離故速攝者謂攝住心若覺心亂速攝持故內略者謂解住心覺心外廣更內略故樂住者謂轉住心見定功德轉樂住故調歇者謂伏住心心若不樂應折伏故息亂者謂息住心見亂過失令止息故或起滅亦亦者謂滅住心貪憂等起即令滅故所作心自派者謂性住心所作住運成自性故今時得無作者謂持住心不由作意得惣持故如是修習得住心已次今此心得寂上柔軟偈曰
下倚修今進 為進習本定 淨禪為通故 當成勝軟心
釋曰下倚修今進為進習本定者苦

大乘莊嚴論卷第二 第五段 又

薩得住心時應知已得下品身倚心倚為增進此倚更修根本禪定問更修本定為何功德答淨禪為通故當成勝軟心諸菩薩為起諸神通故為欲成就寂勝柔軟心故是故進修本定問起諸神通欲何所作勝柔軟心復云何成偈曰
起通遊諸界 歷事諸世尊 寂上軟心得 供養諸佛故

釋曰起通遊諸界歷事諸世尊者諸菩薩欲往無量世界欲經無量劫數欲歷無量諸佛欲承事供養及聞正法為此事故起諸神通問何故作此事答寂上軟心得供養諸佛故由供養諸佛為因故更得成就第一勝柔軟心如是得勝心已便得諸佛之所攝揚偈曰
未入淨心前 五種攝揚得 器體成淨故 堪進無上乘

釋曰未入淨心前五種攝揚得者謂此菩薩於淨心地前先得如來攝揚其五種功德問此攝揚於菩薩有何利益答器體成淨故堪進無上乘此

大智度論第七卷 第六張 文

菩薩得如來稱揚已便成就清淨體於無上乘則堪進入問如來稱揚彼菩薩何等五功德偈曰

念念觀諸習 身倚及心倚 圓明與見相 滿淨諸法身

釋曰五功德者一者觀習二者身倚

三者心倚四者圓明五者見相觀習者一剎那消融一切習氣聚故身

倚者修習輕安遍滿身故心倚亦尔圓明者圓解一切種空離分數故見

相者見無分別相為後清淨因故滿淨諸法身者為滿為淨一切種法身

常作如是五因故問何時滿何時淨答十地時滿佛地時淨此中應知五

種功德前三是奢摩他分後二是毗鉢舍那分菩薩於此時中於世間法

皆得具足如是得稱揚已次起通達分善根偈曰

余時此菩薩 次第得定心 唯見意言故 不見一切義

釋曰此菩薩初得定心離於意言不見自相惣相一切諸義唯見意言此

見即是菩薩慢位此位名明如佛灰

大智度論第七卷 第六張 文

河經中所說明此明名見法忍偈曰為長法明故 堅固精進起 法明增長已 通達唯心住

釋曰此中菩薩為增長法明故起堅固精進住是法明通達唯心此通達

即是菩薩頂位偈曰諸義志是先 由見唯心故 得斷所執亂 是則住於忍

釋曰此中菩薩若見諸義志是心光非心光外別有異是今時得所執亂

滅此見即是菩薩忍位偈曰所執亂雖斷 尚餘能執故 斷此後速證 無開三摩提

釋曰此中菩薩為斷能執亂故復速證無開三摩提問有何義故此三摩

提名無開答由能執亂滅時今時入無開故受此名此入無開即是菩薩

世間第一法位隨其次第說煖等諸位已次說見道起偈曰

遠離彼二執 出世間無上 無分別離垢 此智此時得

釋曰遠離彼二執者所執能執不和合故出世間無上者得無二乘故無

大智度論第七卷 第六張 文

分別者即彼二執分別無故離垢者見道所斷煩惱滅故菩薩今時名遠塵離垢得法眼淨偈曰

此即是轉依 以得初地故 後經无量劫 依淨方圓滿

釋曰此即是轉依以得初地故者此離垢即是菩薩轉依位何以故得初

地故問依極淨耶答後經无量劫依淨方圓滿非於此初即得極清淨由

後經無量阿僧祇劫此依方得清淨圓滿故偈曰

余時通法界 他自心平等 平等有五種 五無差別故

釋曰余時通法界他自心平等者菩薩於初地即得通達平等法界由此

通達故能觀他身即是自身亦得心平等問此時得幾種心平等答平等

有五種五無差別故何謂為五一者無我平等謂於自他相續不見有我

無差別故二者有苦平等謂於自他相續所有諸苦無差別故三者所作

平等謂於自他相續欲作斷苦無差別故四者不求平等謂於自他所作

不求及報無差別故五者同得平等如餘菩薩所得我得亦亦無差別故偈曰

諸行虛分別淨智了無二解脫見所滅如是說見道

釋曰諸行虛分別淨智了無二者此中菩薩於三界諸行唯見不真分別以極淨智了彼無二淨智者出世間故無二者二執無故彼無二體即法界也解脫見所滅如是說見道者謂解脫見道所滅煩惱法界即是解脫若見解脫滅煩惱時說名菩薩初得見道偈曰

無體及似體自性合三空於此三空解此說名解空

釋曰三空者一無體空謂分別性彼相無體故二似體空謂依他性此相如分別性無體故三自性空謂真實性自體空自體故此偈顯菩薩得空解脫門偈曰

應知緣無相志盡諸分別此中無願緣不真分別盡

釋曰此偈上半顯得無相解脫門下

半顯得無願解脫門應知此中菩薩具得三解脫門偈曰

此時所得法一切菩提分應知彼菩薩同得如見道

釋曰一切菩提分者謂四念處等彼菩薩得見道時亦得此法偈曰

覺世唯諸行無我唯苦者無義自我滅大義依大我

釋曰覺世唯諸行無我唯苦者此菩薩覺諸世間但是諸行實無有我

衆生計著唯苦者耳無義自我滅者謂塗汙身見滅故大義者利益一切

衆生故大我者以一切衆生為自己故此中菩薩滅自我見依大我見作

衆生利益事是謂大義依大我偈曰無我復我見無苦亦極苦益彼不求報以利自我故

釋曰此中諸菩薩無我者謂無自身無義我見復我見者謂有他身大義

我見無苦者謂無自身所起諸苦亦極苦者謂有他身所起諸苦益彼不求

報者無怖望故何以故以利自我故諸菩薩利益衆生時即是利益自我

是故無外怖望偈曰

自脫心取上他縛即堅廣苦邊不可盡如是應勤作

釋曰自脫心者謂滅自見道所斷煩惱故取上者此解脫由無上乘故他

縛即堅廣者由一切衆生相續所起煩惱故苦邊不可盡者衆生界無邊

如虛空故如是應勤作者衆生如是苦菩薩應為衆生斷苦作邊作已復

作不應休息故偈曰自苦不自忍豈忍他諸苦此生及窮生

翻彼謂菩薩釋曰衆生於一期生苦及窮生死際

不可思議苦無能忍受者此菩薩翻彼不能忍受悲能為之忍受故言翻

彼謂菩薩偈曰於他行等受利彼不退轉希有非希有

他利自利故釋曰於他行等受利彼不退轉者菩

薩於一切衆生行平等愛心無有差別若求樂利益若行樂利益若求行

時利益之心無有退轉希有非希有他利自利故者此不退轉事於諸世

大華嚴經疏卷第十

間希有寂上然此希有亦非希有何以故他得益時即是菩薩自得益故偈曰

餘地說修道人智勤修習無分別建立淨法及衆生

釋曰餘地者謂後九地問餘地何所修答二智勤修習二智者一無分別智二如所建立智無分別智謂出世智如所建立智謂後得世智問此二智有何功能答淨法及衆生此中無分別智成熟佛法是其功能如所建立智成熟衆生是其功能偈曰

修位二僧祇寂後得受職入彼金剛定破諸分別盡

釋曰修位二僧祇寂後得受職者二僧祇謂第二及第三大劫阿僧祇寂後謂究竟修於此修位方得受職問受職已更何所作答入彼金剛定破諸分別盡問因何義故名金剛定答分別隨眠此能破故是故此定名金剛喻偈曰

轉依究竟淨成就一切種住此所作事但為利群生

大華嚴經疏卷第十

釋曰轉依究竟淨者謂永離一切煩惱障及智障故成就一切種者謂得一切種智由無上故住此所作事者謂住此位中乃至窮衆生生死際示現成道及現涅槃故問此事何所為答但為利群生如此等事一向但為利益一切衆生故自下次明因大教授得大義利偈曰

牟尼尊難見常見得大義以聞無等法淨信資養心

釋曰此偈明菩薩因大教授常得現前見佛常聞無等正法常起極深淨信遍滿於心此明初時得大義利偈曰若於教授中法門如欲住如人拔險難佛勸亦如是

釋曰若於教授中法門如欲住者有諸菩薩於教授時中或於如來法門心欲樂住也如人拔險難佛勸亦如是者譬如有入墮在深坑有能提援懸擲高岸佛勸亦若彼菩薩樂住寂滅深坑諸佛如來強能置之佛果高岸此明次時得大義利偈曰世間極淨眼勝覺無分別譬如大日出

大華嚴經疏卷第十

除幽朗世間

釋曰若諸菩薩成佛時永退一切世間法故眼得寂極清淨今時名得無分別勝覺譬如日輪大出能除幽暗照朗世間此明畢竟時得大義利如是廣說已次以一偈總結前義偈曰佛子善集滿成就極廣大恒受尊教授能窮功德海

釋曰此偈義如文顯現教授品究竟大乘莊嚴經論業伴品第十六

釋曰已說如來大教授菩薩起業以方便為伴今當說偈曰譬如大地種任持四種物如是三種業建立一切善

釋曰此偈顯示菩薩集起業方便譬如大地種任持四種物者何謂四物一者大海二者諸山三者草木四者衆生是謂四物如是三種業建立一切善者海等四物譬一切善法如是菩薩三業能聚集一切諸善所謂檀等諸波羅蜜及一切菩提分法偈曰難行業能行應形無量劫身心自性拔波不退轉

釋曰此偈顯示菩薩救他業方便難行業能行應形无量劫者何謂難行業謂衆生欲得小乘出離菩薩於彼極生大苦欲令彼轉異乘心故變種種形於無量世界經无量劫數而能久受勤苦作種種難行業身口心自性拔彼不退轉者謂菩薩為拔彼故雖復屢屢久受勤苦三業自性終無退屈偈曰

如人怖四害 深防為自身 菩薩畏三乘 護業亦如是

釋曰此偈顯示菩薩自護業方便如人怖四害深防為自身者何謂四害一者毒物二者兵仗三者惡食四者怨仇是謂四害深防者為利益自身故苦薩畏三乘護業亦如是者毒等四害譬二乘人諸業方便菩薩怖畏此故深自防護起二乘心何以故由斷大乘種故大乘善根未起今不起故已起復令滅故及與佛果作障導故偈曰
作者業所作 三輪不分別 得度淨業海 功德無有邊

釋曰此偈顯示菩薩清淨業方便作者業所作三輪不分別者何謂三輪一者作者二者業三者所作是謂三輪不分別者此三不可得故由此故三輪得清淨三輪清淨故業清淨得度淨業海功德無有邊者到業彼岸故功德無邊者由無盡故業伴品究竟大乘莊嚴論度攝品第十七之一

釋曰已說起業方便業所聚集諸波羅蜜今當說此中先說要隨都偈曰
數相次第名 修習差別攝 治障德手顯 度十義應知

釋曰此中六波羅蜜應知有十種義一制數二顯相三次第四釋名五修習六差別七攝行八治障九功德十手顯此中有六偈制立六波羅蜜數唯有六偈曰
資生身眷屬 發起初四成 第五戒不淫 第六業不倒

釋曰此偈顯示為攝自利三事故立波羅蜜數唯有六一者增進二者不涂三者不倒彼初四波羅蜜如其次第終今四事增進一資生成就由布

施故二自身成就由持戒故三眷屬成就由於忍辱行忍辱者多人愛故四發起成就由於精進一切事業因此成故第五禪波羅蜜能令煩惱不涂折伏煩惱由此力故第六般若波羅蜜令業不顛倒一切所作如實知故偈曰

施彼及不惱 忍惱是利他有因及心住 解脫是自利

釋曰此偈顯示為攝二利六事故立波羅蜜數唯有六初為攝利他三事故立前三波羅蜜今起正勤如其次第第一者施彼二者不惱三者忍彼惱後為攝自利三事故須立後三波羅蜜今起正勤如其次第一者有因由依精進故二者心住由心不定今定故三者解脫由心已定今解脫故偈曰
不之亦不惱 忍惱及不退 歸向與善說 利他即自成

釋曰此偈顯示為攝利他六事故立波羅蜜數唯有六菩薩行六波羅蜜時如其次第於彼受用今不之故不惱彼故忍彼惱故助彼所作今不退

大衆經論第七卷 第三張 父 吉軒

故以神通力令歸向故以善說法斷彼疑故菩薩如是利他即是自利為他所作即自所作由此因緣得大菩提故偈曰

不滌及極敬不退有二種亦二無分別具攝大衆因

釋曰此偈顯示為攝大衆四因故立波羅蜜數唯有六一者不滌二者極敬三者不退四者無分別菩薩修行施時於則不滌無顧戀故受持戒時於諸學處起極敬故行忍辱精進時此二不退忍於衆生非衆生所作苦得不退故精進於修行善時得不退故行禪定般若時此二無分別奢摩他毗鉢舍那平等所攝故如此四因攝一切大衆因盡偈曰

不著及不乱不捨亦增進淨感及智障是道皆悉攝

釋曰此偈顯示為攝大衆六道故立波羅蜜數唯有六問道者何義答有方便者為道此中檀波羅蜜於諸資財不著為道由施時於境離著故尸波羅蜜於諸境界不亂為道由求

大衆經論第七卷 第三張 父 廣

受戒時一切心亂攝令住故及比丘住護者求境界時一切業亂不能轉故攝提波羅蜜於諸衆生不捨為道由一切不饒益事不生狀故毗梨耶波羅蜜於修諸善增長為道由精進發起今增上故禪波羅蜜於煩惱障令清淨為道般若波羅蜜於智慧障令清淨為道如是六種道攝一切大乘道盡偈曰

為攝三學故說度有六種初三初二後二二三

釋曰此偈顯示為攝三種增上學故立波羅蜜數唯有六此中立初三波羅蜜為攝初一戒增上學戒有二種謂聚及眷屬口羅為聚檀及鼻提為眷屬何以故施於求受時資財不悞故忍於護持時打罵不報故此中立後二波羅蜜如其次第為攝心慧二增上學此中立第四一波羅蜜應知具攝三增上學由一切三學精進為伴故已制六波羅蜜數次顯六波羅蜜相偈曰
分別六度體 二有四相 治障及合智

大衆經論第七卷 第三張 父

滿願亦成生

釋曰諸菩薩修諸波羅蜜一一皆有四相一治障二合智三滿願四成生治障者檀等六行如其次第對治慳貪破戒瞋恚懈怠亂心愚癡故合智者愚與無分別智共行由通達法無我故滿願者施於求財者隨其所欲而給與之戒於求戒者隨其所欲以身口意護而教授之忍於悔過者與之歡喜精進於作業者隨欲助之定於學定者隨欲授法智於有疑者隨欲決斷成生者先以施攝後以三乘法隨其所應而成熟之先安立於戒等中後以三乘成熟亦已顯六波羅蜜相次說六波羅蜜次第偈曰
前後及下上廣細次第起如是說六度不亂有三因

釋曰六波羅蜜次第有三因緣一前後二下上三廣細前後者謂依前後得起何以故由不顧資財故受持戒行持戒已能起忍辱忍辱已能起精進精進已能起禪定禪定已能解真法下上者前者為下後者為上下者

施上者戒乃至下者定上者智廣細者前者為廣後者為細廣者施細者戒乃至廣者定細者智何故廣易入易作故何故細難入難作故已說六波羅蜜次第次釋六波羅蜜名偈曰除貧亦令涼破瞋與建善心持及真解是說六行義

釋曰能除貧窮故名施能令清涼故名戒由具戒者於境界相中煩惱熱息故能破瞋恚故名忍破瞋恚能令盡故能建善故名進建立善法由此力故能持心故名定攝持內意故能解真法故名慧曉了第一義諦故已釋六波羅蜜名次說修習六波羅蜜偈曰

物與思及心方便并勢力當知修六行說有五依止

釋曰諸菩薩修習諸波羅蜜有五依止一者物依止二者思惟依止三者心依止四者方便依止五者勢力依止物依止修諸波羅蜜有四種一者依止因依種性力而修習故二者依止報依自身成就力而修習故三者

依止願依昔願力而修習故四者依止數依智慧力而修習故思惟依止修諸波羅蜜亦有四種一者信思惟於諸波羅蜜相應教而生信心故二者味思惟於諸波羅蜜中見功德未故三者隨喜思惟於一切世界一切眾主所有諸波羅蜜皆生隨喜故四者憍望思惟於自身及他未來所有勝波羅蜜起憍望故心依止修諸波羅蜜有六種一者無厭心二者廣大心三者勝喜心四者勝利心五者不染心六者善淨心何謂修檀六種心若菩薩以滿恒河沙數世界七寶及以身命於一剎那施一眾生如是乃至盡眾主界所願成熟無上菩提者以此門施心無厭如是如是相心是名修檀無厭心若菩薩如是相施從初相續乃至成佛無剎那須有絕有減如是相心是名修檀廣大心若菩薩以施攝他時生極重歡喜過於受者得財時生喜如是相心是名修檀勝喜心若菩薩以施攝他時見他受物極饒益我非我自利為極饒益何以故

由施攝他令我成就無上菩提因故如是相心是名修檀勝利心若菩薩如是廣施不求報恩及以果報如是相心是名修檀不染心若菩薩如是廣施所生福聚所得果報願施一切眾生非為自受又與一切眾生共之迴向無上菩提如是相心是名修檀善淨心何謂修戒等六種心若菩薩有恒河沙數自身一身復有恒河沙數劫壽一一壽中復之一切資生於此之中復有火聚遍滿三千大千世界菩薩以此多身經此多壽在此火聚起四威儀於一剎那但修一戒如是乃至盡諸戒聚乃至盡諸智聚能得無上菩提者菩薩修之心無厭足如是相心是名修戒等無厭心若菩薩從初修戒乃至修智極坐道場無有間斷如是相心是名修戒等廣大心若菩薩修戒等攝他時生極重歡喜過於受攝者得利益時生喜如是相心是名修戒等勝喜心若菩薩修戒等攝他時見他得利極饒益我非我自利為極饒益如是相心是

名修戒等勝利心若菩薩修戒等時

大乘莊嚴經卷第八 第三十八

不求報恩及以果報如是相心是名

修戒等不淨心若菩薩修戒等所

生福聚所得果報願施一切眾生非

為自受又與一切眾生共之迴向無

上菩提如是相心是名修戒等善淨

心方便依止修諸波羅蜜有三種三

種者即是三輪清淨此清淨由無分

別智為方便故以此方便一切作意

患得成就勢力依止修諸波羅蜜亦

有三種一者身勢力二者行勢力三

者說勢力身勢力者應知是佛自性

身及受用身行勢力者應知是佛化

身以此化身於一切相為一切眾生

示現一切善行故說勢力者謂演說

六波羅蜜一切種時無滯礙故

大乘莊嚴經論卷第七

癸卯歲高麗國大藏都監奉

新印

大乘莊嚴經論卷第八

無著菩薩造

父

大唐天竺三藏波羅蜜多羅譯

度攝品第十七之二

釋曰已說修習六波羅蜜次說六波

羅蜜差別六波羅蜜差別各有六義

一者自性二者因三者果四者業五

者相應六者品類偈曰

施彼及共思二成亦二攝具住不慳故

法財無畏三

釋曰此偈明檀波羅蜜六義施彼者

是施自性由以已物施諸受者故共

思者是施因由無貪善根與思俱生

故二成者是施果由財成就及身成

就故言身成就者具攝命等五事如

五事經中說施食得五事一者得命

二者得色三者得力四者得樂五者

得辯二攝者是施業由自他二攝滿

足及大菩提滿足故具住不慳故者

是施相應由具足住不慳人心中心故

法財無畏三者是施品類品類有三

一者法施二者財施三者無畏施故

如是六義智者應知應習偈曰

大乘莊嚴經論卷第八 第二十八

蓋

六支減有邊善道及持等福聚具足於

二得為三種

釋曰此偈明尸波羅蜜六義六支者

是戒自性由住具戒乃至受學諸學

足故減有邊者是戒因減是涅槃為

求涅槃度諸有邊受行戒故善道者

是戒果善道及不悔等次第五心住

因戒得故持等者是戒業戒有三能

一者能持由能任持一切功德如大

地故二者能靜由能止息一切煩惱

火熱故三者無畏由能不起一切怖

懼等諸罪緣起豈畏起諸罪故福聚

具足故者是戒相應由一切時身口

意業皆行善行故二得為二種者是

戒品類二得謂受得及法得受得者

攝波羅提木又護法得者攝禪設及

無流護故偈曰

不報耐智性大悲及法依五德并二利

具勝彼三種

釋曰此偈明尸波羅蜜六義不報

耐智性者是忍自性一不報二耐三

智此三次第是三忍自性不報者是

他毀忍自性耐者是安苦忍自性耐者是觀法忍自性大悲及法依者是忍因一大悲為因二法依為因法依者謂受戒及多聞故五德者是忍果如經中說忍得五種果一得少憎嫉二得不壞他意三得喜樂四得臨終不悔五得身壞生天二利者是忍業由三忍故能作自利利他二種業如經偈說作彼二義自利利他若知他瞋於彼自息具勝者是忍相應忍難行故名軍勝具足軍勝名相應如經中說忍軍上難行故彼三種者是忍品類彼人有三品一他毀忍二安苦忍三觀法忍故偈曰

於善於正勇 有信有欲故 念增及對治 具德彼七種

釋曰此偈明毗梨耶波羅蜜六義於善於正勇力者是精進自性遮餘業中勇猛故言善除外道解脫中勇猛故言正有信有欲故者是精進因由信及求精進得起故念增者是精進果念定等功德復由精進起故對治者是精進業如經中就起精進者能得

樂住不雜諸惡不善法故具德者是精進相應由具無貪等功德故彼七種者是精進品類彼人有七品精進一學戒精進二學定精進三學慧精進四身精進五心精進六無間精進七尊重精進偈曰

心住及念進 樂生亦通住 諸法之上首 彼種三復三

釋曰此偈明禪波羅蜜六義心住者是定自性由心住內故念進者是定因有念故於緣不忘依進故禪定得起樂生者是定果離退方便離果不虛故通住者是定業通謂五通住謂三住聖住天住梵住禪定能令五通及三住皆得自在住故諸法之上首者是定相應如經中說三摩提者諸法上首故彼種三復三者是定品類彼人有二種三品一者有覺有觀無覺有觀無覺無觀三品故二首喜俱樂俱捨俱三品故偈曰
正擇樂定持 善脫及命說 諸法之上首 彼亦有三種
釋曰此偈明般若波羅蜜六義正擇

者是慧自性由離邪業及世間所識業正擇出世間法故定持者是慧因由定持慧如實解法故善脫者是慧果謂於染汙得善解脫何以故由世間出世間大出世間正擇故命說者是慧業由慧命及善說慧命者以彼無上正擇為命故善說者正說正法故諸法之上首者是慧相應如經中說般若者一切法中上故彼亦有三種者是慧品類彼人有世間出世間大出世間三品正擇故已說六波羅蜜差別次說六波羅蜜攝行偈曰
一切白淨法 應知亂定俱 六度惣三雙 是類皆悉攝

釋曰一切白淨法者謂檀等諸行法應知彼行法惣攝有三種一者亂二者定三者俱彼亂者以前二波羅蜜攝施戒不定故定者以後二波羅蜜攝禪及實慧定故俱者以中二波羅蜜攝忍及精進定不定故已說六波羅蜜攝行次說六波羅蜜治障偈曰
檀離七著故 不着說七種 應知餘五度 障治七著然

大舍嚴論第八卷 第五段

釋曰檀離七者故不著說七種者彼檀者有大種一資財者二慢緩者三偏執者四報恩者五果報者六障礙者七散亂者此中障礙者謂檀所對治貪隨眠不斷故散亂者散亂有二種一下意散亂求小乘故二分別散亂分別三輪故由菩薩行檀時遠離此七者故說七不著應知餘五度障治七皆然者應知戒等五波羅蜜亦各有七者離七者故亦各說七不著此中有差別者翻檀波羅蜜離資財者即是戒等五波羅蜜離第一者所謂戒離破戒者忍離瞋者精進離懈怠者禪定離亂心者智慧離愚癡者戒等離障礙者彼障隨眠皆斷除故戒等離分別者隨其三輪不分別故已說六波羅蜜治障次說六波羅蜜功德此中先說利他功德偈曰

恒時捨身命 離求愍他故 因施建菩提 智攝施無盡

釋曰此偈顯示檀波羅蜜利他功德恒時捨身命者謂諸菩薩一切時施

大舍嚴論第八卷 第五段

自身命與一切求者故離求愍他故者不求報恩及以愛果由大悲為因故因施建菩提者因是施已建立一切眾生於三乘菩提故智攝施無盡者此施由無分別智所攝乃至元餘涅槃其福無盡無窮利益一切眾生故偈曰

恒時守禁勤 離戒及善趣 因戒建菩提 智攝戒無盡

釋曰此偈顯示尸波羅蜜利他功德恒時守禁勤者菩薩有三聚戒一律儀戒二攝善法戒三攝眾生戒初戒以禁防為體後二戒以勤勇為體諸菩薩一切時恒守護故離戒及善趣者謂不著得戒及不求受果故偈曰恒時耐他毀 離求畏無能 因忍建菩提 智攝忍無盡

釋曰此偈顯示羼提波羅蜜利他功德恒時耐他毀者諸菩薩於一切時若一切眾生以一切極惱事求毀菩薩菩薩忍能忍受故離求畏無能者不求報恩不求善趣不為怖畏不為無能故偈曰

大舍嚴論第八卷 第五段

恒時捨勤作 然賊為無上 因進建菩提 智攝進無盡

釋曰此偈顯示毗梨耶波羅蜜利他功德恒時捨勤作者諸菩薩無比修精進有二自性一引捨為自性二勤方便為自性然賊為無上者菩薩修精進但為然自他煩惱賊為得無上菩提故偈曰

恒時習諸定 捨禪下處生 因定建菩提 智攝定無盡

釋曰此偈顯示禪波羅蜜利他功德恒時習諸定者諸菩薩攝無邊三摩提而修習故捨禪下處生者棄捨無上禪樂住來就下劣處受生何以故由大悲故偈曰恒了真餘境 佛斷尚不著 因智建菩提 悲攝智無盡

釋曰此偈顯示般若波羅蜜利他功德恒了真餘境者了真謂第一義諦平等相人法二無我智故餘境謂無邊名相等差別故佛斷尚不著者佛斷謂涅槃諸菩薩修般若尚不著佛涅槃何況求生死此中前五波羅蜜

以無分別智攝故乃至無餘涅槃功德無盡般若波羅蜜以大悲攝故恒不捨衆生功德無盡六偈別說利他功德已次以一偈惣說前義偈曰廣大及無求 軍勝與無盡當知二度四德悉皆同

釋曰四功德者一廣大功德二無求功德三軍勝功德四無盡功德前六偈第一句顯廣大功德利多衆生故第二句顯無求功德第三句顯軍勝功德第四句顯無盡功德復次六波羅蜜復有清淨功德偈曰

得見及遂願 并求合三喜 菩薩喜相翻彼退悲極故

釋曰此偈顯亦極波羅蜜清淨功德彼七求者於菩薩生三喜一得見時生喜二遂願時生喜三求見求遂時生喜由不見不遂時不生喜故菩薩一切時於七求者翻彼三喜亦生三喜一得見彼時生喜二遂彼願時生喜三求見求遂彼時生喜此中應知彼求者三喜不如菩薩三喜何以故菩薩大悲具足故偈曰

自身財眷屬由悲恒喜施彼三遠離行何因不禁守

釋曰此下顯亦尸波羅蜜清淨功德此偈明遠離身三惡行菩薩於自身自財自眷屬中由大悲故尚恒懷喜好施於他況於他身他財他眷屬中三種遠離行而不禁守耶偈曰不顧及平等 無畏亦普施悲極有何因惱他而妄語

釋曰此偈明遠離妄語惡行凡起妄語有四因緣一為自利惡身命故二為利他利所受故三為怖畏懼王法故四為求財有所須故菩薩則不介一者不顧不戀身命故二者平等他身與自得等心故三者無畏離五怖故四者普施以一切物施一切故菩薩悲慈恒深復有何因而起妄語偈曰平等利益作 大悲懼他苦 亦勤成熟生極遠三語過

釋曰此偈明遠離餘三惡行菩薩於一切衆生恒作平等利益豈欲壞他眷屬而作兩舌菩薩大悲恒欲拔除一切衆生之苦於他苦中極生怖

懼豈欲為苦於他而作惡口菩薩恒行正勤恒欲成熟一切衆生豈欲不成熟他而作綺語是故菩薩能極遠離此三語過偈曰普施及有悲 極善緣起法何因不能耐意地三煩惱

釋曰此偈明遠離意三惡行菩薩由普施一切物故離貪煩惱由大悲故離瞋煩惱由極善緣起法故離邪見煩惱如是等破戒對治差別是菩薩戒清淨功德偈曰

損者得益想 苦事喜相生 菩薩既如是忍誰何所忍

釋曰此偈顯亦極提波羅蜜清淨功德損者得益想者菩薩於彼不饒益者得饒益想應須忍辱何以故為成忍辱因故苦事喜想生者菩薩於受苦事中更生喜想何以故成就利他因故菩薩既無不饒益想起處及苦想起處於誰邊起忍於何事起忍偈曰菩薩他想斷 愛他過自愛於他難行事精進即無難

釋曰此偈顯亦毗梨耶波羅蜜清淨

大舍莊嚴論第八卷 第三張

功德菩薩為他難行精進而得不難何以故他想斷故及一切時生於他受過自受故菩薩如是為他精進豈復難行是故精進清淨偈曰

少樂二自樂著退盡癡故是說三人禪菩薩禪翻彼

釋曰此偈顯六禪波羅蜜清淨功德少樂者謂世間禪二自樂者謂聲聞禪及緣覺禪著者若世間禪著自見若二乘禪著涅槃退者謂世間禪盡者謂二乘禪無餘涅槃時盡故癡者彼三人禪如其所應有染癡無染癡故菩薩禪翻彼者謂翻彼三人禪何以故多樂自樂他樂故不著不退無盡无癡故是謂禪定清淨功德偈曰暗觸及二燈如是三人智譬如日光照菩薩智無比

釋曰此偈顯亦般若波羅蜜清淨功德譬如暗中以手觸物凡夫人智亦如是何以故得少境故不明了故不恒定故譬如二燈室中照物聲聞人智及緣覺智亦如是何以故得少境故不明了故未極淨故譬如日光照

大舍莊嚴論第八卷 第三張

物菩薩智亦如是何以故得遍滿故以明了故極清淨故如是無比是謂菩薩般若清淨功德復次六波羅蜜復有八種無上功德偈曰

依類緣迴向因智田依止如是八種勝無上義應知

釋曰八無上者一依二類三緣四迴向五因六智七田八依止問此八於六度云何得無上答檀依者以依菩薩故檀類者此有三種一物施以捨自身命故二無畏施以救濟惡道生死畏故三法施以說大乘法故檀緣者以大悲為緣起故檀迴向者以求大菩提故檀因者以先世施業熏習種子為因故檀智者以無分別智觀察三輪不分別施者受者財物故檀田者田有五人一求人二苦人三無依人四惡行人五具德人應知此中以具德勝人為無上檀依止者由三種依止故一依止信向二依止思惟三依止三昧依止信向者如分別修中信心思惟所說依止思惟者如分別修中味思惟隨喜思惟希思惟所說

大舍莊嚴論第八卷 第三張

依止三昧者謂依金剛藏等定如勢力依止修中所說如是依等無上故檀得無上如檀八無上戒等五波羅蜜八無上應知亦此中戒品類無上者謂菩薩戒忍品類無上者謂來煞菩薩者早下劣弱精進品類無上者謂修諸波羅蜜所對治新禪品類無上者謂菩薩三摩提智品類無上者謂緣如如境戒等由勝田無上者謂大乘法餘六無上如檀中說復次檀及精進復有不共差別功德問檀差別云何偈曰

施一令得樂多劫自受苦尚捨為受深何況利翻彼

釋曰若諸菩薩施一眾生令其得樂自身多劫受貧窮苦尚施無怯由愛深故受深者謂悲差別何況施一眾生令其得樂自身多劫獲大福利也偈曰

上者隨所欲菩薩一切捨彼求為身故利彼百種施

釋曰此偈上半惣說謂隨彼所求菩薩志捨下半解釋謂彼乞者為自利

大智度論卷第八 第二十五

故一切欲得菩薩為利他故百種生

捨偈曰

捨身尚不苦 何況餘財物 出世喜得故 起苦是無上

釋曰菩薩捨身時由心故不生苦此

心顯示菩薩出世間何以故得歡喜

故問此喜從何得答從起苦得是故

起苦是菩薩無上是故菩薩在出世

間上偈曰

七者一切得 得喜非大喜 菩薩一切捨 喜彼喜大故

釋曰七者所須菩薩皆施七者得喜

此喜非是大喜問何故答由菩薩一

切皆捨喜彼得財此喜為大喜彼喜

故偈曰

七者一切得 有財非見富 菩薩一切捨 無財見大富

釋曰此偈顯菩薩財無盡差別偈曰

七者一切得 非大饒益想 菩薩一切捨 得大饒益想

釋曰此顯菩薩大悲差別偈曰

七者自在取 如取路傍果 菩薩能大捨 餘人無是事

大智度論卷第八 第二十六

釋曰此顯菩薩無著差別問說檀不

共功德差別已精進不共功德差別

復云何偈曰

勝因依業種 對治等異故 如是六種義 精進有差別

釋曰精進有六種差別一勝差別二

因差別三依止差別四業差別五種

差別六對治差別此偈惣舉餘偈別

釋偈曰

白法進為上 進亦是勝因 及得諸善法 進則為依止

釋曰此偈說精進勝差別因差別依

止差別白法進為上者說取勝差別

由於一切善法中說精進為取勝故

進亦是勝因者說因差別由說精進

是無上因故及得諸善法進則為依

止者說依止差別由依止精進得一

切善法故偈曰

現樂與世法 出世及資財 動靜及解脫 菩提七為業

釋曰此偈說精進業差別此業差別

有七種一得現法樂住二得世間法

三得出世間法四得資財五得動靜

大智度論卷第八 第二十七

動靜者由是世間不究竟故六得解

脫解脫者由斷身見故七得菩提菩

提者由大菩提故偈曰

增減及增上 捨障亦入真 轉依與大利 六說精進種

釋曰此偈說精進種種差別種差別有

六種一增減精進謂四正勤二惡法

減二善法增故二增上精進謂五根

由於解脫法為增上義故三捨障精

進謂五力由彼障礙不能專故四入

真精進謂七覺分由見道建立故五

轉依精進謂八聖道分由修道是究

竟轉依因故六大利精進謂六波羅

蜜由自利利他故偈曰

種復有五異 如擔將發行 無下及不動 第五說無厭

釋曰五異者一如擔精進謂欲發起

行故二發行精進謂現行諸善故三

無下精進謂得大果下體無故四不

動精進謂寒熱等苦不能動故五無

厭精進謂不以少得為足故此五種

如經中所說有引擔精進有現起精

進有勇猛精進有堅固精進有不捨

大衆在嚴論第八卷 第六張 父
佛道精進於諸善法中如其次第應
知偈曰

三種下中上由依三乘亦二下上覺
利有大小故

釋曰彼精進依人差別復說三種及
二種三種者依三乘行人差別如其
次第下中上精進故問何因復二種
答下上覺故下覺者依二乘行人上
覺者依大乘行人如其次第說於小
利及大利故何以故為自利故為他
利故偈曰
財著煩惱者 財著知足者 四者不能退
對治分四種

釋曰此偈說精進對治差別由對治
四者有四不退說四種對治差別問
此云何答檀等諸行由四者為礙故
而不得行一者財著於財極慳故二
者煩惱著於財起染故三者耽著於檀
等行有退屈故四者知足著於少施
等喜滿足故行精進者對治如此四
著能得不退故說四種對治差別已
說六波羅蜜功德次說六波羅蜜示
顯偈曰

大衆在嚴論第九卷 第十九張 父
相攝及差別 依法亦為因 六度互相成
一切種分別

釋曰六波羅蜜相成自有四義一相
攝二差別三依法四為因相攝者無
畏施攝戒忍二度由此二度能與無
畏故法施攝定智二度由此二度能
與法故俱施攝精進一度由此一度
能行二施故問戒攝幾種答攝善法
戒一切檀等皆攝如是忍等亦攝如
其所應作差別者檀等六種即為六
施謂施戒施乃至般若施於他相
續建立檀等故依法者所有諸經所
有檀等諸義顯示所有檀等諸義所
有諸經顯示處處相攝應知為因者
謂檀為戒等因何以故不顧財者能
行戒等故戒亦施等因何以故比丘
受護者能捨一切所有受故住戒者
能具足忍等故又受攝善法戒為檀
等故如是忍等亦為因如其所應作
如是說六波羅蜜義已次說四攝行偈曰
布施將愛語 利行并同利 施平及彼說
建立亦自行
釋曰四攝者一布施攝二愛語攝三

大衆在嚴論第十卷 第三張 父
利行攝 四同利攝施平者即布施攝
彼說者謂愛語攝說彼波羅蜜義故
建立者謂利行攝建立衆生於波羅
蜜中故自行者謂同利攝建立他已
自亦如是行故問何故說此四攝體
答此說攝他諸方便偈曰

攝他四方便 即是四攝性 隨攝亦攝取
正轉及隨轉
釋曰布施者是隨攝方便由財施隨
他身起攝故受語者是攝取方便由
無知疑惑者令受義故利行者是正
轉方便由此行諸善轉故同利者是
隨轉方便善薩自如說行衆生知已
先未行善亦隨行故問四攝業云何
偈曰
令器及令信 令行亦令解 如是作四事
次第四攝業
釋曰布施者能令於法成器由隨順
於財則堪受法故受語者能令於法
起信由教法義彼疑斷故利行者能
令於法起行由如法依行故同利者
能令彼得解脫由行淨長時得饒益
故是為四攝業問世尊亦說二攝此

大乘法苑珠林卷第八 第三十二

云何偈曰
四體說二攝 財攝及法攝 財一法有三
次第攝四攝

釋曰此四攝體世尊餘處說為二攝
謂財攝法攝即以二攝攝於四攝財
攝攝初一攝法攝攝後三攝問云何
攝後三攝法有三種一所謂緣法二所
行法三所淨法如其次第攝後三攝
應知偈曰

下中上差別如是四攝種 倍無及倍有
亦純合三益

釋曰四攝種差別有三謂下中上由
諸菩薩攝三乘人差別故由此三種
差別次第復有三益一倍無益二倍
有益三純有益倍無益者謂解行地
菩薩攝倍有益者謂入大地菩薩攝
純有益者謂八地以上菩薩攝由彼
決定能令衆生成成就故偈曰

菩薩欲攝衆 依此四方便 大利及易成
得讚三益故

釋曰若諸菩薩欲攝徒衆者一切皆
須依此四攝以為方便何以故由一
切大利得成就故由是樂易方便故

大乘法苑珠林卷第八 第三十三

由得諸佛稱揚故偈曰
四攝於三世 恒時攝衆生 成就衆生道
非餘唯四攝

釋曰此四攝於三世中已攝當攝現
攝一切衆生是故此四攝是成熟衆
生道非餘諸道餘道無體故別說六
度四攝已次以一偈總結前義偈曰
不著及寂靜 能耐將意勇 不動并離相
亦攝攝衆生

釋曰此偈上三句結六度義下一句
結四攝義偈義如前解菩薩以此六
行行此四攝顯亦六波羅蜜成就自
利利他四攝成就亦亦是故如其次
第先說六度後說四攝度攝品究竟
大乘莊嚴經論卷第八

癸卯歲高麗國大藏都監奉
勅彫造

大乘莊嚴經論卷第九

無著菩薩造

大唐天竺三藏波羅頗蜜多羅譯

供養品第十八

釋曰已說業所聚集諸行未說供養
如來此供養今當說偈曰

依物緣迴向 因智田依止 如是八供養
供養諸如來

釋曰略說供養如來有八種何謂為
八一者依供養二者物供養三者緣
起供養四者迴向供養五者因供養
六者智供養七者田供養八者依止
供養問此八義云何偈曰

現前不現前 衣服飲食等 深起善淨心
為滿於二聚 常願生佛世 三輪不分別
成熟諸衆生 寂後十二種

釋曰此二偈八句顯亦前八義應知
現前不現前者謂依供養依現在及
過去未來諸佛而供養故衣服飲食
等者謂物供養以衣服等而供養故
深起善淨心者謂緣起供養以深淨
信心而供養故為滿於二聚者謂迴

大華嚴經疏卷第九 第三十

向供養為滿福智二聚而供養故常
願生佛世者謂因供養由有宿願
生佛世令我有益不虛供養故三輪
不分別者謂智供養設供受供供具
三事不可得故成熟諸眾生者謂田
供養眾生為田教彼供養令種善根
故取後十一種者謂依止供養此依
止有十一種一者依止物由依財物
而供養故二者依止思惟由依味思
惟隨喜思惟惛望思惟故三者依止
信由信大乘發菩提心故四者依止
願由發願隨願故五者依止悲由憐
愍眾生故六者依止忍由難行能行
故七者依止行由諸波羅蜜故八者
依止正念由如法不倒故九者依止
正見由如實覺了故十者依止解脫
由聲聞煩惱滅故十一者依止真實
由得大菩提故問供養種差別云何
偈曰
因果及內外 意細與大小 亦遠近差別
是名供養種
釋曰世等差別為供養種差別彼過
去為因現在為果現在為因未來為

大華嚴經疏卷第九 第三十一

果如是因果謂去來今應知內者自
供養外者令他供養應者利供養細
者隨順供養小者劣供養大者勝供
養有慢者為劣無慢者為勝三輪不
分別故遠者欲後時供養近者即今
時供養復次隔世供養者為遠無間
供養者為近復次發願於未來欲供
養者為遠發願於現在即供養者為
近問何等供養如來為最上供養偈曰
供養諸如來 最上由自意信心通方便
和合五勝故

釋曰五種自意供養如來應知此供
養為最上供養何謂為五一者淨信
二者深心三者神通四者方便五者
和合淨信者於大乘法說供養慶生
淨信故深心者此心有九種一味心
二隨喜心三惛望心四無厭心五廣
大心六勝喜心七勝利心八無滌心
九善淨心此九心如修諸波羅蜜中
說神通者謂依虛空藏等諸三摩提
故方便者謂無分別智方便攝故和
合者謂一切諸大菩薩和合一果入
一切果故供養品究竟

大華嚴經疏卷第九 第三十二

大乘莊嚴經論親近品第十九

釋曰已說供養如來云何親近善知
識偈曰

如前供養佛 略說有八種 親近於善友
應知八亦然

釋曰應知親近善知識亦有依等八
種問此中八義復云何偈曰

調靜除德增 有勇阿含富 覺善善說法
悲深難退減

釋曰此偈顯示第一依親近若善知
識具足十種功德者應堪親近何謂
為十一者調伏二者寂靜三者戒除
四者德增五者有勇六者經富七者
覺真八者善說九者悲深十者難退
調伏者與戒相應由根調故寂靜者
與定相應由內攝故戒除者信念與
慧相應煩惱斷故德增者戒定慧具
不缺減故有勇者利益他時不疲倦
故經富者得多聞故覺真者了實義
故善說者不顛倒故悲深者絕憍望
故難退者於一切時恭敬說故偈曰
敬養及給侍 身心亦相應 願樂及以時
下心為緣起

釋曰此偈上半顯示物親近下半顯示緣起親近物親近有三者財謂恭敬供養二者身謂隨順給侍三者心謂給侍時身心相應緣起親近亦有三種一者願樂二者知時三者除慢偈曰

為難於貪著為求隨順行隨順如所教以此令彼喜

釋曰此偈上半顯示迴向親近下半顯示因親近迴向親近者不為貪著利養故但為隨順修行故因親近者菩薩如所教授隨順修行為親近善知識因何以故菩薩以此隨順令彼善知識心生歡喜故偈曰

善解於三乘自乘令成就成生及淨土為法不為財

釋曰此偈顯示智田依止三種親近善解於三乘自乘令成就者顯示智親近善解三乘者由智故成生及淨土者顯示田親近田有二種一眾生田二佛土田問此二云何名田答自所聞法於眾生相續中而建立故隨所住佛土修清淨因故為法不為財

者顯示依止親近菩薩但以法利具足為依止是故親近善知識不以財利具足為依止故問親近善知識種種差別云何偈曰

因果及隨法內外與麤細勝劣亦遠近是謂種差別

釋曰因果差別者謂過去親近為因現在親近為果現在親近為因未來親近為果隨法差別者謂善知識所派法門隨其差別而修行故內外差別者自親近為內令他親近為外麤細差別者自聽為麤內心思惟為細勝劣差別者有慢親近為劣無慢親近為勝遠近差別者現在趣中親近為近生報趣中親近為遠復次生報趣中親近為近後報趣中親近為遠復次無間親近為近隔世親近為遠復次願於現在親近為近願於未來親近為遠問何等親近善知識得為最上偈曰

親近善友勝自意五如前信心通方便和合等別故

釋曰如前供養諸佛由五種自意故

得為最勝謂淨信深心神通方便和合此中親近善知識最勝亦由淨信者於大乘經說親近處生淨信故由深心者心亦九種謂味心乃至善淨心親近修行故由神通者謂依虛空藏等三摩提而親近故由方便者謂依無分別智攝故由和合者諸大菩薩以一果入一切果故親近品究竟大乘莊嚴經論梵住品第二十

釋曰菩薩所修四梵住此云何偈曰梵住有四種一一有四相治障與合智轉境及成生

釋曰梵住者謂四無量即慈悲喜捨此中應知菩薩四無量一一各有四種相一治障由所治斷故二合智得無分別智對治勝故三轉境由眾生緣法緣無緣故四成生由作勝業成就眾生故問何等眾生為眾生緣何等法及無緣為法緣及無緣偈曰樂苦喜煩惱如是眾生緣法緣說彼法無緣即彼如

釋曰四種眾生聚是眾生緣一求樂眾生聚二有苦眾生聚三有喜眾生

大藏經論第九卷 第九張

聚四煩惱眾生聚慈者於永樂眾生聚起與樂行悲者於有苦眾生聚起拔苦行喜者於有喜眾生聚起不離行捨者於諸受起煩惱眾生聚起離行是名眾生緣法緣者即是說彼四種梵住法說名法緣無緣者即是彼如以無分別說說名無緣偈曰及彼如義故忍位得清淨身口業所攝亦盡諸煩惱

釋曰彼四種行應知無緣慈者以如緣故八地無生法忍時得一切善根亦得圓滿彼清淨故及慈所依身口二業所攝者諸煩惱亦盡如煩惱所緣說意自體諸煩惱斷斷所緣故如是修多羅中說問彼四梵住何等行差別偈曰有動及不動亦敬及不敬應和四梵住如是行差別

釋曰彼四梵住應知有四種行差別一者動二者不動三者敬四者不敬動者退分可退故不動者住分及勝分不可退故敬者潔淨貪著樂味無大心故不敬者不潔淨也此退等行

大藏經論第九卷 第九張

是梵住差別諸菩薩住不動及不敬中不住於動及敬中間梵住種差別云何偈曰

前六及前二下地亦下心相似等為下翻下則為上

釋曰下上差別者彼不定地自性前六品為下一切定地前二品亦為下謂更更中下地亦為下謂下七地菩薩觀上地故下心亦為下謂諸聲聞故相似亦為下謂未得无生法忍菩薩故如所說下翻此下則為上應知問此四梵住能得幾果偈曰所生欲界報滿聚亦成生不離及離障具足五為果

釋曰菩薩住諸梵住為因具得五果一者欲界眾生中是果報果二者二聚圓滿是增上果三者成熟眾主是丈夫果四者一切生處不離梵住是依果五者所生之處恒離彼障是相離果問此梵住中有何等事是菩薩相偈曰設遇重障緣及以自放逸欲知菩薩相梵心無退轉

大藏經論第九卷 第十張

釋曰菩薩有二事梵心不動應知是為菩薩相一者設遇重障因緣心終無異是菩薩相二者設自放逸謂能治不現前時心亦無異是菩薩相況无量現前時問梵住障尋云何偈曰四梵有四障瞋惱憂欲故菩薩具此障多種過失起

釋曰彼四梵所對治具有四障如其次第一瞋二惱三憂四欲由如此障梵無體故若有此四復生多種過失問多失云何偈曰

如是諸煩惱起則有三害 自害亦害彼及以尸羅害

釋曰此偈顯示三害過失一自害謂自苦思作二他害謂他苦思作三尸羅害謂俱苦思作偈曰

有悔亦失利 失護及師捨 治罰并惡名 如是六呵責

釋曰此偈顯示得六種呵責過失一者自呵責由有憂悔故二者他呵責由失利養故三者天呵責由失擁護故四者大師呵責由大師所捨故五者梵行呵責由智慧梵行人如法治罰

大佛云經第九卷 第二三
故六者十方人呵責惡名流出故偈曰

後身諸難隨梵住今亦退心數亦苦得復此三過生

釋曰此偈顯示後得三種過失一者

墮難由此惡業得後世惡報故二者

退行由已得退及未得退退失現在

未來梵住故三者苦生由心數法從

彼生大憂苦故問已說過失何者是

功德偈曰

善住梵住人 遠離彼諸惡 生死不能汙

不捨濟群生

釋曰住梵住者得二功德一者捨煩

惱如前所說過失患遠離故二者不

捨衆生為成熟衆生生死不能汙故

問已知功德此功德云何知最尊

上偈曰

如人有一子 有德生極愛 菩薩於一切

起梵勝過彼

釋曰由過此辭則顯示菩薩四種梵

住最尊最上問大悲以何等衆生為

所緣偈曰

熾然及怨勝 苦逼亦聞覆 住險將大縛

大佛云經第九卷 第二三
如此十衆生 大悲心所緣 又
釋曰菩薩大悲略以十種衆生為境
界一是熾然衆生謂樂善欲塗者二
是怨勝衆生謂修善時為魔障礙者
三是苦逼衆生謂在三塗者四是聞
覆衆生謂恒行不善者由不識業報
故五是住險衆生謂不樂涅槃者由
生死險道不斷絕故六是大縛衆生
謂外道僻見者由欲向解脫為種種
僻見堅縛所縛故七是食毒衆生謂
飲定味者僻如美食雜毒則能害人
善定亦介為貪所著則便退失八是
失道衆生謂增上慢者由於真實解
脫道中而迷謬故九是非道住衆生
謂於下乘不定者由有退故十是瘦
溢衆生謂諸菩薩於二聚未滿者如
此十種衆生是菩薩大悲所緣境界
已說大悲境界次說大悲得果偈曰
障斷及覺因 興樂亦愛果 自派五依故
是人去佛近
釋曰障斷者是相離果彼障斷故覺
因者是增上果利益衆生故興樂者
是丈夫果丈夫所作故受果言是果

大佛云經第九卷 第二三
報果得可愛報故自派者是依果與

未來勝悲故如是五果皆依大悲所

得當知如此菩薩去佛菩提則為不

遠已說大悲得果次說大悲不住偈曰

生死苦為體 及以無我性 不厭亦不惱

大悲勝覺故

釋曰一切生死以苦為體以無我為

性菩薩於苦得如實知於無我得無

上覺如是得知覺已由大悲故於生

死不生厭離由勝覺故亦不為煩惱

所惱是故菩薩得不住涅槃亦不住

生死已說大悲不住次說大悲功德

偈曰

見苦自性時 知苦生悲苦 亦知捨方便

恒修不厭生

釋曰菩薩觀世間苦見其自性時即

生悲苦如彼遠離方便亦求如實知

知已恒修不厭是名大悲功德已說

大悲功德次說大悲差別偈曰

自性與數擇 宿習及障斷 應知菩薩悲

如此四差別

釋曰此大悲隨其次第有四差別一
者自性成自然故二者數擇見功德

過失故三者宿習由先世久修故四

大華嚴經第九卷 第六十

者障斷由得離欲斷所治惱障清淨

故復有六種差別偈曰

非等亦非常非深亦非順非道非不得

翻六悲如是

釋曰翻非大悲六種差別即是大悲

六種差別一者平等二者常恒三者

深極四者隨順五者淨道六者不得

平等者於樂受等眾生所有諸受皆

知是苦故常恒者乃至無餘涅槃亦

無盡故深極者入地諸菩薩得自他平

等故隨順者於一切眾生苦如理拔

濟故淨道者所對治惱得斷除故不

得者得無生法忍時諸法不可得故

已說大悲差別次說大悲如樹偈曰

悲忍思願生成熟次第說大根至大果

悲樹六事成

釋曰此大悲樹應知以六事成就一

者大悲二者忍辱三者思惟四者勝

願五者勝生六者成熟此即是根莖

枝葉華果六位問此事云何答此樹

以大悲為根以忍辱為莖以利益眾

生思惟為枝以勝生願為葉以所得

勝生為華以成熟眾生為果問何故

大華嚴經第九卷 第六十五

六事先後如此偈曰

無悲則無忍如是六次第勝生若不得

成熟眾生無

釋曰若無大悲則不能起大苦難行忍

若無大苦難行忍則不能起利益眾

生思惟若無利益眾生思惟則不能

起勝生願若無勝生願則不能向勝

生處若不向勝生處則不能成熟眾

生問前後相似如此成立相似復云

何偈曰

根生以慈潤莖擢以樂廣念正則增枝

願續則長葉內緣成為華外緣成為果

當知悲根等如是次第成

釋曰此中成立相似者悲以慈潤能

令滋生由有慈者見他苦已生悲苦

故是故以悲為根忍以樂想能令抽

擢由菩薩利他苦生樂想樂想生已

能令忍辱得廣大故是故以忍為莖

思以正念能令增進由忍廣已能於

利他事起正念故是故以思為枝

願以相續能令長成由前滅後生譬

如葉長落故抽新是故以願為葉生

以內緣成為實由自身成熟則受生

大華嚴經第九卷 第六十六

不虛是故以生為華成熟者以外緣

成為實由他身成熟則利益不虛是

故以成熟眾生為果如是次第成立

應知已說大悲如樹次讚大悲功德

偈曰

大悲利益作誰於他不起於苦勝樂生

樂生由悲故

釋曰此義如偈所說已讚大悲功德

次說大悲無著偈曰

菩薩悲自在寂靜尚不住世樂及身命

此愛云何起

釋曰一切世間皆愛世樂及自身命

一切聲聞緣覺雖不愛世樂及自身

命而於涅槃起住著意菩薩不亦大

悲自在故於涅槃尚不住何況住彼

二愛中已說大悲無著次說大悲愛

勝偈曰

貪愛非無障世悲亦世間菩薩悲愛起

障盡亦過世

釋曰悲愛寂勝自有二義一者障盡

二者過世愛親等貪則自體是障行

世間悲體雖非障而是世間菩薩悲

受自體障盡而復過世故為最勝問
云何障盡偈曰

有苦及無智 大海及大闇 拔濟以方便
云何不障盡

釋曰有苦為大海無智為大闇能拔
濟方便是大悲此悲受則障盡問云
何過世偈曰

羅漢及緣覺 如是悲受無 何況餘世間
豈得不過世

釋曰阿羅漢辟支佛尚無大悲受況
餘世間而有可得若如是者豈不過
世乎已說大悲受勝次說大悲無厭
偈曰

得悲諸菩薩 捨苦而起苦 彼初起苦怖
證時欣樂甚

釋曰捨苦者謂諸菩薩以大悲故欲
捨他苦而起苦者由捨他苦則起自
苦彼初起苦怖者彼初謂信行地菩
薩彼於起苦中而生怯怖由自他平等
未見故由苦如實未觸故證時欣樂
甚者證時謂淨心地菩薩彼於起苦
中生極欣樂由見自他平等故由苦
如實已觸故已說大悲無厭次說大

悲苦勝偈曰
悲苦寂希有 苦勝一切樂 更樂悲生故
辦非有況餘

釋曰悲苦寂希有者謂從他苦而生
大悲從大悲而生自苦如是悲苦有
何希有而得過此故為寂希有苦勝
一切樂者即此悲苦勝於一切世間
之樂問何故答更樂悲生故此諸菩
薩更以悲苦為樂由此苦從大悲生
故辦非有況餘者彼樂所作已辦者
尚無況餘世間而得有也已說大悲
苦勝次說大悲施勝偈曰

施與悲共起 能令菩薩樂 三界中樂受
比此無一分

釋曰若布施與大悲俱生則能起菩
薩勝樂於三界中所作諸樂欲比大
悲施所作樂無有一分而得相似已
說大悲施勝次說大悲忍苦偈曰

生死苦自性 不捨由悲故 起苦利他因
云何捨不習

釋曰一切苦患入生死苦中諸菩薩
不捨生死由大悲故苦勝起苦是利
他因菩薩不捨生死時即是不捨一

切苦已說大悲忍苦次說大悲施果
偈曰

悲施財三果 悲者恒增長 受生及攝生
資生復三樂

釋曰悲施財三果悲者恒增長者謂
菩薩大悲能增長三種果一者增悲
由修習故能令自體增長二者增
施由悲自在故能令施得增長三者
增財由施自在故能令財得增長愛
生及攝生資生復三樂者從是三果
復生三樂一者從悲為因生愛生樂
二者從施為因生攝生樂三者從財
為因生資生樂已說大悲增果次說
大悲勸進偈曰

悲長及施增 成生亦樂起 幸來復將去
大悲勸如是

釋曰大悲勸進菩薩行六種功德大
悲義言菩薩汝修習我今我滋長汝
捨資財令施增進汝應以施成熟眾
生汝應以施令自樂起汝若施者招
引大菩提二聚及餘令向已來汝若
施者將導二聚及餘令向大菩提去
已說大悲勸進次說大悲樂勝偈曰

第三二冊

苦者悲諸苦 不施云何樂 以今自樂故
施樂拔他苦

釋曰苦者悲諸苦者諸菩薩以悲起
諸苦是故名苦者不施云何樂者菩
薩大悲故以他苦為自苦若不施他
樂云何得自樂以今自樂故施樂拔
他苦者若菩薩施眾生樂拔眾生苦
時即是菩薩自作樂已說大悲樂勝
次說大悲教授偈曰
悲者教自施 施依勿自求 施報願不受
有願還以施

釋曰此偈教行無求施悲者教自施
施彼勿自求者大悲義言汝施施他
時莫求自樂他樂若無自樂亦無何
以故樂不別故施報願不受有願還
以施者若我施果亦願不受設有果
時還以布施偈曰

施及於施果 普施於一切 彼樂我樂故
施彼我無須

釋曰此偈教行施果施謂施及施所
得果普施一切眾生何以故悲者以
彼樂為自樂故是故菩薩所有施果
皆應布施一切眾生大悲作如是教

授偈曰

輕財而以施 來多後來好 不用而自來
還用屢轉施

釋曰此偈教行財財施若人厭財而
行施者是人雖不欲財而財自來極
廣極妙道理如此以大心故若有如
此還用布施是則資財來而復來菩
薩則施而復施何以故非求自樂欲
今施施無窮故偈曰

悲者以大悲 盡施及常施 應作如是施
慎勿求施果

釋曰此偈教行無間施應知偈曰
若我下樂施 施果不施時 施無一刹那
以無施受故

釋曰此偈教行無厭施應知偈曰
不作不與果 與果與作者 是汝觀思過
與我不相似

釋曰此偈教行捨恩施菩薩語施云
若人行汝者汝方與果是汝待報恩
過失我則不介是汝不與我相似復
次若人行汝者汝但與此人果汝則
是待報恩者我則不介所行施果與
一切眾生是汝不與我相似已說大

悲教施次說大悲行施偈曰

無障及淨句 利彼亦自量 無求與無著
悲者如是施

釋曰無障者謂不奪他物行施故淨
句者以如法財行施謂不以毒物兵
杖酒等施故利彼者以施攝他時置
於善根故自量者不令自眷屬有乏
少故無求者謂前眾生或無心求或
無口求見彼乏少自然而施及不簡
福田故無著者不求報恩及以果報
故偈曰

盡廣勝常喜 離者亦清淨 迴向於二處
菩提及善根

釋曰盡者內外物施故廣者多物施
故勝者妙物施故常者恒施故喜者
離瞋施故謂乞求者作不饒益時忍
而喜施離著者無怖畏故如前无著
說清淨者以如法故如前淨句說迴
向菩提者迴向大菩提故迴向善根
者迴向隨順善根器故已說大悲行
施次說大悲受用差別偈曰
有財而自用 及用施眾生 得喜施喜勝
三樂養心故

釋曰菩薩自受用財生喜及用財布施眾生生喜二喜相比施喜為勝何以故三樂養心故三樂者一布施喜二攝他喜三菩提聚滿足喜已說大悲受用差別次說大悲增長諸度偈曰慳惡順放逸緣著及邪著如是六蔽者悲令六度增

釋曰慳者少物不能捨故惡者破戒及惱他故瞋者於少不饒益起大瞋故放逸者於諸善法不勤行故緣著者五欲亂心故邪著者外道無慧故如是住六蔽者大悲憐愍為說過失今六波羅蜜而得增長說大悲增長諸度已此大悲從四緣生亦應顯亦偈曰苦樂不苦樂 因力及善友 自體相續流 大悲四緣義

釋曰苦樂不苦樂者顯亦緣緣具緣三受三苦俱起悲故問捨受云何苦答由行苦故因力者顯亦因緣善友者顯亦增上緣自體相續流者顯亦次第緣問大悲如是生已云何得平等偈曰

行相及思惟 隨順與離障 不得亦清淨

六義悲平等

釋曰大悲平等有六種一者行相平等由三受位眾生平等知是苦故二者思惟平等由平等憐愍故三者隨順平等由平等救濟故四者離障平等由平等不惱故五者不得平等由自他及悲三輪平等不可得故六者清淨平等由八地無生忍時平等得故問如是別說大悲已此四梵住云何修習得令無上偈曰

慈等令無上 自意修亦五信心通方便 和合如前說

釋曰如前供養諸佛親近善友皆由五種自意修習得令無上梵住亦由淨信者於大乘經說梵住處生淨信故由深心者以九種心修梵住故由神通者依虛空等定而修習故由方便者依無分別智所攝故由和合者以一果入一切果故梵住品究竟大乘莊嚴論卷第九

癸卯歲高麗國大藏都監奉 勅形造

大乘莊嚴論卷第十

父

無著菩薩造

大唐天竺三藏波羅頗蜜多羅譯

覺分品第二十一之一

釋曰諸菩薩有著相善義對如此中應說偈曰

治障及合智 緣境亦成生 菩薩有著相 如是四差別

釋曰此偈顯亦菩薩有著有四種相一自性二伴類三境界四作業治障者謂離無著此即是著自性合智者與無分別智相應此智是著伴類緣境者菩薩以小無障眾生為可著境即是聲聞緣覺小者對大乘故無障者破煩惱障故成生者菩薩有著以建立眾生為業此是有著四種相問諸菩薩有著於何行中起偈曰 菩薩於六度 障增及治滅 不勤亦勤行 於此有著起

釋曰諸菩薩於四事中極生著耻一者於諸度障增時極生著耻二者於諸障治滅時極生著耻三者修諸度

大華嚴經疏卷第二

懈怠時極生著耻四者隨順煩惱法勤行時極生著耻所謂諸根常開而不禁守問菩薩有著種差別云何偈曰六品及二品七地與二乘亦似則為下反此應知上

釋曰六品者不定地中前六品有著為下二品者諸定地中前二品有著為下七地者菩薩十地中前七地有著為下二乘者謂下心眾生有著為下由有增上慢故亦似者謂未得無生忍菩薩彼有著亦為下翻此諸下有著應知即是諸上有著問何法是有著障及彼障有幾過失偈曰無著惑不斷三害及六呵墮難退苦三如前十二失

釋曰無著者是菩薩有著障若有此障則煩惱不斷煩惱不斷則先生三害一自害謂不正思惟由自惱故二他害謂瞋及捨由惱他故問瞋者惱眾生可舍捨者云何惱眾生答菩薩應化眾生捨而不化是謂為惱俱害者謂破尸羅由惱自他故起三害已即於現法得六呵責由疑悔失利失

大華嚴經疏卷第二

護棄捨治罰惡名故隨其次第得六種呵責所謂自呵責乃至十方人呵責如是已後復有三種過失生一退墮諸難處二退失已得未得善法三從彼生大苦受是謂無著生十二種過失問已知障及過失何者是有著功德偈曰

此等一切惡菩薩若有著當知一切盡起彼對治故天人聰慧生速滿於二聚成生不退轉離不離為果

釋曰初偈顯亦有善離過功德如前過失菩薩有著一切不有故後偈顯亦有著集得功德具足聚集五勝果故天人聰慧生者是得果報果謂常生天上及以人中恒得聰慧故速滿於二聚者是得增上果謂得大菩提二聚故成生不退轉者是得丈夫果丈夫所作故離者是得相離果離彼障故不離者是得依果一切生處不離彼障對治故問有著功用譬喻云何偈曰

有衣翻有垢凡夫無慚故天衣更無垢菩薩有慚亦菩薩慚具足如空不可汙

大華嚴經疏卷第二

欲勝諸菩薩亦以慚莊嚴譬如慈母愛護護眾生然觀生及化生此事由慚起釋曰此中第一偈顯亦慚如衣服何以故有慚者過垢不能汙故第二偈上半顯亦慚如虛空何以故有慚者雖值世間八法不被染故第二偈下半顯亦慚如莊嚴何以故有慚者端正勝餘菩薩故第三偈顯亦慚如慈母何以故有慚者擁護生死一切過失如為馬軍觀生化生由此起故衣服顯慚能對治染著八法莊嚴顯慚能隨順同行慈母顯慚能成熟眾生問菩薩行慚有何相偈曰不忍及不行亦忍及亦行當知此四種是說行慚相

釋曰此偈顯亦四種行慚相一不忍二不行三忍四行何以故有慚者於一切過惡有前二相不忍故不行故於一切功德有後二相忍故行故問云何慚著得無上偈曰

修習於慚著亦起五自意信法等別故無上如前知

釋曰如前知者於大乘經說慚著處生淨信故以九種深心修習故依虛空等定修習故由無分別智攝故以一果入一切果故已說菩薩有善次說菩薩無畏偈曰

諸菩薩無畏體相及差別堅固與殊勝今當次第解

釋曰菩薩無畏有四義解釋一體相二差別三堅固四殊勝問體相云何偈曰

進定慧三起勇健勤猛作是說無畏相亦顯於衆名

釋曰精進禪定般若此三若起是無畏體相勇健勤猛此四顯無畏衆名問此三於何行中無畏偈曰

諸有所作中下動愚則畏離三三決定是名無畏安

釋曰菩薩於諸所作中其心若下若動若愚則生怖畏何以故下心者於彼無勤修故動心者於彼心不住故愚心者於彼無方便故彼三對治隨其次第即是精進禪定般若若是故精進等三若得決定則名無畏問云何

決定答此三對治任運現前是名決定問已說體相云何差別偈曰

自性大願不願及不退聞深亦能化置彼於佛身亦行諸苦行不捨於生死生死不能淅此十是差別

釋曰此二偈隨其次第說無畏有十種差別一者自性謂性成就得無畏故二者大願謂發菩提心得無畏故三者不願謂勤自利時不顧身命得無畏故四者不退謂勤利他時有違逆者得無畏故五者聞深謂聽實義時得無畏故六者能化謂離化衆生以通力化得無畏故七者置彼於佛身謂建立衆生於大菩提得無畏故八者亦行諸苦行謂行種種難行苦行得無畏故九者不捨生死謂故意受生得無畏故十者生死不能淅謂淅淅不淅得無畏故問已說差別云何堅固偈曰
惡朋及重苦聞深不能退譬如猛起風不動須彌海
釋曰菩薩無畏於三緣得不動一遇惡朋二遭重苦三聞深法譬如猛起風不動須彌海

振羽不能蕩海攝山彼之三緣不能動菩薩心亦復如是是故菩薩無畏得堅固問已說堅固云何殊勝偈曰
諸說無畏中菩薩無畏上相異堅殊勝與彼不相似

釋曰由前三義勝故菩薩無畏於諸說無畏中取為殊勝已說菩薩無畏次說菩薩不退偈曰

不退諸菩薩品類有三事於聞進苦故慚勇為依止欲樂大菩提是說不退性未成極成差別諸地顯

釋曰此二偈顯亦不退品類依止自性差別彼品類有三種一聞法無厭不退二恒大精進不退三生死苦惱不退依止有二種一慚二勇有慚者不退退者可羞耻故有勇者不退退者非猛健故自性謂欲樂大菩提欲樂若迴即得退故差別有三種一未成謂信行地菩薩不退二成謂初地至七地菩薩不退三極成謂八地已上菩薩不退已說菩薩不退次說菩薩知法偈曰
知法知法業知相知無盡得果及二門

成生亦住法

六非在教論第十卷 第九段 父

釋曰知法者謂知五明處一內明二因明三聲明四醫明五巧明知此五論是謂知法知法業者謂知自利利他以此為業知內論者為自修及為他說知因論者為中已義及屈他義知聲論者為自善音令他信受知醫論者為除他疾知巧論者為令他解知論相者謂知此五論得有五因是菩薩知論相一聞得二持得三誦得四思得五通得菩薩先於論有聞聞已受持持已習誦誦已正思思已通達通達者知此是功德此是過失此是善語此是惡語知无盡者謂如此知乃至無餘涅槃亦無盡故得果者謂自知得一切種智故二門者一三昧門二陀羅尼門知論菩薩以三昧門成熟衆生隨彼化攝故以陀羅尼門成熟佛法隨所得法皆能持故已說菩薩知法次說菩薩知世間偈曰身知亦口知及以實諦知菩薩知世間寂勝餘無等

釋曰菩薩有三種知世間一身知世

間二口知世間三諦知世間問云何身知云何口知偈曰

大非在教論第十卷 第九段 父

身知則舒顏口知則先語為今成器故正法隨修行

釋曰舒顏者謂悲怡歡笑此是身知世間先語者謂慰問讚美此是口知世間問此知何所為答為今成器故問今成何器答正法隨修行今成此器故問云何諦知世間偈曰

二知知世生二知知世滅為息復為得諦知勤修行

釋曰二知知世生者知苦集二諦則知世間常生由生及生方便故二知知世滅者知滅道二諦則知世間可滅由滅及滅方便故問知諦世間復何所為答為息復為得諦智勤修行息者苦集諦得者滅道諦諸菩薩為息苦集諦為得滅道諦故觀諸諦修智具足如是知世間即是知世間業已說菩薩知世間次說菩薩修習四量偈曰

能詮及義了義亦無言當知此四種是說四量相

釋曰能詮者如來所說十二部經此法為量非人為量義意者謂文中所以此義為量非語為量了義者謂世間可信及佛所印可此了義為量非不了義為量無言者謂出世證智此智為量非識為量問世尊何故說此四量偈曰

大非在教論第十卷 第十段 父

謗法及非義邪思與可言遮此四事故次第說四量

釋曰說能詮法為量遮謗說人說義意為量遮非義文句說了義為量遮邪思倒解說智為量遮可言智問依此四量有何功德偈曰

信心及內思正聞與證智菩薩不可壞依量功德

釋曰依第一量則信心不可壞依第二量則正思不可壞依第三量則正聞不可壞依第四量則世智不可壞已說菩薩修習四量次說菩薩四無尋解偈曰

於門相言智通達無比倫此即是菩薩四種無尋解

釋曰第一者謂知門智能知義中所

有名門差別故第二者謂知相智能
知此義屬此名故第三者謂知言智
能知異土言音故第四者謂知智智
能知自能說法故知此四種是無尋
解偈曰

能說及所說說具合三事 四二復二種
次第三事因

釋曰能說所說說具此三事各有因
緣能說有四因緣一教授智二成熟
智三聚滿智四今覺智所說有二因
緣一法二義四智於此二有用故說
具有二因緣一言二智由此二得成
說故偈曰

舉法及釋法令解與避難 建立四無礙
以是義應知

釋曰舉法者以門故釋法者以相故
今解者以言故避難者以智故應知
此中以所說法及義以說具言及智
次第建立四無礙解問云何名無礙
解無尋解有何業偈曰
內證及外覺故稱無尋解能斷一切疑
此即是彼業

釋曰此偈上半立名下半顯業名者

由諸菩薩初以出世間智內證諸法
得平等如解後以後得世智外覺諸
法門差別由此道理故名無尋解
業者復由此解能斷一切衆生一切
疑網此名為業已說菩薩四元尋解
次說菩薩二聚功德偈曰
福智為二聚勝報亦不汙一切諸菩薩
勝相皆如此

釋曰福智為二聚者二聚謂福聚及
智聚勝報亦不汙者諸菩薩由福聚
故於生死中作勝報成就因由智聚
故於彼勝報作不汙汙因是故菩薩
勝相無等問二聚攝六度云何偈曰
初二為福體第六即是智餘三三聚因
立亦成智聚

釋曰初二為福體者應知施戒二波
羅蜜為福聚體第六即是智者應知
般若波羅蜜即為智聚體餘三三聚
因者應知忍辱精進禪定三波羅蜜
通為二聚因由俱作故五亦成智聚
者復由般若能迴向故一切諸波羅
蜜皆成智聚問云何名聚云何聚業
偈曰

正修及數修資善名為聚 自利與他
成就則名業

釋曰此偈上半釋名下半顯業名者
三婆羅名為聚三者正修義婆羅者
數修義由正修及數修善法則得資
長由資長故名聚業者由此聚故則
能成就自他二利是名為業問二聚
種差別云何偈曰

入地入無相及入無功用 受職并究竟
二聚次第因

釋曰此中種差別者彼信行地聚為
入地因六地中聚為入無相因無相
者第七地所攝聚彼相不起故第七
地聚為入無功用因第八第九地聚
為入受職因第十地聚為入究竟因
究竟者佛地所攝故已說菩薩二聚
功德次說菩薩修習四念處偈曰
依止及對治入諦與緣緣作意并至得
隨順亦隨轉覺境及受生限極將取上
長時與後證勝修十四種
釋曰此二偈明菩薩四念處有十四
種勝修一依止勝修二對治勝修三
入諦勝修四緣緣勝修五作意勝修

大華嚴經第十卷 第三十四

六至得勝修七隨順勝修八隨轉勝修九覺境勝修十受生勝修十一限極勝修十二寂上勝修十三長時勝修十四後證勝修依止勝修者謂依大乘經起聞思修慧為自體故對治勝修者謂能對治不淨苦无常無我法想四倒由入身等法無我故入諦勝修者謂如其次第次第入苦集滅道諦故自入他入如中邊分別論說緣緣勝修者謂緣一切衆生身等為境界故作意勝修者謂身等不可得故至得勝修者謂身等不離不合故隨順勝修者謂得諸障對治能對治彼障故隨轉勝修者謂凡夫二乘所脩念處亦攝隨轉為教授故覺境勝修者謂知身如幻色相似故知受如夢皆非覺故知心如空自性淨故知法如客客謂纏垢譬如虛空有烟雲塵霧故受生勝修者謂故意受生成就轉輪王等軍勝身受心法亦不添故限極勝修者謂修下品念處亦過餘人修取上品自性利故取上勝修者謂能不作功用惣別修習四念

大華嚴經第十卷 第三十五

處故長時勝修者謂修至無餘涅槃亦無盡故後證勝修者謂十地及佛地中皆可得故已說菩薩修習四念處次說菩薩修習四正勤偈曰
三捨及入地住寂與得記成生亦受藏淨土并圓滿

釋曰菩薩為對治四念處障故修習

四正勤若廣說此對治則有十種差別由對治十行障故十行者一捨著行謂受有中勝報而不染著二捨蓋行謂離一切障蓋三捨下行謂離二乘作意四入地行謂入初六地五住寂行謂入第七地六得記行謂入第八地七成生行謂入第九地八受職行謂入第十地九淨土行謂入第八九第十三地十圓滿行謂入佛地菩薩為對治此十行障故修習四正勤是為廣說差別問此十差別修義云何偈曰

依止於欲故起勤起精進攝心與正持十治修如是

釋曰修義者謂依欲起勤依勤起精進攝心正持是名修義此中有平等

大華嚴經第十卷 第三十六

修有有相修有精進修平等修者由正勤能令止觀平等故有相修者由止舉捨三相合修故精進修者為斷止觀中沒掉二障起精進故問云何起精進答謂攝心及正持攝心者謂奢摩他正持者若心平等則如是住如是正持以此三修修前十行是名修正勤已說菩薩修習四正勤次說菩薩修習四神足偈曰
分別四神足略以三事解依止及方便亦成就應知

釋曰此中略以三事分別四神足一依止二方便三成就問云何依止偈曰禪定所依止差別有四足十欲二精進三心四思惟

釋曰應知禪波羅蜜所依止有此四足差別問云何方便偈曰

起作及隨攝繫縛并對治隨次八前行三一二二成

釋曰起作及隨攝繫縛并對治者方便亦有四種一起作方便二隨攝方便三繫縛方便四對治方便問此四種方便各以何等行成答隨次八斷

行三一二成八斷行者一信二欲
三勤四捨五念六智七思八捨此中
隨其次第以信欲勤三行成立起作
方便由信起欲由欲起勤如是次第
故以捨一行成立隨攝方便由捨息
已定得生故以念智二行成立繫縛
方便由正念故心於定中不離所緣
由正智故心離所緣覺已隨攝以思
捨二行成立對治方便由思故對治
沒纏由捨故對治掉纏此二是諸煩
惱對治故問云何成就偈曰
能見及能授遊戲亦遊願自在并得法
成就此六種

釋曰六成就者一能見成就二能授
成就三遊戲成就四遊願成就五自
在成就六得法成就就能見成就者謂
五眼內眼天眼慧眼法眼佛眼此成
就故能授成就者謂六通依此能教
授故如其次第身通往彼所天耳通
聞其音而為說法他心通知障有無
為之除斷宿住通知過去行借力令
知使其生信天眼通知死此生彼令
其生厭渴盡通為之說法令得解脫

遊戲成就者此有多種謂變化等諸
定遊願成就者謂入願力遊諸願果
謂放光發聲等此不可數廣如十地
經說自在成就者謂十自在亦如十
地經說得法成就者謂得力無所畏
及不共法已說菩薩修習四神足次
說菩薩修習五根偈曰
覺行聞止觀信等根所緣增上是根義
成就利益故

釋曰信根以菩提為所緣進根以菩
薩行為所緣念根以聞大乘佛法為所
緣定根以奢摩他為所緣慧根以如
實智為所緣問云何是根義答此信
等於所緣增上故名為根能成就利
益故已說菩薩修習五根次說菩薩
修習五力偈曰

應知信等根 垂入於初地 如前五根障
能羸故名力

釋曰此中五根臨入初地時能令不
信慳怠失念亂心無知羸劣故名為
力已說菩薩修習五力次說菩薩修
習七覺分偈曰

菩薩入初地 建立於覺分 諸法及眾生

於此得平等
釋曰諸菩薩入初地時覺彼法故建
立覺分問云何覺答於一切法及自
他身得平等解如此名覺如其次第
法無我及人無我故偈曰
辟如輪王行 七寶為先導 菩薩趣正覺
七分常圓滿

釋曰此明諸菩薩七覺分與轉輪聖
王七寶相似問何分與何寶相似偈曰
念伏於諸境 擇法破分別 進速無餘覺
明增喜遍身 障盡荷而樂 諸作從定生
隨時所欲住 棄取皆由捨

釋曰第一念覺分與輪寶相似未降
國土輪能降故未伏境界念能伏故
第二擇法覺分與馬寶相似諸國勅
敵為能摧故分別勝怨擇能破故第
三精進覺分與馬寶相似大地闊濶
馬速窮故真如極際進速覺故第四
喜覺分與珠寶相似珠光燭幽王歡
極故法明破暗心喜滿故第五荷覺
分與女寶相似王受快樂女摩觸故
智脫障惱荷息惡故第六定覺分與
藏目寶相似王有所須從臣出故智

大乘莊嚴經論第十卷 第三節 又
有所用從定生故第七捨覺分與兵
寶相似主兵閱眾棄弱取強隨轉輪聖
王所住不疲倦故菩薩修行棄惡取
善隨無分別智所住無功用故成立
七覺分與七寶相似其義如此偈曰
依止及自性 出離與功德 第五說不滌
此分有三種

釋曰七覺分如其次第念是依止分
一切菩提分依此而行故擇是自性
分一切菩提以此為自體故進是出
離分以此能令菩薩至究竟故喜是
功德分以此能令心樂滿故捨定捨
三是不滌分荷是不滌因故定是不
滌依止故捨是不滌自性故已說菩
薩修習七覺分次說菩薩修習八正
道分偈曰

一轉如前覺 立分二亦然 次三業淨
後三三障斷

釋曰一轉如前覺者第一分如前位
中如實覺後時隨轉說名正見立分
二亦然者第二分如前位中自所立
分而解入佛經中如佛所立為他分
別名正思惟次三三業淨者次三謂

大乘莊嚴經論第十卷 第三節 又
正語正業正命三業謂語業身業俱業
如其次第以次三正攝此三業故後三
三障斷者後三謂正勤正念正定三
障謂智障定障自在障如其次第以
後三正治此三障由修正勤長時不
退屈故智障斷由修正念掉沒無體
故定障斷由修正定勝德成就故自
在障斷如是建立八正道分應知
大乘莊嚴經論卷第十

癸卯歲高麗國大藏都監奉
勅彫造

大乘莊嚴經論卷第十一

父世

無著菩薩造

大唐天竺三藏波羅頗蜜多羅譯

覺分品第二十一之二

釋曰已說菩薩修習道分次說菩薩
修習止觀偈曰

安心於正定 此即名為止 正住法分別
是名為觀相

釋曰安心於正定此即名為止者謂
心依正定而不見心非無正定而立

止故是名止相正住法分別是名為
觀相者謂依正住分別法體是名觀

相問此二行云何修偈曰

普欲諸功德 是二患應修 一分非一分
修有單雙故

釋曰普欲諸功德是二患應修者若
人遍欲求諸功德是人於止觀二行

患應修習如經中說佛告諸比丘若
有所求太何今得諸比丘離欲離惡

不善法乃至廣說諸比丘有二法應
須修習所謂止觀一分非一分者一

分謂或止或觀非一分謂止觀合問

何故答修有單雙故單修者一分或止修或觀修雙修者非一分謂止觀合修問此二行云何種差別復云何業偈曰

能通及能出無相亦無為淨土及淨果是二即為業

釋曰此偈上半明種差別下半明業此二法在信行地名依止修若入大地復有四種差別一能通修謂入初地二能出修謂入乃至六地於彼六地出有相方便故三無相修謂入第七地四無為修謂入後三地作功用修名有為後三地不作功用故名無為此五是種差別淨土者依後三地修淨土行淨果者作轉依行此二淨即是彼業已說菩薩止觀次說菩薩修習五種巧方便偈曰

自熟與成生遠果并作業生死道不絕說此為五巧

釋曰五種巧方便者一自熟佛法以無分別智為巧方便二成熟衆生以四攝法為巧方便三速得菩提以懺悔隨喜請轉法輪生起勝願為巧方

便四作業成就以二門為巧方便二門者謂陀羅尼門及三昧門以此二門能成就利益衆生業故五生死道不絕以無住處涅槃為巧方便問云何巧差別云何巧業偈曰

菩薩巧無等差別依諸地能成自他利說是名為業

釋曰此偈上半明巧差別下半明巧業差別者此五方便於諸菩薩寂上無等何以故於諸地中不與二乘共故是故差別業者能成就自身他身一切利益是名為業已說菩薩巧方便次說菩薩陀羅尼偈曰

業報及聞習亦以定為因依止此三行持類有三種

釋曰陀羅尼品類有三種一報得由先世業力得故二習得由現在聞持力而得故三修得由依定力得故問云何種差別偈曰

二小一為一大復三種地前與地上不淨及淨故

釋曰二小一為大者於彼三種品類中報得及習得應知此二為小修得

者應知此一為一大復三種者於彼大種類中應知復有三種謂震中上未入地菩薩所有為震已入不淨地菩薩所有為中謂初七地入清淨地菩薩所有為上謂後三地問云何業偈曰

應知諸菩薩恒依陀羅尼開法及持法作業皆如是

釋曰此中應知諸菩薩依止陀羅尼恒開示妙法及常受持以此為業已說菩薩陀羅尼次說菩薩起諸願偈曰

思欲共為體智獨是彼因諸地即為地二果亦為果應知差別三種種大清淨此業有三種自利與利他

釋曰此二偈以六義分別諸願一自性二因三地四果五差別六業彼思欲相應共為自性以智為因諸地為地

二果為果謂即果及未來果以諸願為因心得遂故心遂者如心所欲皆成就故又以願力遊諸願果所謂身放光明口發音響乃至廣說差別有三種一種種謂信行地願如是如是欲得

大希羅論第二卷 第五父

故二廣大謂入地菩薩十大願故三
清淨謂後後諸地轉轉清淨乃至佛
地極清淨故是名差別彼業二種一
自利成就二利他成就就是名為業已
說菩薩諸願次說菩薩修習三三昧
偈曰

應知二無我 及以二我依 二依常寂滅
三定所行境

釋曰三三昧有三種所行一人法二
無我是空三昧所行二彼二執所依
五取陰是無願三昧所行三彼依果
竟寂滅是元相三昧所行彼三種所
取體為三種境界彼三種能取體為
三種三昧是名三三昧問三三昧名
義云何偈曰

空定無分別 元願寂背生 無相恒樂得
彼依常寂滅

釋曰空定無分別者無分別義是空
三昧義由人法二我不分別故無願
寂背生者寂背義是無願三昧義由
寂背我執所依故無相恒樂得彼依
常寂滅者樂得義是無相三昧義由
樂得彼所依畢竟寂滅故問三三昧

云何起偈曰

應知及應斷 及以應作證 次第空等定
修習有三種

釋曰應知及應斷及以應作證者應
知謂人法二無我應斷謂二我執所
依應證謂彼依畢竟寂滅次第空等
定修習有三種者此中為知人法二
無我故修空三昧為斷彼二執所依
故修無願三昧為證彼依畢竟寂滅故
修無相三昧已說菩薩修習三三昧
次說菩薩四法憂陀耶偈曰
如前三三昧 四印為依止 菩薩如是說
為利群生故

釋曰四法印者一者一切行無常印
二者一切行苦印三者一切法無我
印四者涅槃寂滅印此中應知元常
印及苦印為成無願三昧依止無我
印為成空三昧依止寂滅印為成無
相三昧依止菩薩說此四印為三三
昧依止皆為利益諸衆生故問何等
是元常義乃至何等是寂滅義偈曰
無義分別義 不真分別義 自諸分別義
是名四印義

釋曰此中諸菩薩以無義是元常義
由分別相畢竟常無故以分別義是

元我義由分別相唯有分別此二是分
別相由無體故不真分別義是苦義
由三界心心法為苦體故此是依他
相息諸分別義是寂滅義此是真實
相復次應知依他相復以剎那剎那
壞為元常義問云何成立剎那壞義
偈曰

由起及從因 相違亦不住 無體與相定
隨轉并滅盡 變異固亦果 執持與增上
隨淨及隨生 成義有十五

釋曰此二偈以十五義成立剎那剎
那滅義一由起二從因三相違四不
住五無體六相定七隨轉八滅盡九
變異十固十一果十二執持十三增
上十四隨淨十五隨生由此十五義
剎那壞義可得成立第一由起者諸
行相續流名起若無剎那剎那滅義
而有諸行相續流名起者不然若汝
言物有變時住後時先者滅後者起
名相續者則無相續由變住時後起
三改第二從因者凡物前滅後起必

藉因緣若離因緣則無體故若汝言彼物初因能生後時多果者不然初因作業即便滅盡豈得與後諸果作因若汝言初因起已更不起者建立此因復何所用若汝言起已未滅後時方滅者彼至後時誰為滅因第三相違者若汝復執是能起因復為滅因者不然起滅相違同共一因無此理故辟如光暗不並冷熱不俱此亦如是是故起因非即滅因若如汝執諸行起已非即滅者則違阿含及道理連阿含者佛語諸比丘諸行如幻是壞滅法是變時法剎那不住違道理者諸修行人於諸行生滅中思惟剎那剎那滅若不如是於臨終時見彼滅相則無厭惡離欲解脫是則同餘凡夫第四不住者若汝言諸行起已得有住者為行自住為因他住若行自住何故不能恒住若因他住彼住元體何所可因二俱不全是故剎那剎那滅義得成第五無體者若汝執住因雖無壞因未至是故得住壞因若至後時即滅非如火變黑鐵者不

然壞因畢竟無有體故火變黑鐵我無此理鐵與火合黑相相似滅亦相似起能立亦相似起是火功能實非以火變於黑鐵又如煎水至極少位後水不生亦非火合水方無體第六相定者佛說有為法有為相一向決定所謂無常汝執諸行起已非即滅者是有為法則有少時而非无常便墮非一向相第七隨轉者若汝言若物剎那剎那新生者云何於中作舊物解應說由相似隨轉得作是知辟如燈焰相似起故起舊燈知而實差別前體無故第八滅盡者若汝言云何得知後物非前應說由滅盡故若住不滅則後剎那與初剎那住無差別由有差別故知後物而非前物第九變異者若汝言物之初起非即變異者不然內外法體後邊不可得故由初起即變漸至明了辟如乳至酪位酪相方現而變體微細難可了知由相似隨轉謂是前物以是故剎那剎那滅義得成第十因者若汝許心是剎那滅彼心起因謂眼色等諸行彼果

剎那滅故因亦剎那由不可以常因起无常果故第十一果者彼眼等諸行亦是心果是故剎那滅義得成由不可以無常因起常果故第十二執持者若汝言云何得知眼等諸行亦是心果應說由心執持得增長故第十三增上者又如佛說心將世間去心牽世間來由心自在世間隨轉識緣名色此說亦尔故知諸行是心果第十四隨淨者淨是禪定人心彼人諸行隨淨心轉如經中說修禪比丘具足神通心得自在若欲今本為金則得隨意故知諸行皆是心果第十五隨生者如作罪衆生所得外物一切下劣作福衆生所得外物一切妙好故知諸行皆是心果因是剎那果非剎那無此道理由因自在故如是惣成立一切內外諸行是剎那已次別成立內法是剎那偈曰
初起及續起 長起及依起 變起與熟起
劣起亦勝起 明起無明起 及以異處起
種起無種起 像起十四起
釋曰此二偈以十四種起成立內法

大舍嚴論第十卷 第三十二

諸行是剎那義一者初起謂最初自體生二者續起謂除初剎那餘剎那生三者長起謂眠食梵行正受長養故生四者依起謂眼等諸識依止眼等根生五者變起謂貪等染汙令色等變生六者熟起謂成胎嬰兒童子少壯中年老位等生七者劣起謂諸惡道生八者勝起謂諸善道生九者明起謂欲界後二天及色界無色界一切天生十者無明起謂除前明處所餘諸處生十一者異處起謂此處死彼處生十二者種起謂除阿羅漢軍後五陰生十三者元種起謂前所除軍後五陰生由後生種子無故十四者像起謂入解脫禪者定自在力故諸行像生問復以何因成立此十四種起偈曰

大舍嚴論第十卷 第三十二

死九隨心第一續異者此因成立第一初起若取初起時因體無差別者則後時諸行相續而起亦無差別因體無差別故由因有差別故後餘諸行剎那得成第二斷異者此因成立第二續起若一剎那無差別因者則後時斷差別亦不可得由斷有差別故諸行剎那此義得成第三隨長者此因成立第三長起能令諸行圓滿故名為長若無剎那而有諸行長養者不然由彼住故若諸行得住則不得漸大圓滿非謂長養第四隨依者此因成立第四依起若執能依不住所依得住者不然如人乘馬人去馬不去無有此理如是識依於根識有剎那依無剎那不然亦第五住過者此因成立六起謂變起熟起劣起勝起明起無明起成立變起熟起者若執諸行初起即住不減者不然無變起故謂貪等變色永不可得由初無變後亦亦故若初元變後諸熟位亦不可得由先有變後方熟故成立劣起勝起剎那亦亦若執諸行得住

大舍嚴論第十卷 第三十二

而有善惡黨習次第與果者不然諸行不住次第相續各得與果此義可亦成立明起無明起剎那亦亦若諸行得住則明起亦無不住則有由心轉故無無明起亦亦後時元變異故第六去過者此因成立第十一異處起若執諸行往餘處名去者不然我今問汝諸行去作為起已將諸行往餘處為不起將諸行往餘處若起已將往者此處起已餘處不起此即是住而言去者是義相違若不起將往者不起則本來無去而言去者此語無義又復若諸行去作住此處即作所作今諸行去是亦不然住則不得到餘處故若諸行到餘處方作所作是亦不然無有離去而有諸行到餘處故若此處住若餘處住離諸行外畢竟求作不可得是故不異諸行相續而有去作去既無體則剎那義成若汝言若實無去云何世人見去應說由無間相續假說名去實無去體若汝言復有何因諸行得相續去應說因緣元量有心力自在如威儀等

去有宿業自在如中陰中去有手力自在如放箭擲石去有依止自在如乘車乘船去有使力自在如風吹物去有自體自在如風性傍去火性上去水性下去有術力自在如依呪依藥在空而去有磁石自在能令鐵去有通力自在如乘通去如是等有無量因緣能令諸行相續假說名去是義應知第七無住者此因成立第十二種起若諸行得住餘時更有種子起者不然剎那剎那無餘因故若諸行不住後種子起是義可然第八有死者此因成立第十三無種起若無剎那而有死時無種起者不然先有種起後命終時方無種起是亦不然由二剎那因無體故是故死心剎那不可得成第九隨心者此因成立第十四種起由心自在剎那剎那彼像得起若無剎那而像得起無此理故問如是別成立內有為法剎那已復有何因能成立外法四大及六種造色是剎那耶偈曰

由滋及由涸 性動增亦減 二起與四變

新力及漸微亦說隨心起及以難問成一切諸外法無非剎那體

釋曰此二偈以十四因成立外法是剎那水有二因一滋二涸若無剎那水或時滋長或時乾涸不可顯現若人作如是問既無剎那水有何因而滋復有何因而涸彼則不能答今見水有滋涸故知剎那是水滋涸因風有三因一性動二增盛三減息若風性住則無動時行無體故亦无增盛亦無減息由彼住故地有六因謂二起四變二起者由水由風地起可得謂劫生時彼地是水風果故知地亦是剎那四變者由四所作地變可得一業力所作由衆生業力有差別故二人切所作由掘鑿等故三諸大所作由火水風故四時節所作由時改轉異相現故若無剎那四變不可得因無體故如地有六因知是剎那色香味觸六因亦亦是故亦是剎那火有一因所謂薪力薪力火增故火得起已共火起薪即不得住火燒薪已火亦不住若火不由薪後時無薪火

應久住由隨同義故火聲在後說聲有一因所謂漸微聲如鐘聲後時漸微可得若無剎那後時小聲無可得理法入色有一因謂隨心起如受戒時隨心下中上起心因剎那故彼果亦剎那是故外法剎那亦成復次惣由難問故我今問汝何故欲得諸行無常不欲得諸行剎那滅若汝言二剎那滅不可知者不然聲如燈焰於不動位彼剎那亦不可知汝何故不欲令彼體無剎那若汝言燈焰體有剎那細故不可覺者諸行亦何故不欲令有剎那若汝言燈焰與諸行不相似者不然不相似有二種一自性不相似二時分不相似若此自性不相似者此聲得成非自體為聲故非如以燈喻燈以牛喻牛聲則不成若取時分不相似者此聲亦成由燈焰及諸行皆剎那相似故若非剎那聲則不成今更問汝如人乘乘其乘住時其人去不答不若尔者所依根住能依識去亦無道理若汝言何故現見燈焰念念滅燈柱如是住應說

大乘莊嚴論第十卷 第七十九

汝見非見由炷相續剎那剎那有埵
有起汝不如實知故若汝言諸行剎
那如燈焰者世人何故不知應說由諸
行是顛倒物故相續剎那隨轉此不
可知而實別別起世人謂是前物生
顛倒知若不尔則無无常常倒倒體
若無染汙亦無復從何處而有解脫
由是難問則諸行剎那成成立元常
義已次成立無我義問人者為可說
有為可說無偈曰
人假非實有言實不可得顛倒及染汙
染因成立故
釋曰人假非實有者可說人是假名
有非實體有若如此則不墮一向執
離有無故問人是實有云何知無答
言實不可得由彼人不如色等有實
可得非覺智證故問人非覺智不證
佛又說我者現在可得汝言不可得
者不然答此言可得非實可得由顛
倒故佛說無我計我是名顛倒問云
何知是顛倒答由染汙故身見是染
汙所謂我我所執若不顛倒則非染
汙問云何知我執是染汙答染汙因

大乘莊嚴論第十卷 第七十九

故由我執為因貪等染汙得起是故
知是染汙問如汝所許於色等五陰
說人假有此人與陰為一為異偈曰
假人與實陰不可說一異若說一異者
則有二過生

釋曰假人與陰不可說一不可說異
若說一異二過則生二過者若說人
與陰一陰即是人及人是實若說人
與陰異陰雖非人人亦是實以是故
人是施設有一異不可說是故如來
止記論成偈曰
若執人是實一異應可說一異不可說
此說則無理

釋曰若人違大師教執有實人是實
人與陰一異則應可說而執與陰一
異不可說此說則無道理若汝言人
不可說如火與薪非異非不異者不
然偈曰
異相及世見聖說亦不然火薪非不說
有二可得故

釋曰異相者火謂火火薪謂薪火各
有別相是故火與薪異世見者世人
雜火見薪謂可燒木等亦薪薪見火

大乘莊嚴論第十卷 第七十九

如風吹焰去是故火與薪異聖說亦
不然者佛世尊無處說火之與薪一
異不可說是故汝執火薪一異不可
說此說無道理若汝言非離薪見火
風即是薪者不然有二可得故由火
之與風二相別故復次偈曰

二有故識起人緣則非義好滅及惡生
言生復非理

釋曰若人執人有實謂見者聞者覺
者識者食者知者說者若尔彼眼等
識起為以人為緣說人是作者為以
人是主說人是作者若以人為緣者
二有故識起人緣則非義由人於識
起中無有少力可見故若以人是主
者好滅及惡生言生復非理若人為
主已生所受識應畢竟今不滅不應
今滅未生不受識應畢竟今不生不
應今生以是故汝不應執人是見者
乃至識者復次偈曰

汝執實人中何業可成立無實強金寶
違佛三言提

釋曰若人是實有汝以何業可得成
立凡是實有必有事業如眼等淨

色以見等事業可得成立人無是等事業可得成立是故人非實有復次汝於無實人中強欲令有實人即違如來三種菩提一者甚深菩提二者不共菩提三者出世菩提若見實人則非甚深菩提則非不共外道菩提則非世間不習菩提是故此執是世間所取是外道善處是生死恒習復次若人是見者乃至識者眼等諸根為有功用為無功用若有功用為自然起為由人起問彼何所疑偈曰若用自然起即有三過生若以人為緣眼等則無用

釋曰若言眼等功用自然起者人於眼等不作事業則有三種過生若言以人為緣功用得起者眼等諸根則一向無有功用問何者是功用自然起三過偈曰

人非作者故用非常起故起非一時故自起則不然

釋曰若眼等功用不待人作自然而起則人非作者云何名見者乃至識者此是第一過失若眼等功用自然起

則應常起不應起時非常此是第二過失若眼等功用常起則起應一時六何不得並起此是第三過失由此義故若言自然起者不然問以人為緣復有何過偈曰

人住用先無人壞則人斷更有第三體為緣無此義

釋曰若言人住與功用為緣者人既常有何故功用先無後有是義不然若言人壞為緣者人壞則墮元常是亦不然若言更有第三不住不壞人為緣者無有此義如是依道理說實人不可得復次偈曰

諸法無我印及證真實空有我五過是故知無我

釋曰法印經中佛說一切法無我真實空經中佛說有業有報作者不可得捨前陰起後陰起滅唯法增五經中說若執有我有五過失一者墮於見處起我見命者見二者同於外道三者僻行邪行四者於空不欲不信不住五者聖法不得清淨如是依阿含說有實人亦不可得問若無實人

云何世尊處處經中而說有人謂知者負擔者及建立隨信行等人耶偈曰由依捺淨法位斷說有異行異相續異無實假說人

釋曰由依捺淨法及清淨法有位差別及斷差別故建立假人有差別若無假人差別則不可說有行差別及相續差別如知經中說何等諸法謂捺淨法何等為知謂清淨法如負擔經中說何者負擔謂捺淨法何者素擔謂清淨法若無行差別及相續差別則不可說此二法為知者負擔者菩提分法多位差別謂方便道見道將道究竟道若無行及相續差別則不可說彼菩提分法有隨信行等人差別由無實人約法差別可得假說以此道理故知所說但是假人若佛意不說是假人說實人則無用由起衆生我見故偈曰

不為起我見由見已起故無始已習故無用應解脫

釋曰佛不應為起衆生我見說有實人由衆生我見先已起故亦不為令

大乘莊嚴論卷第十三 義

衆生數習我見說有實人由衆生我見先已習故亦不為今我見衆生得解脫故說有實人一切無功用者皆應自然得解脫故以是故一切未見諦者有我見而無解脫非如苦體先時不見後時方見人不如是非先不見後時方見又如苦體先時不見後亦不見即無解脫人體亦先時亦見後時亦見則無解脫若實有我則決定有我所以從此二執即起我愛及餘煩惱如是則無解脫以是故不應欲得有實人以我見等過皆悉起故如是別說菩提分已次總結前義偈曰慚羞等功德菩薩常具足自利既不捨亦令他利成

大乘莊嚴經論卷第十三

癸卯歲高麗國大藏都監奉勅彫造

大乘莊嚴經論卷第十三

父

無著菩薩造

大唐天竺三藏波羅蜜多羅譯

功德品第二十二

釋曰已說菩薩諸覺分次說菩薩諸

功德偈曰

捨身及勝位忍下亦長勤不味不分別

六行說希有

釋曰此偈顯示行希有檀行者若能

施自身命則為希有餘非希有戒行者

若能棄捨勝位慕道出家則為希有

餘非希有忍行者若能不顧身命忍

於下劣衆生則為希有餘非希有精

進行者若能長時正勤乃至窮生死

際而不斷絕則為希有餘非希有禪

行者若能於勝定樂而不耽味不彼

受生則為希有餘非希有慧行者若

能起無分別智則為希有餘非希有

若聲聞人分別四諦而有厭離菩薩

則不介是名六種行希有偈曰

生在如來家得記并受職及以得菩提

四果說希有

大乘莊嚴論卷第十三 義

釋曰此偈顯示果希有菩薩有四種

果一者入初地時生如來家是須陀

洹果二者於第八地中而得授記是

斯陀含果三者於第十地中而得受職

是阿那含果四者佛地是阿羅漢果前

三是學果第四是無學果已說菩薩

希有次說菩薩非希有偈曰

離欲與得悲勝修及平等依此修諸度

是行非希有

釋曰若菩薩已得離欲而行布施非

為希有不染於物物易捨故若菩薩

已得大悲而持戒忍辱非為希有若菩

薩已得勝修謂第八地由無功用無

分別故行後三度非為希有若菩薩

已得自他平等心行一切諸度亦非

希有由利他時即如自利無有退屈

心故已說菩薩非希有次說菩薩平

等心偈曰

菩薩愛衆生不同生五愛自身與眷屬

子及諸親

釋曰此偈顯示菩薩於諸衆生得平

等心衆生有五種愛心不得平等一

愛自身二愛眷屬三愛兒子四愛朋

友五愛諸親由此五愛不得平等亦非畢竟如人或時亦行自害菩薩愛衆生心則平等由不捨不退故偈曰無偏及無犯 遍忍起善利 禪亦無分別六度心平等

釋曰此偈顯示菩薩行六度得心平等無偏者是布施心平等於諸求者不墮愛憎故無犯者是持戒心平等乃至微細戒行亦不缺故遍忍者是忍辱心平等普於勝劣衆生皆能忍故起善利者是精進心平等為起一切善根及起自他一切種利而勤行故禪亦者是學定心平等菩薩修定亦為起諸善根及為起諸利益而精進故無分別者是修慧心平等從初發心乃至究竟所行諸度皆三輪清淨故是名諸度心平等已說菩薩平等心次說菩薩饒益衆生事偈曰

今器及令禁 耐惡與助善 入法亦斷疑 六行饒益事

釋曰此偈顯示諸菩薩以六波羅蜜饒益諸衆生今器者以施饒益令彼得成修善器故令禁者以戒饒益隨

其堪能而令持故耐惡者以忍饒益能受衆生違逆事故助善者以進饒益佐助衆生營善業故入法者以定饒益迴邪入正通力能故斷疑者以智饒益若凡若聖所有疑網皆除故已說菩薩六度饒益次說菩薩七似饒益一似母饒益二似父饒益三似善友饒益四似同侶饒益五似健奴饒益六似閹梨饒益七似和上饒益問云何似母饒益偈曰

五業如慈母

釋曰譬如慈母於子作五種饒益業一懷胎二出生三長養四防害五教語菩薩饒益衆生五業亦余一等心向衆生二生之於聖地三長養諸善根四防護諸惡作五教習以多聞是名菩薩五種似母業問云何似父饒益偈曰

今信令戒定 今脫令勸請 亦為防後障 五業如慈父

釋曰譬如慈父於子作五種饒益業一下種子二教工巧三為婚室四付

善友五為總債不令後償菩薩五業亦余一令起信以為聖體種子二令學增上戒定以為工巧三令得解脫喜樂以為婚室四令勸請諸佛以為善友五為遮諸障闕以為總債是名菩薩五種似父業問云何似善友饒益偈曰

秘深及呵犯 讚持與教授 令覺諸魔事 五業如善友

釋曰譬如善友於已作五種饒益業一密語為覆二惡行令斷三善行攝譽四所造佐助五遮習惡事惡事四種一射獵二對非三耽酒四博戲菩薩五業亦余一非器者秘其深說二犯戒者如法呵責三具戒者以善攝譽四修行者教令速證五魔事者即令覺知是名菩薩五種似善友業問云何似同侶饒益偈曰

與樂及與利 樂恒利亦恒 及以不離散 五業如同侶

釋曰譬如智同侶於已作五種饒益業一與樂二與利三恒與樂四恒與利五不乖離菩薩五業亦余一與

大智度論卷第三 第六段

不顛倒樂世間成就者名樂由此得樂受故二與不顛倒利出世成就者名利由此對治煩惱病故餘三可解是名菩薩五種似同侶業問云何似健奴饒益偈曰

成生間出要忍害與二成亦以巧方便五業如健奴

釋曰譬如健奴為主作五種饒益業一極諸所作二得不欺誑三忍諸打罵四作事精好五解巧方便菩薩五業亦亦一成熟衆生二開示出要三忍諸惡事四與世間樂五與出世利是名菩薩五種似健奴業問云何似閻梨饒益偈曰

遍授及亦要舒顏亦愛語不求彼恩報五業如閻梨

釋曰得無生忍者說為閻梨譬如閻梨於弟子作五種饒益業一教其諸法二示其速要三身知舒顏四口知愛語五心無怖望菩薩五業亦亦應知問云何似和上饒益偈曰

令滿及令脫斷障與世樂及與出世利五業如和上

大智度論卷第三 第七段

釋曰譬如和上於弟子作五種饒益業一度令出家二與其受戒三禁斷諸過四攝持以財五教授以法菩薩五業亦亦一令滿二聚二令得解脫三令斷諸障四與世間樂五與出世利是名菩薩五種似和上業已說菩薩七似饒益次說衆生六種報恩偈曰不著及不犯知作亦善行如是修六度是報菩薩恩

釋曰如菩薩饒益衆生衆生報菩薩恩亦如是不著者布施報恩不犯者持戒報恩知作者修忍報恩菩薩受忍彼知而作即是報恩善行者行餘三度報恩以精進行定慧即得解脫故後三度合名善行已說衆生六種報恩次說菩薩五種怖望偈曰

六增及六減成生與進地大覺是五處怖望有五種

釋曰諸菩薩於五處常起怖望一怖望六度增長二怖望六度損減三怖望成熟衆生四怖望勝進諸地五怖望無上菩提是名五種怖望已說菩薩五種怖望次說菩薩四種不空果

大智度論卷第三 第八段

偈曰

斷怖與發心除疑亦起行四事化衆生必定不空果

釋曰諸菩薩四業利益衆生必不空果一為說深法必得不怖二令發菩提心必得佛果三為之斷疑必無重起四為說六度必能修習是名四業不空果已說菩薩四種不空果次說菩薩六種正行偈曰

離未離後有遍起諸功德修禪捨無色智合方便行

釋曰離未者布施正行不墜報故離後有者戒忍正行不求後有故遍起諸功德者精進正行修禪捨無色者禪定正行智合方便行者般若正行三輪清淨為般若迴向菩提為方便如寶積經說施不求報如是廣說已說菩薩六種正行次說菩薩六度進退分偈曰

著財與毀禁慢下將情善數味亦分別是退翻為進

釋曰六度所對治是退分因翻彼所對治即是能對治應知即是進分因

已說菩薩六度進退分次說菩薩六度真似功德偈曰

假許及詐相誑喜亦偽勤身靜口善說是似翻即真

釋曰假許者是似布施謂語求者言所有恣取而彼來即悞詐相者是似持戒謂覆藏諸惡而詐善威儀誑喜者是似忍辱謂甘言虛悅而規害待時偽勤者是似精進謂虛說我求佛果而實心懈怠報身靜者是似禪定謂身口端然而惡覺擾心口善說者是似般若謂為他巧說而身自不行此六是不真行翻此不真行即為真行已說菩薩真似功德次說菩薩為衆生除六蔽偈曰
與彼六度行除彼六蔽障菩薩化衆生地地皆如是
釋曰衆生有六蔽能障彼六波羅蜜所謂慳貪破戒嗔恚懈怠亂心愚癡菩薩如其次第給其所須令行布施乃至令行般若使彼衆生得除六障即是與施乃至與智已說菩薩陰衆生六蔽次說諸佛授菩薩記偈曰

授記有三種人別及時別轉記及大記此復為二種

釋曰授記有二種一人差別二時差別人差別授記有四種一未發心授記謂性位二已發心授記三現前授記四不現前授記時差別授記有二種一有數時授記二無數時授記復次更有二種授記一轉授記二大授記轉授記者謂記彼菩薩後於如是如來如是時節當得授記問云何大授記偈曰
八地得無生漸慢斷功用諸佛及佛子一體同如故
釋曰大授記者謂在第八地中得無生忍時由斷自言我當作佛慢故及斷一切分別相功用故得一切諸佛菩薩同一體故問云何同一體答不見諸佛諸菩薩與自己身而有差別何以故同一如故偈曰
刹土及名号時節與劫名眷屬并法住記復有六種
釋曰復有此六種授記一者於如是刹土二者有如是名号三者經如是時節四者有如是劫名五者得如是眷屬六者如是時節正法住世已說諸佛授記次說菩薩六種決定偈曰
財成及生勝不退與修習定業無功用六事決定成
釋曰菩薩由六度增上得六種決定一者財成決定由施常得大財成就故二者生勝決定由戒常得隨意受生故三者不退決定由忍諸苦常不退故四者修習決定由進恒時習善無間息故五者定業決定由禪成就衆生業永不退故六者無功用決定由智得無生忍無分別智自然住故已說菩薩六種決定次說菩薩六種必應作偈曰
供養及學戒修悲亦勤善離誼深樂法六事必應作
釋曰諸菩薩為成就六度故於諸地中決定應作六事一者必應供養此為成就檀度若不長時供養則檀度不得圓滿供養義如供養品說二者必應學戒此為成就戒度若不長時學戒則戒度不得圓滿三者必應修

悲此為成就忍度若不長時忍諸不
饒益事則忍度不得圓滿四者必應
勤善此為成就進度若心放逸不修
諸善則進度不得圓滿五者必應離
諠此為成就禪度若在聚落多諍擾
心則禪度不得圓滿六者必應樂法
此為成就智度若不遍歷諸佛聽法
無厭如海納流無時盈溢則智度不
得圓滿已說菩薩六種必應作次說
菩薩六種必常作偈曰
厭塵及自省 耐苦修善法 不味不分別
六行必常起
釋曰諸菩薩為成就六度故必應常
作六事一者厭塵謂知五欲過失譬
如糞穢雖少亦臭布施果報雖多亦
苦由不著故能行三施此事常修則
檀度圓滿二者自省謂晝夜六時常
自省察所作三業知過則改此事常
修則戒度圓滿三者耐苦若有他求
作諸不饒益事及自求法忍諸寒熱
等苦此事常修則忍度圓滿四者修
善善謂六波羅蜜於諸地中此事常
修則進度圓滿五者不味謂不耽

中勝樂恒來欲界受生此事常修則
禪度圓滿六者不分別謂於三輪異
相不起分別此事常修則智度圓滿
已說菩薩六種必常作次說菩薩六
度勝類偈曰
法施及聖戒 無生起大乘 定悲如實智
六行此為勝
釋曰施有多種以法施而為最上戒
有多種以聖人所受無流戒而為最
上忍有多種以八地無生忍而為最
上精進有多種以起大乘度脫衆生
而為最上定有多種以出世第四禪
與大悲合者而為最上智有多種以
如實通達諸法智而為最上已說菩
薩六度勝類次說四種假建立偈曰
立法及立諦 立理亦立乘 五七四三種
建立假差別
釋曰四種假建立者一法假建立二
諦假建立三道理假建立四乘假建
立問各有幾種答法假建立有五種
差別諦假建立有七種差別道理假
建立有四種差別乘假建立有三種
差別法假建立五種者偈曰

所謂五明處 皆是大乘種 修多祇夜等
類有差別故
釋曰法假建立五種即是五明論此
五皆是大乘修多羅祇夜等種類差
別五明處如覺分品說諦假建立七
種者偈曰
輪轉及空相 唯識與依止 邪行亦清淨
正行如七種
釋曰七種差別即是七如一輪轉如
二空相如三唯識如四依止如五邪
行如六清淨如七正行如輪轉如者
謂生死即是三界心心法此從分別
起此分別復從因緣起不從自在等
因生亦非無因生由分別境界空故
一切時但有分別依他二性輪轉空
相如者謂法無我一切諸法同一空
如以為相故唯識如者謂無分別智
依止如者謂苦諦此有二種一器世
間二衆生世間邪行如者謂集諦此
即是愛清淨如者謂滅諦此有二種
一煩惱障淨二智障淨正行如者謂
道諦如此七種如名諦假建立此中
應知三種如是分別依他二性謂輪

轉如依止如邪行如四種如是真實
性謂空相如唯識如清淨如正行如
故分別依他二性攝者即是世諦真
實性攝者即是真諦道理假建立四
種者偈曰

正思正見果 擇法現等量 亦說不思議
道理有四種

釋曰道理假建立有四種一相待道
理二因果道理三成就道理四法然
道理相待道理者所謂正思由待正
思出世正見方始得起離正思惟更
無別方便故因果道理者所謂正見
及果成就道理者所謂以現等量簡
擇諸法法然道理者所謂不可思議
處此法已成故如問何故正思能起
正見此已成就不應更思何故正見
能斷煩惱及得於滅此已成就不可
更思諸如是義是法然道理如此
四種名道理假建立乘假建立三種
者偈曰
心說行聚果 五各下中上 依此三品異
建立有三乘
釋曰依五義三品建立三乘五義者

一心二說三行四聚五果三品者謂
下中上若聲聞五事俱下心下者求
自解脫說下者說自利法行下者行
自利行聚下者福智狹小但三生等
果下者得聲聞果若緣覺乘五事俱
中若菩薩乘五事俱上心上者謂四
種思心如金剛波若經說上者如
其思心作如是說法行上者如其說
法作如是行行聚上者如其行行得
如是聚滿果上者如其聚滿得无上
菩提復次若聲聞乘從他聞法內白
思惟以分別智得果若緣覺乘不從
他聞內自思惟亦以分別智得果若
菩薩乘不從他聞以無分別智得果
此三種名乘假建立已說四種假建
立次說菩薩四種求知偈曰
名物平為客 二性俱是假 二別不可得
是名四求義

釋曰諸菩薩四種求諸法一名求二
物求三自性求四差別求名求者推
名於物是客此謂名求物求者推物
於名是客此謂物求自性求者推名
自性及物自性知俱是假此謂自性

求差別求者推名差別及物差別知
俱空故悉不可得此謂差別求說四
求已次分別四如實知偈曰
真智有四種名等不可得二利為大業
成在諸地中

釋曰諸菩薩於諸法有四種如實知
一緣名如實知二緣物如實知三緣
自性如實知四緣差別如實知如實
知者由知一切名等皆不可得故二
利為大業成在諸地中者諸菩薩於
諸地中起自利利他大事此名如實
知業偈曰

住持及受用 種子合三因 依止及心法
亦種為彼縛

釋曰三因者一住持因二受用因三
種子因住持因者謂器世界受用因
者謂五欲境界種子因者謂阿梨耶
識由此識是內外諸法種子因故此
三因如繩即是能縛問此縛縛何等
初答依止及心法亦種為彼縛所縛
亦有三種一依止二心法三阿梨耶
識問依止是何等答是眼等六根問
阿梨耶識是何等答是三界內外諸

大衆莊嚴論第十二卷 第十八偈

天

法種子此中但有阿梨耶識可縛無人我可縛此名如實知繫縛偈曰
安相在心前及以自然住一切俱觀察至得大菩提

釋曰安相在心前者安相謂聞思修慧方便人所緣起分別故名安相及以自然住者彼相謂自性現前非分別故名自然住一切俱觀察者彼二所緣非所緣體無分別故以此方便為諸相對治彼二應次第觀察謂先觀安相後觀自然住相此二皆非緣體彼起四倒即得隨滅至得大菩提者若修行入但觀察人相唯得聲聞緣覺菩提若觀察一切法相即得無上菩提如是隨其所縛而得解脫此名如實知解脫問此解脫由何所知由何所盡偈曰
若智緣真如遠離彼二執亦知黨聚因依他性即盡
釋曰若具知三性即盡依他性若智緣真如者是知真實性遠離彼二執者是知分別性亦知黨聚因者是知依他性依他性即盡者由知三性即

大衆莊嚴論第十三卷 第十九偈

天

黨習聚盡黨習聚者謂阿梨耶識問此盡有何功德偈曰

緣彼真如智觀察無異相有非有現見想作自在成

釋曰觀察無異相者別相及如無差別見故此說二乘與菩薩差別二乘相及無相差別而見如是見已悉捨於相於無相界起作意緣入無相三昧菩薩則不念於真如外不見別有諸相於無相界亦見無相由菩薩智無種種相修故有非有現見者有名真如境界非有名相境界皆現見故想作自在成者謂欲作神通等事一切皆由憶想分別而成此是如實知利益問凡夫及菩薩二見云何顯示偈曰
覆實見不實應知是凡夫見實覆不實如是名菩薩
釋曰凡夫無功用不見真如見不真實相菩薩無功用見真如不見不真實相問已知差別云何轉依及得解脫偈曰
不見見應知 无義有義境轉依及解脫

大衆莊嚴論第十三卷 第二十偈

天

以得自在故

釋曰無義境界謂諸相此即不見有義境界謂真如此即見如是說名轉依見所執境界無體及見真如有體如是說名解脫何以故以得自在故自在者謂隨自意轉自然不行諸境界如經說若有相則被縛若被縛則無解脫不行一切境界即是解脫問云何如實知淨土方便偈曰
衆生同一種地境皆普見此即淨土障應知亦應捨
釋曰衆生同一種地境皆普見者器世界是大境界一切衆生同見一種類皆言此是大地故此即淨土障者由作此見即與淨土方便而為障礙應知亦應捨者菩薩知此想為障礙已即應勤捨此想是名對治已說菩薩四種如實知次說菩薩五種無量偈曰
應化及應淨應得亦應成應說此五事菩薩五無量
釋曰五事無量者一應化事無量由攝一切衆生界故二應淨事無量由

攝一切器世界故三應得事無量由攝一切法界故四應成事無量由攝一切可化衆生故五應說事無量由攝十二部經是化衆生方便故已說菩薩五種無量次說菩薩說法有八果偈曰

發心及得忍淨眼與盡漏法住學亦斷受用為八果

釋曰菩薩若勤說法能得八果一諸聽法者或發菩提心二或得無生忍三或於諸法遠塵離垢得法眼淨此謂下乘所攝四或得諸漏盡五今正法久住由此正說得展轉受持故六未學義者令得學義七未斷疑者令得斷疑八已斷疑者令得受用正法無障大喜味已說菩薩說法有八果次說大乘七大義偈曰

緣行智勤巧果事皆具足依此七大義建立於大乘

釋曰若具足七種大義說為大乘一者緣大由無量修多羅等廣大法為緣故二者行大由自利利他行皆具足故三者智大由人法二無我一時

通達故四者勤大由三大阿僧祇劫無間修故五者巧大由不捨生死而不染故六者果大由至得力無所畏不共法故七者事大由數數示現大菩提大涅槃故已說大乘七大義次說八法攝大乘偈曰

性信心行入成淨菩提勝如是八種事惣攝諸大乘

釋曰此以八事惣攝一切大乘八事者一種性如性品說二信法如信品說三發心如發心品說四行行如度攝品說五入道如教授品說六成熟衆生謂初七地七淨佛國土謂第八不退地八菩提勝謂佛地菩提有三種謂聲聞菩提緣覺菩提佛菩提佛菩提大故為勝於此佛地亦現大菩提及大涅槃故已說八法攝大乘次說菩薩五人差別偈曰

信行及淨行相行無相行及以無作行差別依諸地

釋曰菩薩有五人差別一信行人謂地前一阿僧祇劫二淨心行人謂入初地三相行人謂二地至六地四無

相行人謂第七地五無作行人謂後三地已說菩薩五人差別次說菩薩諸相差別偈曰

不著及清淨降眞與勤德不動并見實有欲名菩薩

釋曰此偈以自利門說菩薩相不著者是能行施不著諸欲故清淨者是能持戒降眞者是能忍辱勤德者是能精進不動者是能習定見實者是能修智有欲者是能起願樂大菩提故行此七事說名菩薩相偈曰

隨攝及無惱耐損并勇力不放逸多聞利彼名菩薩

釋曰此偈以利他門說菩薩相隨攝者是施恒以四攝攝衆生故無惱者是戒自信於他不起惱害見故耐損者是忍他來違逆不懷加報意故勇力者是進在苦度衆生無有退屈心故不放逸者是定不著禪味來就下處生故多聞者是智能斷一切衆生疑故如是勤行利他是菩薩相偈曰

厭財及捨欲忘怨亦勤善巧相無惡見內住名菩薩

釋曰此偈以住功德門說菩薩相狀

大智度論卷第二十五

財者住施功德知慳財過墮於惡道
來貧窮故捨欲者住戒功德若著五
欲不能出家受持戒故忘怨者住忍
功德他來損已不懷不報故懷報者
如似畫石不懷報者如似畫水一墮
惡道一生善趣勤善者住進功德為
自他二利恒行六波羅蜜故巧相者
住定功德善能分別止舉捨三相故
無惡見者住智功德一切諸相不可
得故內住者住願功德內謂大乘論
住不動故偈曰
具悲亦起慙耐苦及捨樂持念并善定
不捨名菩薩

樂故偈曰

大智度論卷第二十五

除苦不作苦 客苦不畏苦 脫苦不思苦
欲苦名菩薩

釋曰此偈以離苦門說菩薩相除苦

者是施施他物時除他貧窮故不作
苦者是戒戒自居時不作苦惱他故
客苦者是忍自他利時諸苦能受故
不畏苦者是進進難行時恒得不退
故脫苦者是定難欲欲界時解脫苦
苦故不思苦者是慧三輪清淨時不起
分別故欲苦者是願為化眾生樂住
生死故偈曰
樂法及性法 呵法亦勤法 自在法明法
向法名菩薩

釋曰此偈以攝法門說菩薩相樂法

是故名菩薩
釋曰此偈以不放逸門說菩薩相一
財不放逸此由布施不施不堅施則
堅固故二制不放逸此由持戒如佛
說應作者作不應作者不作故三護
不放逸此由忍辱護自他心無兩害
故四善不放逸此由精進常起正勤
行六度故五樂不放逸此由修定諸
禪樂受不味著故六法不放逸此如實
真法此能知故七乘不放逸此由大
願魔王來壞其菩提心亦不退故偈曰
不遂及小罪 不忍退亦亂 小見及異乘
七著名菩薩

釋曰此偈以有著門說菩薩相一不

遂著著慳貪故二小罪著著微細罪
見怖畏故三不忍著著不忍故四退
著著慙急故五亂著著退定故六小
見著著餘小執通達法無我故七異
乘著著起小乘心捨大菩提故偈曰
今世後世捨 起勤亦得通 等說及大果
七攝名菩薩

釋曰此偈以攝生門說菩薩相一今

世攝謂以布施攝現在眾生二後世

攝謂以持戒攝未來衆生得勝生處方能攝故三捨攝謂以忍辱攝有惱亂衆生四起勤攝謂以精進攝懈怠衆生五得通攝謂以禪定攝他方衆生往彼化故六等說攝謂以智慧攝下中上衆生等心為說無增減故七

大果攝謂以大願若得佛果攝諸衆生無有餘故此諸偈義以異門說六度及大願是菩薩相應知已說菩薩諸相差別次說菩薩諸名差別偈曰應知諸菩薩亦名摩訶薩亦名有慧者亦名上成就亦名降伏子亦名降伏持亦名能降伏亦名降伏牙亦名為勇猛亦名為上聖亦名為導師亦名大名稱亦名為有悲亦名大福德亦名自在行亦名正說者

釋曰此十六名皆依義立一切菩薩悉有此名若人聞有此名應知即是菩薩已說菩薩諸名差別次說菩薩諸義差別偈曰

實覺大義覺一切覺恒覺及以方便覺五覺名菩薩

釋曰由有五覺故名菩薩一者實義

覺覺人法無我故二者大義覺覺自他義故三者一切覺覺一切種義故四者恒覺雖現涅槃覺無盡故五者方便覺覺隨物機而作方便故偈曰隨我及小見及以諸識身亦於虛分別四覺名菩薩

釋曰復由四覺名為菩薩一隨我覺由覺心故心謂阿梨耶識二小見覺由覺意故意謂與我見等四或相應緣阿梨耶識者三識身覺由覺識故識謂六識身四虛分別覺由覺不真分別故不真分別者即前心意識一切菩薩唯覺此是不真分別故偈曰無境及真義永無亦圓滿亦說不可得五覺名菩薩

釋曰復由五覺名為菩薩一無境覺覺依他性故二真義覺覺真實性故三永無覺覺分別性故四圓滿覺覺一切境一切種故五不可得覺覺三輪清淨故三輪者一應覺謂菩薩境二依覺謂菩薩身三覺性謂菩薩智此三不可得故名不可得覺偈曰成就及處所胎藏隨次現及以斷深疑

五覺名菩薩

釋曰復由五覺名為菩薩一成就覺謂成佛果二處所覺謂住兜率天宮三胎藏覺謂入母胎四隨次現覺謂出胎受欲出家修行成道五斷深疑覺謂為諸衆生轉大法輪偈曰得不得及住於自亦於他有說與無說有慢及慢斷未熟亦已熟如此十一種一切皆能覺是故名菩薩

釋曰復由十一種覺故名菩薩得不得及住者如其次第過去未來現在覺於自亦於他者謂內覺外覺有說與無說者謂虛覺細覺有慢及慢斷者謂劣覺勝覺未熟亦已熟者謂遠覺近覺未熟者覺彼久遠方覺已熟者覺彼於近即覺功德品究竟

大乘莊嚴經論卷第十二

癸卯歲高麗國大藏都監奉勅彫

大乘莊嚴經論卷第十三

父

無著菩薩造

大唐天竺三藏波羅頗蜜多羅譯

行住品第二十三

釋曰已說菩薩功德次說菩薩五種相偈曰

內心有憐愍受語及勇健開手并釋義此五菩薩相

釋曰菩薩有五種相一憐愍二受語三勇健四開手五釋義憐愍者以菩提心攝利衆生故受語者令於佛法得正信故勇健者難行苦行不退屈故開手者以財攝故釋義者以法攝故此五種相應知初一是心後四是行已說菩薩五種相次說菩薩在家出家分偈曰

菩薩一切時恒居輪王位利益衆生作在家分如此

釋曰菩薩在家恒作輪王化行十善離於十惡此是利益偈曰

受得及法得及以亦現成三種出家分在於一切地

釋曰菩薩出家有三分一受得分謂從他受護二法得分謂得無流護三亦現分謂變化作受得分謂信行地法得分及亦現分謂入大地偈曰

應知出家分元量功德具欲此在家分最勝彼無等

釋曰二分按量出家分勝由元量功德具足故已說菩薩在家出家分次說菩薩五種極大心偈曰

受果及善根涅槃欲今得未淨淨極淨謂在諸地中

釋曰五極大心者一樂極大心二利極大心三未淨極大心四已淨極大心五極淨極大心受果者謂樂極大心今諸衆生得後世受果故善根者謂利極大心今諸衆生現行諸善及得涅槃故未淨者謂未淨極大心即信行地菩薩淨者謂已淨極大心即初地至七地菩薩極淨者謂極淨極大心即後三地菩薩已說菩薩五種極大心次說菩薩四種攝衆生偈曰

欲樂及平等增上與徒衆四心於諸地攝受一切生

釋曰四種攝衆生者一欲樂心攝由以菩提心攝故二平等心攝由入初地得自他平等心攝故三增上心攝由居士位以自在力攝故四徒衆心攝由攝成自弟子故已說菩薩四種攝衆生次說菩薩四種受生偈曰

業力及願力定力亦通力依此四種力菩薩而受生

釋曰四種受生者一業力生二願力生三定力生四通力生業力生者謂信行地菩薩業力自在隨所欲處而受生故願力生者謂入大地菩薩願力自在為成熟他受畜生等生故定力生者謂得定菩薩定力自在捨於上界下受生故通力生者謂得神通菩薩通力自在能於兜率天等亦現諸相而受生故已說菩薩四種受生次說菩薩十一住相偈曰

證空證業果住禪住覺分觀諦觀緣起無相無功用化力淨二門及以菩提淨以此諸所說立地相應知
釋曰十一住者即十一地住者名地故證空者顯初住相多住人法二無

我故證業果者顯第二住相證業及
 果不壞能護戒故住禪者顯第三住
 相能生欲界而不退禪故住覺分者
 顯第四住相能入生死而不捨覺分
 故觀諦者顯第五住相以明教化惛
 唯惛心以我無故觀緣起者顯第六
 住相能不起淨心而依緣起受生故
 無相者顯第七住相行雖用而上
 糸一道多住無相故無功用者顯第
 八住相淨淨佛土而無起作多住無
 功用故化力者顯第九住相四辨自
 在能成熟一切眾生故淨二門者顯
 第十住相三昧門陀羅尼門極清淨
 故淨菩提者顯第十一住相一切智
 障斷究竟故已說菩薩十一住相次
 說菩薩依地立名偈曰
 初三三行淨次三三覺斷後三覺捨化
 第十有四名

者第四地名斷法門異慢菩薩於諸
 經法破起差別慢故第五地名斷相
 續異慢菩薩入十平等心於一切相
 續得平等故第六地名斷淨淨異慢
 菩薩如性本淨客塵故捺能住緣起
 法如不起黑白差別見故後三覺捨
 化者第七地名得覺菩薩住無相力
 能念念中修三十七覺分故第八地
 名行捨菩薩住無功用無相故亦名
 淨土菩薩方便行與不退地菩薩合
 故第九地名化眾生菩薩能成熟一
 切眾生故第十有四名者一名大神
 通菩薩得大神通故二名滿法身菩
 薩具無量三昧門陀羅尼門故三名
 能現身菩薩住兜率天等示相身故
 四名受職菩薩於諸佛所得受職故
 已說菩薩依地立名次說菩薩隨地
 修學及學果偈曰
 隨次依前六見性修三學隨次依後四
 得果有四種
 釋曰隨次依前六見性修三學者菩
 薩於初地通達真如第二地學增上
 戒第三地學增上心第四第五第六

地學增上慧慧有二境一法實謂苦
 等四諦二緣起謂逆順觀十二因緣
 此二境亦在第二第三地中是故彼
 地亦增上慧建立然第四地中菩提
 分慧增上第五地中諦觀慧增上第
 六地中緣起觀慧增上故此三地建
 立增上慧學隨次依後四得果有四
 種者依第七地得無相有功用住為
 第一果依第八地得無相無功用住
 為第二果依第九地得成熟眾生為
 第三果依第十地得二門成熟為第
 四果已說隨地修學及學果次說菩
 薩隨地修習无源五陰偈曰
 見性淨三身亦在前六地餘地淨餘二
 遠離五障故
 釋曰初地見性如前解第二地中戒
 身清淨第三地中定身清淨第四第
 五第六地中慧身清淨後四地及佛
 地解脫身解脫知見身清淨由離五
 障故五障者第七地中以執相無知為
 障第八地中以功用無知為障第九
 地中以不能化生無知為障第十地
 中以未淨二門無知為障佛地中以

大衆在衆論第十卷 第六分
尋障無知為障謂此無知能尋聲聞緣覺境界智諸佛知一切境無尋由解脫此障故已說菩薩隨地修無流五陰次說菩薩隨地成就未成就偈曰未成就成就成復未成 如地建立知分別無分別

釋曰未成就成就者彼信行地是未成就自餘諸地是名成就成復未成者於前成就地中復有未成就成就七地已還名未成就有功用故八地已上是名成就無功用故問前說歡喜地亦是成就此義云何答如地建立知分別無分別此由於地建立中知唯分別於此分別亦無分別所執能執俱無體故約此義故說名成就偈曰

應知諸地中修習及成就此二不思議諸佛境界故

釋曰菩薩於諸地中各有修習及成就應知地地皆不可思議由諸菩薩內自證覺是諸佛所知非餘人境界故已說菩薩隨地成就未成就次說菩薩入地十種相偈曰

十地十地論第十卷 第六分
明信及無劣無怯亦無待通達及平等離偏亦離著及以知方便亦在聖衆生如此十種相地地皆圓滿

釋曰入地菩薩地地皆有十相何者為十一明信二無劣三無怯四無待五通達六平等七離偏八離著九知方便十聖衆生明信者於自地得明於諸法中除無知故於他地得信於後諸地生願樂故無劣者聞深妙法不驚怖故無怯者行難行行極勇猛故無待者起自地行不待教故通達者他地方便能起故平等者普於衆生同自心故離偏者耳聞毀譽無高下故離著者得輪王等位無愛染故知方便者知諸法不可得為佛方便故聖衆生者諸佛徒衆恒在生故此等十相地地皆具應知已說菩薩入地十種相次說菩薩地中十度相偈曰

有欲無六障其次無亂慧不漂亦不迴事友及供養迴向將生勝修善通戲通功德嚴如是佛子十六相

釋曰諸菩薩於諸地中得十要有十六相何者十六一有欲樂行諸度故

大衆在衆論第十卷 第六分
二無慳離施障故三無違離戒障故四無恚離忍障故五無慳離進障故六慈悲離定障故慈悲能與樂拔苦是瞋恚對治由定得故七無惡慧離慧障故惡慧有三謂自性分別隨憶分別顯示分別此能斷故八無亂慧離異乘心故九不漂不為人天勝樂醉其心故十不迴不為不成就苦及難行苦退其心故十一事友依佛所示善知識聞大衆故十二供養供養三寶故十三迴向善巧方便故十四生勝此顯願波羅蜜相離八難處不離諸佛菩薩故十五修善此顯力波羅蜜相無間修諸善根故十六戲通此顯智波羅蜜相遊戲諸大神通功德故菩薩若得此相則為一切衆中上首是名佛子十六相已說菩薩地中十度相次說菩薩度度五功德偈曰

地地昇進時度度有五德二及二及一應知止觀俱

釋曰地地昇進時度度有五德者菩薩於一地修一度於一一度皆具五德功德何者為五一滅習二得

荷三圓明四相起五廣因滅習者一
剎那滅除依中習氣聚故得荷者
離種種相得法樂故圓明者遍知一
切種不作分段故相起者由入大地
無分別相生故廣因者為滿為淨一
切種法身福聚智聚攝令增長故二
及二及一應知止觀俱者此中應知
初二功德是奢摩他分次二功德是
毗鉢舍那分第五功德是俱分已說
菩薩度度五功德次釋菩薩十地名
偈曰

見真見利物 此處得歡喜 出犯出異心
是名離垢地 求法持法力 作明故名明
惑障智障新 能燒是焰慧 難退有二種
能退故難勝 不住二法觀 恒現名現前
離道障一道 遠去名遠行 相想無相想
動無不動地 四辯智力巧 說善稱善賢
二門如雲遍 兩法名法雲

釋曰見真見利物此處得歡喜者菩
薩於初地中一見真如謂見自利昔
曾未見今時始見去善提近故二見
利物謂見利他一剎那能成熱百
衆生故由此二見起勝歡喜故名歡

喜地出犯出異心是名離垢地者菩
薩於二地中出二種垢一出犯戒垢
二出起異乘心垢由出二垢故名離
垢地如十地經說我等應得應淨一
切種智故勤精進求法持法力作明
故名明者菩薩於三地中得三昧自
在力於元量佛法能求能持得大法
明為他作明由能以法自明明他故
名明地惑障智障新能燒是焰慧者
菩薩於四地中以菩提分慧為焰自
性以惑智二障為薪自性此地菩薩
能起慧焰燒二障薪故名焰慧地難
退有二種能退故難勝者菩薩於五
地中有二種難一勤化衆生心無惱
難二衆生不從化心無惱難此地菩
薩能退二難於難得勝故名難勝地
不住二法觀恒現名現前者菩薩於
六地中依般若力能不住生死涅槃
二法如此觀慧恒現在前故名現前
地離道障一道遠去名遠行者菩薩
於七地中近一乘道故名遠去問誰
是遠去答切用方便究竟此遠能去
由此遠去故名遠行地相想無相想

動無不動地者菩薩於八地中有相
想及無相有功用想二想俱不能動由
無此動故故名不動地四辯智力巧
說善稱善慧者菩薩於九地中四無
尋慧寂滅殊勝於一剎那須三千世
界所有人天異類異音異義異問此
地菩薩能以一音普答衆問遍斷衆
疑由此說善故名善慧地二門如雲
遍雨法名法雲者菩薩於十地中由
三昧門及陀羅尼門攝一切聞薰習
因遍滿阿梨耶識中解如浮雲遍滿
虛空能以此聞薰習雲於一剎那
於一一相於一一好於一一毛孔雨
無量無邊法雨充足一切可化衆生
由能如雲雨法故名法雲地問釋別
名已云何名住云何名地偈曰
為集諸善根 樂住故說住 數數數元長
復以地為名
釋曰為集諸善根樂住故名住者諸
菩薩為成就種種善根於一切時樂
住一切地是故諸地說名為住數數
數無畏復以地為名者步跡耶名為
地步者數數義跡者實數義耶者元

畏義諸菩薩欲進上地於一二地中

數數斷障導數數得功德是名數數

義地以十數為量諸菩薩於二地

中知斷余所障導知得余所功德知

此不虛是名實數義上地是無畏處

諸菩薩畏於自地中退失自他利切

德進求上地是名無畏義由此三義

故名為地已說菩薩十地名次說菩

薩四種得地差別偈曰

由信及由行 由達亦由成 應知諸菩薩

得地有四種

釋曰四種得地者一由信得二由行

得三由通達得四由成就得由信者

以信得諸地故如信地中說由行者

以正行得諸地故諸菩薩於大乘法

有十種正行一書寫二供養三流傳

四聽受五轉讀六教他七習誦八解

說九思擇十修習此十正行能生無

量功德聚此行得地故名行得通達

者通達第一義諦乃至七地名通達

得成就者八地至佛地名成就得已

說菩薩四種得地差別次說菩薩四

種修行差別偈曰

諸度諸覺分 諸通及諸攝 為大亦為小

俱入亦俱成

釋曰惣說一切菩薩行不過四種一

波羅蜜行二菩提分行三神通行四

攝生行說波羅蜜行為求大乘眾生

說菩提分行為求小乘眾生說神通

行為今二種眾生得入佛法說攝生

行為今二種眾生成熟佛法行住品

究竟

大乘在嚴經論敬佛品第二十四

釋曰已說菩薩行住次說禮佛功德

偈曰

合心及離心 不離利益心 憐愍諸眾生

救世我頂禮

釋曰此偈禮如來无量勝功德合心

者是慈心由與樂故離心者是悲心

由拔苦故不離心者是喜心由恒悅

故利益心者是捨心由無染故偈曰

一切障解脫 一切世間勝 一切處遍滿

心脫我頂禮

釋曰此偈禮如來三處勝功德一切

障解脫者顯解脫勝由一切或障一

切智障得解脫故一切世間勝者顯

制入勝由心自在隨其所緣隨意轉

故一切處遍滿者顯遍入勝由一切

境中智遍滿故由此三義心於三處

而得解脫故說心解脫偈曰

能遮彼惑起 亦能害彼惑 流注諸眾生

悲者我頂禮

釋曰此偈禮如來無諍勝功德能遮

彼惑起者一切眾生應起煩惱如來

凡所作業能令不起亦能害彼惑者

彼惑若已起如來亦能令起對治方

便若餘人無諍但能令他緣自不起

煩惱而不能令他起對治如來無諍

則不介非但令彼不起亦能令彼起

對治是故為勝流注諸眾生悲者我

頂禮者如來無諍三昧於一切流注

眾生偏起憐愍是故於彼名為悲者

偈曰

無功用無著 無尋恒寂靜 能釋一切疑

勝智我頂禮

釋曰此偈禮如來願智勝功德如來

願智由五事勝一於起無功用二於

境不著三於中無尋四恒時寂靜五

能釋眾疑由此五義是故為勝餘人

願智一非無功用作意起故二非無

著假定力故三非無尋少分知故四

非恒靜非常定故五不釋疑有無知

故偈曰
所依及能依 於言及於智 說者無尋慧

善說我頂礼

釋曰此偈礼如來無尋勝功德所說

有二種一所依謂法二能依謂義說

具有二種一方言二巧智如來於此

所說及說具慧常无尋是故為勝說

者即顯無尋業開亦有方故名善說

偈曰

能去及能聞 知行知來去 令彼得出離

教授我頂礼

釋曰此偈礼如來神通勝功德能去

者是如意通能往彼彼所故能聞者

是天耳通能聞彼彼音故知行者是

他心通能知彼人心行差別故知來

者是宿住通能知彼人前世從此因

來故知去者是生死通能知彼人今

世從此因去故令彼得出離者是漏

盡通能如實為彼說法故偈曰

衆生若有見 知定是丈夫 深起淨信心

方便我頂礼

釋曰此偈礼如來相好勝功德一切

衆生若有見者即知如來是大丈夫

及於如來起淨信業由以相好為方

便故偈曰

取捨住變化 定智得自在 如此四清淨

世尊我頂礼

釋曰此偈礼如來清淨勝功德清淨

四種一身清淨二緣清淨三心清淨

四智清淨取捨住者顯身清淨能於

自身壽中若取若捨若住得自在故

變化者顯緣清淨能於諸境轉變起

化得自在故定者顯心清淨能於諸

定出入得自在故智者顯智清淨能

知諸境無礙得自在故偈曰

方便及端依 清淨與出離 於此破四誑

降魔我頂礼

釋曰此偈礼如來力勝功德降魔依四

事破壞衆生何者四事一依方便誑

惑衆生言受用五塵得生善道不墮

惡道二依端依誑惑衆生言自在天

等是端依處餘處則非三依清淨誑

惑衆生言世間諸定唯此清淨餘非

清淨四依出離誑惑衆生言小乘道

果唯此出離非有大乘佛為破魔四

事顯已十力一以是非智力破魔第

一事由善方便可得生天非惡方便

故二以自業智力破魔第二事由自

業生天非依自在天等力故三以禪

定智力破魔第三事由具知禪定解

脫三昧三摩跋提故四以後七智力

破魔第四事由下根等令離上根等

安置故偈曰

於智亦於斷 於離亦於障 能說自他利

摧邪我頂礼

釋曰此偈礼如來無畏勝功德於智

者是說一切智無畏於斷者是說漏

盡無畏於離者是說盡苦道無畏於

障者是說障道无畏此中智及斷是

說自利功德離及障是說利他功德

若諸外道難言瞿曇非具一切智非

盡一切漏說道不能盡苦說障不能

妨道如來於此四難而能摧伏故名

無畏偈曰

在衆極治罰 自無所護故 離二染正住

攝衆我頂礼

釋曰在衆極治罰自無所護故者此

大衆經論第十二卷 第七十九

禮如來不護勝功德若自有所護在衆不能說極治罰故離二涂正住者此禮如來念處勝功德離二涂者無喜憂故正住者不忘念故由此二種功德勝故能攝於一切徒衆此即畢業偈曰

行住一切處無非一切智由斷一切習實義我頂禮

釋曰此偈禮如來斷習勝功德如來於一切處一切時行住等事無非一切智威儀由具斷一切煩惱習故若無一切智者煩惱雖盡而習不盡於行住時或逢奔車逸馬即被損害由非一切智威儀故如來無此事由實有一切智故偈曰

利益衆生事隨時不過時所作恒無謬不忘我頂禮

釋曰此偈禮如來不忘勝功德如來作利益衆生事恒得其時不過其時此是不忘法業如來所作一切時皆實不虛此是不忘法自性偈曰

晝夜六時觀一切衆生界大悲具足故

利益我頂禮

大衆經論第十三卷 第八十

釋曰此偈禮如來大悲勝功德如來以大悲故晝夜六時觀察衆生誰退誰進未起善根者令其得起已起善根者令其增進雖日六時而實一切時恒轉法輪由大悲具足故此即大悲業於一切衆生常起利益意此是大悲自性偈曰

由行及由得由智及由業於一切二乘取上我頂禮

釋曰此偈禮如來不共勝功德如來有十八不共法一身無失二口無失三念無失四無異想五無不定心六無不知已捨七欲無減八精進無減九念無減十慧無減十一解脫無減十二解脫知見無減十三智知過去無著無礙十四智知未來无著無礙十五智知現在無著无著十六身業隨智慧行十七口業隨智慧行十八意業隨智慧行此中由行者攝初節六不共由得者攝第二節六不共由智者攝第三節三不共由業者攝第四節三不共一切聲聞緣覺於餘一

切衆生為上如來由此四事不共故於彼上復上故名取上偈曰

三身大菩提一切種得故衆生諸處疑能除我頂禮

釋曰此偈禮如來種智勝功德三身者一自性身二受用身三化身此說種智自性問此智於一切境知一切種復去何答一切衆生於一切處生疑此智能斷此說種智業偈曰

清淨我頂禮

釋曰此偈禮如來度滿勝功德无著者於諸資財無所染故無過者於身等業永無垢故无穢者世法諸苦不濁心故無息者少有所得不即住故無動者心恒寂靜不散乱故无戲論者一切法中所有分別皆不行故如來此六圓滿具離六障故名清淨偈曰成就第義出離一切地於他得直捷解脫諸衆生无盡等功德現在皆具足世見衆亦見不見人天等

釋曰此二偈禮如來佛相勝功德此中略說佛相有六種一體二因三衆

四業五相應六差別由此六種表

是佛故說佛相成就第一義者此是

體相由真如寂清淨第一義成就故

出離一切地者此是因相由出離一

切菩薩地故於他得尊極者此是果

相由於一切眾生中得第一故解脫

諸眾生者此是業相由能令一切眾

生得解脫故無盡等功德現世皆具

足者此是相應相世見來亦不見

人天等者此是差別相世見者謂種

種世界皆見此是化身眾亦見者謂

佛大弟子眾亦見此是受用身不見

者謂人天等一切時不見此是自性

身此即三身差別敬佛品究竟大乘

佛多羅莊嚴論極清淨時說已究竟

大乘莊嚴論卷第十三

癸卯歲高麗國大藏都監奉

勅彫造

大莊嚴論經卷第一

馬為菩薩造

後秦三藏鳩摩羅什譯

前札寂勝尊離欲邁三有亦敬一切智

甘露微妙法并及八輩眾無垢清淨僧

富那脇比丘彌織諸論師薩婆至婆眾

牛王正道者是等諸論師我等皆敬順

我今當次說顯亦莊嚴論聞者得滿足

眾善從是生可歸不可歸可供不可供

於中善惡相宜應分別說

說曰我昔曾聞乳咆羅國有商賈客

到摩突羅國至彼國已時彼國中有

一佛塔眾賈客中有一優婆塞日至

彼塔恭敬禮拜向塔中路有諸婆羅

門見優婆塞禮拜佛塔皆共嗤笑更

於餘日天甚蒸熱此諸婆羅門等食

訖遊行而自放散或在路中或立門

側有洗浴者有塗香者或行或坐時

優婆塞禮塔迴還諸婆羅門見已變

言來優婆塞就此坐語優婆塞言今

今云何不識知彼摩醯首羅毗紐天等

而為致敬乃禮佛塔得無煩耶時優

婆塞即答之曰我知世尊功德少分

是故欽仰恭敬為禮未知汝天有何

道德而欲令我向彼禮乎諸婆羅門

聞是語已瞋目呵叱愚癡之人汝云

何不知我天所有神德而作是言諸

婆羅門即說偈言

阿修羅城郭高顯周三重懸處於虛空

男女悉充滿我天摩弓矢遠中彼城郭

一念盡燒滅如火焚乾草

時優婆塞聞是偈已大笑而言如斯

之事吾之鄙薄所不敬尚以偈答言

命如葉上露有生會當滅云何有智者

弓矢加殘害

時諸婆羅門等聞是偈已咸共同聲

呵優婆塞言是癡人彼阿修羅有大

勢力好為惡事我天神德力能殺害

云何乃言非有智耶時優婆塞被呵

責已喟然長歎而說偈言

美惡諦觀察智者修善業能獲大果報

後則轉受樂云何於過惡反生功德想

邪見既增長歎惡以為善以是惡業故

後獲大苦報

諸婆羅門聞是語已堅目舉手懷懼